

En¹nta³ xi³ t²a³ts²e⁴ Cristo jo³-s²in² Marcos qui³squi³

Juan Bautista qui³nchja⁴ya³

(Mt. 3:1-12; Lc. 3:1-9, 15-17; Jn. 1:19-28)

1 C'oa⁴-s²in² qui³to²ts²in³cao⁴
en¹nta³ xi³ t²a³ts²e⁴ Jesucristo
xi³ ?nti¹-le⁴ Ni³na¹. **2** Jo³-s²in² nca³
qui³squi³ je² cho⁴ta⁴ xi³ Isaías
xi³ qui³nchja⁴ya³ t²a³ts²e⁴ Ni³na¹:
Coe⁴-ni³, an³ si³ca³sen¹ ti¹tjon²-
le²³ je² cho⁴ta⁴-na⁴ xi³ fi²cao⁴ en¹,
xi³ coa⁴²nta³ ti¹tjon²-li² ntia⁴²-
li⁴. **3** Tjin¹ xi³ n⁷ion¹ nchja⁴ ya⁴
?nte³t²a³xin²t²a³: Tja³ntao³ ntia⁴²
xi³ t²a³ts²e⁴ Nai³-na¹. Tja³qui²xio⁴³
ntia⁴²?nti¹-le⁴. **4** Juan tsa³ca³te¹nta¹
ya⁴ jña³ ?nte³t²a³xin²t²a³. C'oa⁴-s²in²
qui³nchja⁴ya³ cjoa⁴sa³te¹nta¹ xi³
t²a³ts²e⁴ cho⁴ta⁴ nca³ si⁴²c²a³ntjai²ya³
cjoa⁴fa³?ai³tsjen³-le⁴, jme¹-ni³ nca³
cha⁴t²a³-si¹ni³ je¹-le⁴. **5** Ji³tjo³con³-
le⁴ nca³ts²i³ cho⁴ta⁴ xi³ tjin¹ jña³
nca³ Judea ?mi², cao⁴ cho⁴ta⁴ xi³
tjin¹ Jerusalén. Juan tsa³ca³te¹nta¹
cho⁴ta⁴-ve⁴ ya⁴ nta¹je⁴ xi³ Jordán
?mi², nca³ qui³si³qui²xi⁴ya³nta³ je¹-le⁴.
6 Juan tsa³c²a³cja¹ na³jño³ntsja⁴-
le⁴ camello, c²oa⁴ jnco³ chjoa⁴xin¹
tji¹cja¹ cja¹ntia³-le⁴. Tsa³cjen² cho⁴va⁴
cao⁴ ntsjen¹-le⁴ cho⁴ntsjen¹ya¹
xi³ tjin¹ nqui³jña¹. **7** C'oa⁴-s²in²
qui³nchja⁴ya³: Ja⁴ve³ cjoa⁴²ai¹

jnco³ xi³ nqui²sa⁴ nta³ ma³-le⁴
cao⁴-ni³ tsa² an³, sa³nta³ li²coi³
va³quin²-na³ nca³ coa²sen⁴nia³ nca³
sco³jnta¹³ čhjoa⁴xin¹-le⁴ jte¹-le⁴.
8 Xi³ cjoa⁴qui²xi⁴ an³-vi⁴ to⁴na³nta¹
tsa³ca³te³nta¹³-ni³no³, to⁴nca³
je² xi³ cjoa⁴²ai¹, Espíritu Santo
coa⁴te²nta¹-ni³no³.

Juan tsa³ca³te¹nta¹ Jesús

(Mt. 3:13-17; Lc. 3:2l-22)

9 Coi³ ni⁴čhjin³-ve⁴ Jesús ja³ai³-
ni³ Nazaret xi³ nchja⁴-ni³ Galilea.
Juan tsa³ca³te¹nta¹ Jesús ya⁴
nta¹je⁴ xi³ Jordán ?mi². **10** Nti⁴ton⁴
nca³ ji³tjo³ca²jin³-ni³ na³nta¹, c²ia⁴
tsa³ve³ nca³ ti¹tjo³?ai² nc²a³jmi³. Je²
Espíritu Santo ji³nčhoa³jen³ne²-le⁴
Jesús jo³-ni³ ni⁴se³ paloma. **11** Jnco³
jta⁴ qui³no²ya²-ni³le⁴ nc²a³jmi³ xi³
c²oa⁴tso²: Ji³ ni¹³ xi³ ?nti¹-na⁴ xin³-
le²³. Ji³ ni¹³ xi³ tsjoa³que⁴-le²³, jo³
nta³ s²e³coan³ xi³ t²a³tsi⁴.

Satanás me³-le⁴ nca³ ch²ao³ si⁴²cao⁴

Jesús

(Mt. 4:1-11; Lc. 4:1-13)

12 Je² Espíritu Santo qui³cao⁴
ni⁴ton⁴ Jesús jña³ ?nte³t²a³xin²t²a³.
13 Nā³chan² ni⁴čhjin³ tsa³c²e²jna³
Jesús ya⁴ ?nte³t²a³xin²t²a³.

Satanás coan³me³-le⁴ nca³ ch⁷ao³ si⁴cao⁴. Ña³tjen⁴ tgio¹ cho⁴jña¹ cao⁴ Jesús. A²ncje⁴ qui³si³sin³-le⁴ Jesús. ¹⁴C²ia⁴ nca³ je³qui³cha³ni² nto⁴ya¹ Juan, Jesús ja^{3?}ai³-ni³ ya⁴ Galilea. Qui³nchja⁴ya³ en¹nta³ xi³ t²a³ts²e⁴ cjoa⁴te¹xo³ma³-le⁴ Ni³na¹. ¹⁵C²oa⁴qui³tso²: Ni⁴čhjin³-vi⁴ je³coan³jnco³, c²oa⁴ je² cjoa⁴te¹xo³ma³-le⁴ Ni³na¹ je³nčhoa¹ ma³čhian³. Ti⁴c²a³ntjai²yao³ cjoa⁴fa^{3?}ai³tsjen³-no³, ca²ta³ma³cjain¹-no³ en¹nta³-vi⁴.

Jesús qui³nchja⁴ le⁴ cho⁴ta⁴ xi³ ma³-le⁴ si¹c²en³ jti⁴

(Mt. 4:18-22; Lc. 5:1-11)

¹⁶C²ia⁴ nca³ ja^{3?}a³ ntai³-le⁴ nta¹chi³con³ ya⁴ Galilea, Jesús tsa³ve³ Simón, cao⁴ nts²e⁴ Andrés xi³ tgio¹si¹c²a³tjen⁴ na^{4?}ya³ ja⁴jin³ nta¹chi³con³. Jti⁴ ma³-le⁴ si¹c²en³. ¹⁷Jesús c²oa⁴qui³tso²-le⁴: Nčhoa¹tjen⁴nqui³-nao¹³, c²oa⁴ an³ tsjoa³-no³ xa¹ nca³ c²oe¹xco¹³ cho⁴ta⁴. ¹⁸Simón cao⁴ Andrés tsa³ca³tie¹ nti⁴ton⁴ na^{4?}ya³-le⁴. Qui³tjen⁴nqui³-le⁴ Jesús. ¹⁹Qui³ntai³-sa³ nta¹chi³con³. Tsa³ve³ Jacobo cao⁴ nts²e⁴ Juan xi³ ja⁴xti³-le⁴ Zebedeo. Tjio¹ya³ chi³tso³. Ya⁴ tgio¹-v²e¹jčho³ na^{4?}ya³-le⁴ xi³ ca³ni¹ya³ jti⁴. ²⁰Jesús qui³nchja⁴ nti⁴ton⁴-le⁴ Jacobo cao⁴ Juan. Ya⁴ qui³si³ca³tie¹ n²ai³-le⁴ Zebedeo cao⁴ cho^{4?}nta³-le⁴ ja⁴ya³ chi³tso³-ve⁴. Qui³tjen⁴nqui³-le⁴ Jesús.

Jnco³ cho⁴ta⁴ xi³ tjin¹-le⁴ ntjao⁴ xi³ nta³jin³

(Lc. 4:31-37)

²¹Jesús ji³cho² ya⁴ ?nte³ jña³ nca³ Capernaum ?mi². C²ia⁴ nca³ ji³cho² ni⁴čhjin³ ni²cja¹ya³,

ja^{3?}a³s²en³ nt²ia³ sinagoga. Ya⁴ tsa³ca³co¹ya³. ²²To⁴coan³xcon¹-le⁴ cho⁴ta⁴ jña³-le⁴ cjoa⁴fa^{3?}ai³tsjen³ xi³ qui³nchja⁴ Jesús nca³ tsa³ca³co¹ya³-le⁴ jo³-ni³ tsa² jnco³ cho⁴ta⁴ xi³ cjoa⁴te¹xo³ma³ ntsja³, li²coi³ jo³-ni³ tsa² xi³ to⁴cho⁴ta⁴ scribano ma³. ²³Ya⁴ nt²ia³ sinagoga ti¹jna³ jnco³ cho⁴ta⁴ xi³ tjin¹-le⁴ ntjao⁴ xi³ nta³jim³. N²ion¹ qui³nchja⁴ cho⁴ta⁴ xo⁴cji³-ve⁴. ²⁴C²oa⁴qui³tso²: Jain⁴²! Jme¹ xi³ tjin¹-na³jin⁴ xi³ cao⁴ ji³, ji³ ni¹³ Jesús xi³ cho⁴ta⁴ nazareno ?mi²-li². A³ca²fa^{2?}ai⁴ ni²cji³tson¹-na³jin⁴. An³ ?ve³-le²³ ?ya³-ni³ve⁴ ji³. Ji³ ni¹³ xi³ tsjai³ xi³ ts²e⁴ Ni³na¹. ²⁵Jesús qui³nchja⁴ti³cao⁴ ntjao⁴ xi³ nta³jin³. Jyo¹ ti⁴jnai³, qui³tso²-le⁴. Ti²tjo⁴xin²-lai⁴ nca³ je². ²⁶Jo³ qui³si³tin³ya³ cho⁴ta⁴. Je² ntjao⁴ xi³ nta³jin³ xi³ qui³si³cao⁴. Jo³ qui³squi³nta¹, c²ia⁴ ji³tjo³xin²-le⁴. ²⁷Jo³ coan³xcon¹-le⁴ nca³ts²i³, jo³ nca³ i⁴ nca³ jan¹ qui³sco²na³nqui³-le⁴ xi¹ncjin¹: Jme¹ xi³ cji³ma³ nt²ai⁴-vi⁴. A³s²a⁴² cjoa⁴cho⁴ts²e⁴ xi³ ti¹va³co¹ya³, nca³ je² cho⁴ta⁴ c²oa⁴-s²in² tjin¹-le⁴ cjoa⁴te¹xo³ma³ nca³ va³te¹xo³ma³-le⁴ nta³ tsa² je² ntjao⁴ xi³ nta³jin³. Je² ntjao⁴-ve⁴ si¹cji³tjo³son² xi³ tso² Jesús. ²⁸Qui³son² en¹ xi³ t²a³ts²e⁴ Jesús nca³qui³jnta² Galilea.

Jesús qui³si³nta³ na⁴cha¹-le⁴ Simón

(Mt. 8:14-15; Lc. 4:38-39)

²⁹C²ia⁴ ji³tjo³-ni³ Jesús nt²ia³ sinagoga. Ji³nčhoa³ nti⁴ton⁴ nt²ia³-le⁴ Simón cao⁴ Andrés. Ña³tjen⁴ qui³ Jacobo cao⁴ Juan. ³⁰Je² na⁴cha¹-le⁴ Simón ti¹qui³jna³, ch⁷in³nt²ai⁴ tjin¹-le⁴. Je² xti³-le⁴ c²oa⁴qui³tso² nti⁴ton⁴-le⁴ Jesús xi³ t²a³ts²e⁴ na⁴cha¹-le⁴. ³¹C²ia⁴ ja^{3?}a³s²en³ Jesús,

qui³scoe¹ ntsja³, qui³si³qui³so¹tjen⁴.
 Ji³tjo³xin² nti⁴ton⁴-le⁴ ch⁷in³nt⁷ai⁴-le⁴,
 qui³si³sin³-ni³le⁴ Jesús cao⁴ cho⁴ta⁴
 xi³c²a³.

Ncjin² ma³-ni³ cho⁴ta⁴ xi³ coan³nta³
(Mt. 8:16-17; Lc. 4:40-41)

32 C²ia⁴ nca³ coan³xon² nca³
 qui³sca³ntjai² ts⁷oi¹, ja³aj³ ca³ni¹-le⁴
 nca³ts⁷xi³ tjiō¹m⁷en³, xi³ tjin¹-le⁴ nai⁴²
 xi³ nta³jin³. 33 Nca³ts⁷i³ cho⁴ta⁴ xi³ tjiō¹
 ya⁴-ve⁴ qui³tse³jčho² xo⁴ntjoa⁴. 34 Ncjin²
 ma³-ni³ cho⁴ta⁴ xi³ tjiō¹m⁷en³ xi³ Jesús
 qui³si³nta³. Qui³si³nta³ to⁴jme³-ni³
 ch⁷in³xi³ tjin¹-le⁴. Ncjin² ma³-ni³ nai⁴²
 xi³ nta³jin³ xi³ tsa³c²a³sje³xin²-le⁴.
 Li²coi³ qui³tsjao³nte²-le⁴ nai⁴²-ve⁴ nca³
 coi⁴nchja⁴ nca⁴ je² nai⁴²-ve⁴ tsa³ve³
 Jesús.

Jesús qui³, qui³nchja⁴ya³
(Lc. 4:42-44)

35 Cjai¹nca³ ta⁴njion² ji³so¹tjen⁴
 Jesús, njion²ya³-sa³ ji³tjo³, qui³ jñia³
 t²a³xin²t²a³. Ya⁴-ve⁴ tsa³c²e¹ts⁷oa³-le⁴
 Ni³na¹. 36 Simón cao⁴ xi³ tjiō¹cao⁴,
 qui³tjen⁴nqui³-le⁴ Jesús. 37 C²ia⁴
 nca³ tsa³ve³ cho⁴ta⁴ jñia³ ti¹jna³
 Jesús, c²oa⁴qui³tso²-le⁴: Nca³ts⁷i³
 cho⁴ta⁴ tjiō¹va¹sjai³-li². 38 Jesús
 qui³tso²-le⁴: Tjian¹ na⁴xi⁴na³nta¹ jñia³
 nca³ čhian³, jme¹-ni³ nca³ c²oa⁴-ti⁴
 coi³nchja²ya³-si¹nia³ ya⁴-ve⁴. Coi³
 cjoa⁴ nca³ ji²tjo⁴-nia³. 39 Qui³nchja⁴ya³
 ya⁴ nt⁷ia³ xi³ sinagoga³ mi².
 Tsa³c²a³mjen³jin³jnta² Galilea.
 Tsa³c²a³sje³xin²-le⁴ je² nai⁴² xi³ nta³jin³
 xi³ tjiō¹jin³ ni⁴ma⁴-le⁴ cho⁴ta⁴.

Jesús qui³si³tsje³ jnco³ cho⁴ta⁴
(Mt. 8:1-4; Lc. 5:12-16)

40 Jnco³ cho⁴ta⁴ xi³ jo³
 ti¹fi³nto³jon³ yao³-le⁴,

ji³cho²con³-le⁴, tsa³c²e¹ts⁷oa³-le⁴,
 tsa³ca³sen²xco¹nch⁷in³-le⁴, qui³tso²-
 le⁴: Tsa² me³-li² coan⁴ si⁴tsje³-nai¹³.
 41 C²oa⁴ Jesús coan³ma⁴que³.
 Tsa³cjen¹ ntsja³, qui³si³cao⁴, qui³tso²-
 le⁴: Me³-na³, ca²ta³ma³tsjai³. 42 C²ia⁴
 nca³ je³qui³nchja⁴, nti⁴ton⁴ ji³tjo³xin²
 ch⁷in³-le⁴ cho⁴ta⁴-ve⁴. Coan³tsje³.
 43 C²ia⁴ Jesús tsa³qui³nchja¹²a³.
 T⁷in³, qui³tso² nti⁴ton⁴-le⁴. 44 Jesús
 qui³tso²-le⁴: Ji³, a³li²ya³-jin² xi³
 jo³ mi²-lai⁴, to⁴nca³ t⁷in³, ta⁴co²-
 lai⁴ yao³-li⁴ na⁴²mi³. T⁷ai²t²a³-lai⁴
 xi³ Moisés tsa³ca³te¹xo³ma³ nca³
 coan³tsjai³. C²oa⁴-s²in² c²oai⁴-lai⁴
 cjoa⁴qui²xi⁴ jo³-s²in² coan³ntai³.
 45 To⁴nca³ je² cho⁴ta⁴-ve⁴ qui³.
 C²oa⁴ tsa³c²e¹ts⁷ia⁴ nca³ qui³nchja⁴
 ncjin² en¹. Qui³sca³ni¹son²
 cjoa⁴nta³-le⁴ Jesús, sa³nta³ li²coi³
 ti⁴coan³-ni³le⁴ nca³ ja³a³s²en³tsen³
 ya⁴jin³ na⁴xi⁴na³nta¹. To⁴ ya⁴
 jña³ t⁷a³xin²t²a³ tsa³c²e²jna³. Ya⁴²
 ja³ai³con³-le⁴ nca³ts⁷3.

Jesús qui³si³nta³ cho⁴ta⁴yo⁴ma⁴
(Mt. 9:1-8; Lc. 5:17-26)

2 Xi³ coan³nchaon³ coan³jnqui³-
 ni³, ja³a³s²en³-nca¹ni³ nte³
 jña³ nca³ Capernaum³ mi², ya⁴
 tsa³ya³-le⁴ nca³ ti¹jna³ya³ ni³ya³.
 2 A³li² to⁴c²oa⁴cji³ ncjin² cho⁴ta⁴
 xi³ ja³ai³ ma³xco¹t²a³-le⁴ Jesús,
 sa³nta³ li²coi³ ti⁴ti³nte²-ni³ ja⁴jcho³
 xo⁴ntjoa⁴-le⁴ ni³ya³. C²oa⁴ ya⁴
 qui³nchja⁴ya³jin³-le⁴ en¹-le⁴ Ni³na¹.
 3 C²ia⁴ ja³ai³cao⁴ jnco³cho⁴ta⁴yo⁴ma⁴.
 No³ cho⁴ta⁴ tsa³c²a³nc²a³. 4 Li²coi³
 qui³tjo³nte²-le⁴ ji³cho²s²en³con³-
 le⁴ Jesús, nca³ c²oa⁴-s²in² chon³
 cho⁴ta⁴ncjin² xi³ qui³tse³ya² ni³ya³.
 Ya⁴ qui²xi⁴ jña³ nca³ ti¹jna³ Jesús,
 tsa³cja³a¹xin² te²ja⁴-le⁴ nc²a¹. Ya⁴

qui³sca³ni¹jen³ne²-ni³le⁴ na⁴chan³
 xi³ tsa³ca³jna³ne² je² xi³ ti¹m⁷en³.
5C²ia⁴ nca³ tsa³ve³ Jesús jo³-s²in²
 nca³ coan³cjain¹-le⁴, c²oa⁴qui³tso²-
 le⁴ cho⁴ta⁴yo⁴ma⁴: ⁷nti¹ mi²yo⁴-na⁴,
 i⁴² ca²cha³t²a³-li² je¹-li⁴ nt²ai⁴. **6**Ya⁴
 tjio¹chian³ c²a³ cho⁴ta⁴ scribano
 xi³ tjio¹ma³ si¹cja³-ai³tsjen³jin³
 ni⁴ma⁴-le⁴. **7**C²oa⁴tso²: A¹-ni³
 nca³ c²oa⁴tso²-si¹ni³ je²-vi⁴, nca³
 Ni³na¹ nchja⁴²aon³-ni³le⁴. ⁷ya¹-ni³
 xi³ coan⁴-le⁴ si⁴²cha³t²a³-na¹ je¹-
 na¹, a³ tsi² tsa² to⁴jnco³ Ni³na¹ xi³
 coan⁴-le⁴. **8**Jesús tsa³ve³ nti⁴ton⁴
 ni⁴ma⁴-le⁴ nca³ c²oa⁴-s²in² cho⁴ta⁴-
 ve⁴ tjio¹ma³ si¹cja³-ai³tsjen³jin³
 ni⁴ma⁴-le⁴. C²oa⁴qui³tso²-le⁴: A¹-ni³
 nca³ c²oa⁴-s²in² si¹cja³-ai³tsjen³jin³-
 si¹ni³ ni⁴ma⁴-no³. **9**Jña¹-le⁴ xi³ li²coi³
 to⁴jo³ n²ain³, tsa² c²oa⁴xin¹-le⁴
 cho⁴ta⁴yo⁴ma⁴-ve⁴: Je¹-li⁴ cha³t²a³-
 li² nt²ai⁴, a³xo⁴ tsa² c²oa⁴xin¹-le⁴:
 Ti²so⁴tjain⁴, chjoai¹³ na⁴chan³-li⁴,
 ti⁴to¹mjain³. **10**To⁴nca³ coi³ cjoa⁴-
 vi⁴ jme¹-ni³ nca³ jcha⁴-si¹nio³ nca³
 je² ⁷nti¹-le⁴ cho⁴ta⁴ tjin¹-le⁴ ⁷nte³ i⁴
 son³⁷nte³-vi⁴ nca³ si¹cha³t²a³ je¹-
 le⁴ cho⁴ta⁴, c²ia⁴ c²oa⁴qui³tso²-le⁴
 cho⁴ta⁴yo⁴ma⁴-ve⁴: **11**C²oa⁴xin¹-
 le²³ nca³ ji³. Ti²so⁴tjain⁴, chjoai¹³
 na⁴chan³-li⁴, t²in³ ni³ya³-li⁴. **12**C²ia⁴
 tsa³qui³so¹tjen⁴ cho⁴ta⁴yo⁴ma⁴-
 ve⁴, qui³scoe¹ nti⁴ton⁴ na⁴chan³-le⁴,
 ji³tjo³jin³ nqui³xcon⁴ nca³ts²i³ cho⁴ta⁴.
 Nca³ts²i³ to⁴coan³xcon¹-le⁴.
 N⁷ion¹ nc²a³ tsa³c²a³sje³ Ni³na¹,
 c²oa⁴qui³tso²: Ni⁴sa³jnco³-jin²
 ni⁴chjin³ tsa³ya³² xi³ c²oa⁴ma³.

Jesús qui³nchja⁴ le⁴ Leví

(Mt. 9:9-13; Lc. 5:27-32)

13Jesús ji³tjo³-ni³ ni³ya³. Qui³-
 nca¹ni³ ja⁴ntai³ nta¹chi³con³. Ya⁴

ja^{3?}ai³con²-le⁴ nca³ts²i³ cho⁴ta⁴. C²oa⁴
 tsa³ca³co¹ya³-le⁴. **14**C²ia⁴ nca³ Jesús
 ja³a³to³, tsa³ve³ Leví, ti³-le⁴ Alfeo,
 xi³ ti¹jna³ ya⁴ jña³ nca³ v²e¹ñna³
 taon⁴va³sen³. C²oa⁴qui³tso²-le⁴:
 N^čhoa¹tjen⁴nqui³-nai¹³. Je² Leví
 tsa³ca³sen²nto³, c²oa⁴ qui³tjen⁴nqui³-
 le⁴. **15**C²oa⁴ xi³ coan³-ni³ c²ia⁴ nca³
 Jesús ti¹jna³t²a³ ya¹mi²xa⁴ ya⁴³
 ni³ya³-le⁴ Leví, ncjin² cho⁴ta⁴ xi³
 v²e¹ñna³ taon⁴va³sen³, c²oa⁴ ncjin²
 cho⁴ta⁴ts²en⁴, ya⁴ ña³tjen⁴ tgio¹t²a³
 ya¹mi²xa⁴ cao⁴ Jesús, c²oa⁴ cao⁴
 cho⁴ta⁴ xi³ ts²e⁴, nca⁴ li²to⁴ ncjin²
 cho⁴ta⁴ xi³ ja³ai³tjen⁴nqui³-le⁴.
16C²ia⁴ nca³ cho⁴ta⁴ scribano cao⁴
 cho⁴ta⁴ fariseos tsa³ve³ nca³ Jesús
 ti¹cjen²cao⁴ cho⁴ta⁴ xi³ v²e¹ñna³
 taon⁴va³sen³ cao⁴ cho⁴ta⁴ts²en⁴,
 c²oa⁴qui³tso²-le⁴ cho⁴ta⁴-le⁴: A¹-ni³
 nca³ je² cjen²cao⁴-si¹ni³, c²oa⁴ nca³
 je² vi³cao⁴-si¹ni³ cho⁴ta⁴ xi³ v²e¹ñna³
 taon⁴va³sen³ cao⁴ cho⁴ta⁴ts²en⁴.
17C²ia⁴ nca³ Jesús qui³nc¹lo¹je²-
 vi⁴, qui³tso²-le⁴: Je² cho⁴ta⁴ xi³ nta³,
 a³li² chji⁴ne⁴xqui³-jin² ma³chjen¹-le⁴,
 to⁴je² xi³ tgio¹m⁷en³ xi³ ma³chjen¹-le⁴
 chji⁴ne⁴xqui³. A³li²coi³ je²e⁴ nca³ an³
 nca³ coi³nchja²³-le⁴ cho⁴ta⁴ xi³ tjin¹-
 le⁴ cjoa⁴qui²xi⁴, to⁴je² cho⁴ta⁴je¹ xi³
 coi³nchja²³-le⁴.

Xi³ t²a³ts²e⁴ cjoa⁴vi³jna³nchjan³

(Mt. 9:14-17; Lc. 5:33-39)

18Cho⁴ta⁴-le⁴ Juan cao⁴ cho⁴ta⁴-
 le⁴ cho⁴ta⁴ fariseos va³tio²nchjan³.
 C²oa⁴ ja³ai³ xi³ qui³tso²-le⁴ Jesús:
 A¹-ni³ nca³ va³tio²nchjan³-si¹ni³
 cho⁴ta⁴-le⁴ Juan cao⁴ cho⁴ta⁴-
 le⁴ cho⁴ta⁴ fariseos, c²oa⁴ ts²tsa²
 va³tio²nchjan³ cho⁴ta⁴ xi³ ts²i³.
19Jesús c²oa⁴qui³tso²-le⁴: A³ma³²
 nca³ va³tio²nchjan³ mi²yo⁴-le⁴ x²in⁴

xi³ ti¹vi³xan³, tjen⁴ nca³ to⁴jo³ ti¹jna³
 xi³ x⁷in⁴. Tjen⁴ nca³ ti¹jna³cao⁴ xi³
 x⁷in⁴ li²coi³ ma³ va³tio²nchjan³.
20To⁴nca³ cjoa⁴?ai¹ ni⁴čhjin³ c⁷ia⁴
 nca³ je² x⁷in⁴ coi⁴tjo³t⁷a³xin²-le⁴.
 C⁷ia⁴ je² ni⁴čhjin³-ve⁴ coa⁴tio²nchjan³
 mi²yo⁴-le⁴. **21**Li²?ya³ xi³ na³jño³
 cho⁴tse⁴ v⁷e¹jčho³ya³-ni³ na³jño³
 jchi¹nca³. Tsa² tjin¹ xi³ c⁷oa⁴-s⁷in²
 s⁷in¹ je² na³jño³ cho⁴tse⁴ fa³?ai³xco¹,
 c⁷oa⁴ to⁴xi³jnta²-sa³ na³jño³ jchi¹nca³.
22Li²?ya³ xi³ vino cho⁴tse⁴ v⁷e¹ya³
 čhjoa⁴ jchi¹nca³. Tsa² tjin¹ xi³ c⁷oa⁴-
 s⁷in² s⁷in¹, va³sen¹jnta³-ni¹ čhjoa⁴-ve⁴,
 c⁷oa⁴ vi³tjo³x⁷itjen³ vino-ve⁴. Ya⁴²
 si¹cha³ čhjoa⁴-ve⁴. To⁴nca³ vino
 cho⁴tse⁴ ma³ s⁷e³ya³ čhjoa⁴ cho⁴tse⁴.

Ni⁴čhjin³ ni²cja¹ya³ qui³sco³ne²
 na⁴tin¹-le⁴ trigo

(Mt. 12:1-8; Lc. 6:1-5)

23C⁷ia⁴ ni⁴čhjin³ ni²cja¹ya³,
 Jesús ja³a³ ya⁴ jña³ nca³ tji¹ntje²
 trigo. C⁷oa⁴ nca³ tgio¹fi² cho⁴ta⁴-le⁴
 tsa³c⁷e¹ts²ia⁴cao⁴ nca³ qui³sco³ne²
 na⁴tin¹-le⁴ trigo. **24**C⁷ia⁴ cho⁴ta⁴
 fariseos c⁷oa⁴qui³tso²-le⁴: Ne²-
 ni³ntai⁴, a¹-ni³ nca³ c⁷oa⁴s⁷in¹-si¹ni³
 jnco³ cjoa⁴ xi³ ts² tjo³nte³ coi³
 ni⁴čhjin³-vi⁴ nca³ ni²cja¹ya³². **25**Jesús
 qui³tso²-le⁴: A³ ts² tsa³c⁷e²xquiao⁴³
 jme³ xi³ qui³s⁷in³ David c⁷ia⁴ nca³
 coan³vao³-le⁴ cao⁴ je² xi³ ña³tjen⁴
 tsa³ca³tio², **26**jo³-s⁷in² nca³ ja³a³s⁷en³
 David ya⁴ ni³ya³-le⁴ Ni³na¹c⁷ia⁴
 nca³ Abiatar coan³ na⁴mi³ti¹tjon².
 To⁴je² na⁴mi³-ve⁴ xi³ tjin¹ ?nte³ nca³
 cjen² nio⁴xti²la⁴ xi³ ya⁴ ncha³tsen³
 nqui³xcon⁴ Ni³na¹. To⁴nca³ je² David
 tsa³cjen² nio⁴xti²la⁴-ve⁴, c⁷oa⁴-
 ti⁴ qui³tsjao³-le⁴ je² xi³ ña³tjen⁴
 tsa³ca³tio². **27**Jesús qui³tso²-sa³:
 Je² ni⁴čhjin³ ni²cja¹ya³ qui³ni²nta³

xi³ t⁷a³ts⁷e⁴ cho⁴ta⁴. A³li² cho⁴ta⁴-
 jin² xi³ qui³ni²nta³ xi³ t⁷a³ts⁷e⁴ coi³
 ni⁴čhjin³-vi⁴. **28**C⁷oa⁴-s⁷in² nca³ je²
 ?nti¹-le⁴ cho⁴ta⁴ Nai³-le⁴ ma³ ni⁴čhjin³
 ni²cja¹ya³.

Je² cho⁴ta⁴ xi³ qui³xi²t⁷a³ jnco³ ntsja³
 (Mt 12:9-14; Lc 6:6-11)

3 Ja³a³s⁷en³ Jesús nqui²jnco³c⁷a²
 nt⁷ia³ sinagoga. Ya⁴ ti¹jna³
 jnco³ cho⁴ta⁴ xi³ qui³xi²t⁷a³ jnco³
 ntsja³. **2**Cho⁴ta⁴ tgio¹co²tsen³-le⁴
 Jesús, tsa² si⁴nta³ cho⁴ta⁴-ve⁴ coi³
 ni⁴čhjin³ ni²cja¹ya³. C⁷oa⁴-s⁷in²
 qui³s⁷in³ cho⁴ta⁴ nca³ me³-le⁴ nca³
 coa⁴²nqui³ Jesús. **3**C⁷ia⁴ Jesús
 c⁷oa⁴qui³tso²-le⁴ je² cho⁴ta⁴-ve⁴
 xi³ qui³xi²t⁷a³ ntsja³: Ti²so⁴tjain⁴,
 ti⁴sen³nto³ ?ncho²va³sen³-lai⁴.
4C⁷ia⁴ Jesús qui³tso²-le⁴ cho⁴ta⁴ xi³
 tgio¹ntai³-le⁴: A³ tjo³nte³-ni¹ c⁷ia⁴
 nca³ ni⁴čhjin³ ni²cja¹ya³ nca³ nta³
 s⁷ian⁴², a³xo⁴ nca³ ch⁷ao³ s⁷ian⁴²,
 nca³ ch⁷a³sje³ntje² jnco³ cho⁴ta⁴,
 a³xo⁴ nca³ ni²c⁷en³² cho⁴ta⁴. **5**Jesús
 qui³sco²tsen³ntai³-le⁴, coan³jti³-le⁴.
 Aon³ coan³-le⁴ nca³ xi¹jin³ ni⁴ma⁴-le⁴
 cho⁴ta⁴-ve⁴. Qui³tso²-le⁴ cho⁴ta⁴x⁷in⁴-
 ve⁴: Tjain³ ntsai⁴. Tsa³cjen¹ ntsja³,
 ntsja³ xi³ qui³xi²t⁷a³ coan³nta³. **6**C⁷ia⁴
 ji³tjo³ cho⁴ta⁴ fariseos, coan³ñia³ cao⁴
 cho⁴ta⁴ herodianos. Tsa³cjao¹ya³-
 ni³jo³-s⁷in² nca³ coan⁴-ni³ si⁴2c⁷en³
 Jesús.

**Cho⁴ta⁴ncjin² ya⁴ ja⁴ntai³-
 le⁴ nta¹chi³con³**

7To⁴nca³ Jesús tsa³ca³sen²xin²
 cao⁴ cho⁴ta⁴-le⁴. Qui³ ya⁴ ja⁴ntai³-
 le⁴ nta¹chi³con³. Qui³tjen⁴nqui³-le⁴
 ncjin² cho⁴ta⁴ xi³ ts²e⁴ Galilea,
 cao⁴ xi³ ts²e⁴ Judea, **8**cao⁴ xi³ ts²e⁴
 na⁴xi⁴na³nta¹ Jerusalén, cao⁴ xi³

ts²e⁴ na³nqui³ Idumea, cao⁴ xi³
 ts²e⁴ na³nqui³ xi³ncoa³t²a³ nta¹je⁴
 Jordán, cao⁴ xi³ ts²e⁴ ja⁴ntai³-le⁴
 na⁴xi⁴na³nta¹ Tiro cao⁴ na⁴xi⁴na³nta¹
 Sidón. C²oa⁴-s²in² coan³-ni³ nca³
 ja³ai³con²-ni³le⁴ cho⁴ta⁴ xi³
 qui³nch⁷oe¹ cjoa⁴ xi³ qui³s²in³ Jesús.
⁹Jesús qui³tso²-le⁴ cho⁴ta⁴-le⁴ nca³
 ja⁴nta³ ca²ta³jna³ntsja² xi³ t²a³ts²e⁴
 jnco³ chi³tso³ ?nti¹ jme¹-ni³ nca³
 tsi² tsa² si⁴c²e¹jna³ncho²n²ion¹-
 si¹ni³ cho⁴ta⁴. ¹⁰Nca⁴ Jesús
 qui³si³nta³ ncjin² cho⁴ta⁴. Coi³
 cjoa⁴ nca³ts²i³ xi³ tjio¹m²en³
 qui³si³c²e¹jna³ncho²n²ion¹ jme¹-ni³
 nca³ si⁴cao⁴-si¹ni³ Jesús nca³ts²i³.
¹¹C²oa⁴ je² ntjao⁴ xi³ nta³jin³,
 to⁴c²ia⁴-ni³ nca³ qui³sco²tsen³-le⁴
 nca³ je², n²ion¹ qui³nchja⁴: Ji³ ni¹³
 ?nti¹-le⁴ Ni³na¹. ¹²To⁴nca³ Jesús
 cjai¹nca³ n²ion¹ tsa³c²e¹ne²-le⁴ nca³
 tsi² tsa² coi⁴tso⁴ya³-le⁴ cho⁴ta⁴ ?ya³-
 ni³ve⁴ nca³ je².

Jesús tsa³cja³a¹jin³ te³jao² cho⁴ta⁴

(Mt 10:1-4; Lc 6:12-16)

¹³C²ia⁴ Jesús qui³mi³jon³ jnco³
 ni³nto³. Qui³nchja⁴ma³ña³-le⁴ cho⁴ta⁴
 xi³ je² coan³me³-le⁴ nca³ ja³ai³con³-
 le⁴. ¹⁴Tsa³cja³a¹jin³ te³jao² cho⁴ta⁴
 xi³ coa⁴tio²cao⁴ nca³ je², xi³ je²
 sca⁴ni²son² nca³ coi⁴nchja⁴ya³,
¹⁵C²oa⁴ xi³ s²e⁴-le⁴ ?nte³ nca³ coan⁴-le⁴
 si⁴nta³ cho⁴ta⁴ xi³ ch²in³ tjin¹-
 le⁴, c²oa⁴ nca³ c²oa⁴sje³xin² nai⁴²
 xi³ nta³jin³ xi³ tjio¹jin³ ni⁴ma⁴-le⁴
 cho⁴ta⁴. ¹⁶Je² xi³ te³jao²-ve⁴ xi³
 Jesús tsa³qui³nchja¹: Je² Simón xi³
 Pedro qui³tso²-le⁴, ¹⁷cao⁴ Jacobo xi³
 ti³-le⁴ Zebedeo, cao⁴ Juan xi³ nts²e⁴
 Jacobo. Apellido-le⁴ Boanerges
 qui³tso²-le⁴, xi³ tso²-ni³ nca³ ?nti¹-le⁴
 ch²aon⁴, ¹⁸cao⁴ Andrés, cao⁴ Felipe,

cao⁴ Bartolomé, cao⁴ Mateo, cao⁴
 Tomás, cao⁴ Jacobo xi³ ti³-le⁴ Alfeo,
 cao⁴ Tadeo, cao⁴ Simón xi³ cho⁴ta⁴
 cananita, ¹⁹cao⁴ Judas Iscariote
 xi³ tsa³c²e¹t²ain³ na⁴jmi¹ xi³ t²a³ts²e⁴
 Jesús.

Tsa² tjin¹ xi³ nchja⁴aon³-le⁴ Espíritu Santo

(Mt 12:22-32; Lc 11:14-23)

C²ia⁴ nca³ je³tsa³cja³a¹jin³ cho⁴ta⁴
 xi³ te³jao²-ve⁴, Jesús ja³ai³-nca¹ni³
 ni³ya³-le⁴. ²⁰Coan³xco¹-nca¹ni³
 cho⁴ta⁴ncjin², sa³nta³ li²coi³ coan³
 tsa³cjen². ²¹C²ia⁴ nca³ qui³nch⁷oe¹
 xi¹ncjin¹ Jesús, ji³nchja⁴tsoa³ nca³
 qui³tso²: A³li²coi³ nta³ tjin¹³con³.
²²Cho⁴ta⁴ scribano xi³ ja³ai³jen³-ni³
 na⁴xi⁴na³nta¹ Jerusalén c²oa⁴qui³tso²
 nca³ Beelzebú ti¹jna³jin³ ni⁴ma⁴-
 le⁴ Jesús. Coi³ nca³ Jesús coan³
 tsa³c²a³sje³xin²-le⁴ nai⁴² xi³ nta³jin³
 xi³ tjio¹jin³ ni⁴ma⁴-le⁴ cho⁴ta⁴
 nca³ je² xi³ nca³jco⁴-le⁴ nai⁴² xi³
 qui³tsjao³nte²-le⁴, tso²-sa³. ²³Jesús
 qui³nchja⁴-le⁴ cho⁴ta⁴ scribano,
 tsa³cja¹cao⁴ jnco³ cjoa⁴xco¹son²: Jo¹-
 s²in² ma³-le⁴ Satanás nca³ ti⁴je²-ni³
 v⁷a³sje³xin²-ni³le⁴ je² xi³ ti⁴je²-ni³
 Satanás. ²⁴Tsa² jnco³ cjoa⁴te¹xo³ma³
 ma³jao²ya³, tsa² co²ntran⁴ tjio¹-le⁴
 xi¹ncjin¹, a³li²coi³ coan⁴ c²oe¹jna³-
 ni³. ²⁵Tsa² jnco³ familia ma³jao²ya³,
 tsa² co²ntran⁴ tjio¹-le⁴ xi¹ncjin¹, je²
 familia a³li²coi³ coan⁴ c²oe¹jna³-
 ni³. ²⁶Tsa² Satanás coi⁴so¹tjen⁴ne²
 yao³-le⁴, tsa² jao² ya³ coan⁴,
 ni⁴to⁴c²ia³-jin² coan⁴ c²oe¹jna³-
 ni³, to⁴sa³ ña³qui³ si¹cha³ yao³-le⁴.
²⁷Ni⁴ya³-jin² xi³ coan⁴ cjoa⁴a³s²en³
 ni³ya³-le⁴ cho⁴ta⁴ xi³ tjin¹-le⁴
 nca³nion¹ nca³ si⁴che¹ tso³jmi²-
 le⁴, tsa² tsi² ti¹tjon² v⁷e¹t²a³n²ion¹

je² xi³ tjin¹-le⁴ nca³n²ion¹. To⁴c²ia⁴²
 nca³ coan⁴ si⁴²che¹ tso³jmi²-le⁴. ²⁸Xi³
 cjoa⁴qui²xi⁴ xi³ xin³-no³ nca³y¹je³
 je¹-le⁴ cha⁴t²a³-le⁴ cho⁴ta⁴, c²oa⁴-
 ti⁴ en¹ xi³ nchja⁴²aon³-le⁴ Ni³na¹,
 to⁴jme³-ni³-ve⁴ en¹ xi³ nchja⁴²aon³,
 cha⁴t²a³-le⁴. ²⁹To⁴nca³ to⁴?ya³-ni³ve⁴
 xi³ nchja⁴²aon³-le⁴ Espíritu Santo,
 ni⁴to⁴c²ia³-jin² cha⁴t²a³-le⁴, to⁴nca³
 ti¹jna³-le⁴ cjoa⁴?ain³ nca³ntsjai².
³⁰Coi³ cjoa⁴ nca³ je² cho⁴ta⁴
 scribano c²oa⁴qui³tso²-le⁴: Ntja⁴ xi³
 nta³jin³ ti¹jna³jin³ ni⁴ma⁴-le⁴ Jesús.

Nts²e⁴ cao⁴ na⁴-le⁴ Jesús

(Mt 12:46-50; Lc 8:19-21)

³¹C²ia⁴ ja³?ai³ nts²e⁴ cao⁴
 na⁴-le⁴ Jesús. Tjio¹nti³tsin³.
 Qui³si³ca³sen¹cjoa⁴-le⁴ Jesús nca³
 qui³nchja⁴-le⁴. ³²Ncjin² cho⁴ta⁴
 tjio¹ntai³-le⁴ Jesús, qui³tso²-le⁴:
 Coe⁴-ni³, na⁴-li⁴ cao⁴ nts²ai³ ja⁴ncha³
 ja⁴nti³tsian³². Ji³ xoi¹³, tgio¹va¹sjai³-
 li². ³³Jesús qui³nchja⁴cao⁴,
 qui³tso²-le⁴: ?ya¹-ni³ xi³ na⁴-na⁴, c²oa⁴
 ?ya¹-ni³ xi³ nts²e³. ³⁴Qui³sco²tsen³-le⁴
 xi³ tgio¹ntai³-le⁴, qui³tso²: Coe⁴-ni³,
 je²-vi⁴ xi³ na⁴-na⁴, c²oa⁴ xi³ nts²e³.
³⁵To⁴?ya³-ni³ve⁴ xi³ c²oa⁴-s²in²s²in¹
 jo³-s²in² me³-le⁴ Ni³na¹, je²-vi⁴ xi³
 ña³qui³ nts²e³, xi³ ti²chja³, c²oa⁴ xi³
 na⁴-na⁴.

Xi³ t²a³ts²e⁴ je² xi³ co³jnti² na⁴xin⁴

(Mt 13:1-23; Lc 8:4-15)

4 Nqui²jnco³c²a² Jesús
 tsa³c²e¹ts²ia⁴cao⁴ nca³.
 tsa³ca³co¹ya³ ya⁴ ntai³ nta¹chi³con³.
 Ncjin² cho⁴ta⁴ coan³xco¹t²a³-le⁴
 sa³nta³ Jesús ja³a³s²en³ jnco³
 chi³tso³ xi³ ts³c²e²jna³ya³ ja⁴jin³
 nta¹chi³con³. Nca³ts²i³ cho⁴ta⁴
 tsa³ca³tio² jña³ nca³ qui³jna³

na³nqui³ ja⁴ntai³ nta¹chi³con³.
²Ncjin² cjoa⁴ tsa³ca³co¹ya³-le⁴
 cho⁴ta⁴ Jesús. Tsa³ca³co¹ya³-le⁴
 cao⁴ cjoa⁴xco¹son². C²oa⁴-s²in²
 tsa³ca³co¹ya³-le⁴: ³Ti⁴no¹²yao³:
 Coe⁴-ni³, jnco³ xi³ co³jnti² na⁴xin⁴
 qui³ co³jnti². ⁴C²oa⁴coan³ c²ia⁴ nca³
 ti¹co³jnti², jnco³ c²a³ qui³tsao³ntai³
 ntia⁴², c²oa⁴ ni⁴se³ xi³ si¹ma³tjen⁴
 jin³sen¹ qui³squi³ne³. ⁵Xi³ nqui²jnco³
 c²a³ qui³tsao³ jña³ la⁴jao⁴ chon³,
 jña³ nca³ to⁴choa³ na³nqui³ chon³.
 Coan³ntje² nti⁴ton⁴-ni¹ nca³ ts¹coi³
 na⁴nca⁴ na³nqui³ xi³ tjin¹-le⁴.
⁶To⁴nca³ c²ia⁴ nca³ ji³tjo³ ts²oi¹,
 qui³ti² nca³ tsin²-le⁴ ja⁴ma⁴-
 jin². ⁷Tjin¹ c²a³ xi³ qui³tsao³jin³
 na³ya¹. Je² na³ya¹ chi³so²,
 tsa³c²e¹chjoa²jin³-le⁴, c²oa⁴ li²jme³
 xi³ qui³tsjao³. ⁸C²oa⁴ tjin¹ c²a³ xi³
 nta³ na³nqui³ qui³tsao³jin³. Cjal¹nca³
 nta³ qui³tsjao³, nta³ coan³nc²a³,
 n²ion¹ coan³ncjin²ya³. Jnco³ xi³
 can³te² c²a³ qui³tsjao³ ntje⁴-le⁴,
 jnco³ xi³ jan²can³ c²a³ qui³tsjao³,
 xi³jnco³ sa³nta³ jnco³ ciento c²a³
 qui³tsjao³. ⁹C²ia⁴ Jesús qui³tso²-le⁴:
 Je² xi³ tjin¹ xo⁴ño³ xi³ nch²oe¹-
 ni³, nta³ ca²ta³va³sen¹ño³. ¹⁰C²ia⁴
 nca³ je³t²a³xin² ti¹jna³ Jesús, je² xi³
 čhian³ tgio¹t²a³-le⁴ cao⁴ xi³ te³jao²-ve⁴
 qui³sco²na³nqui³-le⁴: Jo¹ tso²-ni³ je²
 cjoa⁴-vi⁴. ¹¹Jesús c²oa⁴qui³tso²-le⁴:
 Nca³jon² qui³ts²ai²-no³ nca³ jchao⁴³
 je² cjoa⁴ma³-le⁴ cjoa⁴te¹xo³ma³-
 le⁴ Ni³na¹, to⁴nca³ je² xi³ ts¹coi³
 tgio¹cao⁴-na³, c²oa⁴xin¹-le⁴ nca³y¹je³
 cjoa⁴ cao⁴ en¹ xi³ to⁴cjoa⁴xco¹son²,
¹²jme¹-ni³ nca³ li²coi³ scoe⁴-si¹ni³,
 nta³tsa² nta³ sco¹tsen³, c²oa⁴ jme¹-
 ni³ nca³ li²coi³ coan⁴cho⁴ya³-si¹ni³le⁴
 nta³tsa² nta³ cjo¹nch²oe¹, c²oa⁴
 jme¹-ni³ nca³ ts¹si² si⁴²c²o¹fa³ya³t²a³-

si¹ni³le⁴ yao³-le⁴, nca³ tsi² tsa² coi³
 cha⁴t'a³-si¹ni³le⁴ je¹-le⁴. ¹³Jesús
 qui³tso²-le⁴: A³ tsi² tsa² ma³cho⁴ya³-
 no³ je² cjoa⁴xco¹son²-vi⁴. Jo¹-s²in²
 coan⁴cho⁴ya³-no³ tso²c'oa⁴, nca³yi³je³
 cjoa⁴xco¹son². ¹⁴Je² xi³ co³jnti²
 na⁴xin⁴, je² ni¹ xi³ v²e¹ntje² en¹nta³-
 le⁴ Ni³na¹. ¹⁵Je² xi³ qui³tsao³ ya⁴³
 ntia⁴², c²oa⁴cjoan³ cho⁴ta⁴ xi³ nch²oe¹
 je² en¹nta³-vi⁴, to⁴nca³ nca³ nch²oe¹-
 le⁴, c²oa⁴ ja⁴cjoan² nchoa¹ Satanás,
 fa^{3?}a¹xin² en¹nta³ xi³ tji¹ntje²jin³
 ni⁴ma⁴-le⁴. ¹⁶C²oa⁴ti⁴s²in²ni³ je² xi³
 qui³s²e³ntje²jin³ jn³ nca³ la⁴jao⁴
 chon³. C²oa⁴cjoan³ cho⁴ta⁴ xi³ tjin¹-
 le⁴ cjoa⁴tsjao³ nca³ cjoel¹ nti⁴ton⁴
 je² en¹ xi³ nch²oe¹. ¹⁷To⁴nca³ tsin²-
 le⁴ ja⁴ma⁴-jin². To⁴xqui⁴ ni⁴čhjin³
 ma³tse³-le⁴. C²ia⁴ nca³ fa^{3?}ai³ cjoa⁴si³,
 a³xo⁴ c²ia⁴ nca³ fa^{3?}a¹ cjoa⁴n²ain³
 xi³ t²a³ts²e⁴ en¹nta³-vi⁴, nti⁴ton⁴
 tsjion¹ ntia⁴²-le⁴ Ni³na¹. ¹⁸Je² xi³
 qui³s²e³ntje²jin³ na^{3?}ya¹, c²oa⁴cjoan³
 cho⁴ta⁴ xi³ qui³nch²oe¹ en¹nta³,
¹⁹to⁴nca³ je² cjoa⁴va³ xi³ ts²e⁴ coi³
 ni⁴čhjin³-vi⁴, cao⁴ cjoa⁴ch²a¹na⁴cha⁴
 xi³ ts²e⁴ cjoa⁴nchi⁴na¹, cao⁴
 cjoa⁴xi²ta³con², nca³yi³je³ coi³
 cjoa⁴-vi⁴ nca³ fa^{3?}a³s²en³jin³-le⁴
 v²e¹chjoa²-le⁴ en¹nta³-vi⁴, li²jme³
 xi³ tsjao¹. ²⁰Je²-vi⁴ xi³ qui³s²e³ntje²
 jn³ nca³ nta³ na³nqui³, c²oa⁴cjoan³
 cho⁴ta⁴ xi³ nch²oe¹ en¹nta³, cjoel¹ya³-
 ni¹, c²oa⁴ si¹-ncjin²ya³-ni³, jnco³
 sa^{3?}nta³ can³te² c²a³, xi³ jnco³ sa^{3?}nta³
 jan²can³ c²a³, xi³ nqui²jnco³ sa^{3?}nta³
 jnco³ ciento c²a³ tsjao¹.

Je² l²i¹ xi³ s²e³jna³nqui³ ca²xa⁴choa⁴

(Lc 8:16-18)

²¹Jesús qui³tso²-sa³le⁴: A³
 fa^{3?}ai³cao⁴ ca³nti² cho⁴ta⁴ jme¹-ni³
 nca³ v²e¹jna³nqui³-si¹ni³ ca²xa⁴choa⁴,

a³xo⁴ nqui³na⁴chan³. A³ tsi² tsa²
 v²e¹jna³nc²a³. ²²Li²jme³ xi³ tjin¹
 xi³ tji¹ma³ xi³ tsi² s²e¹son²tsen³,
 ni⁴cjoa⁴che¹-jin² xi³ tsi² jcha⁴-
 le⁴. ²³Tsa² ?ya³ xi³ tjin¹ xo⁴ñ³ xi³
 nch²oe¹-ni³, nta³ ca²ta³-va³sen¹ñ³.
²⁴Jesús qui³tso²-sa³le⁴ cho⁴ta⁴-ve⁴:
 Ti⁴coi²ntao⁴³ jo³-s²in² no^{2?}yao²³: Je²
 xi³ ti⁴coi³-ni³ choa⁴ xi³ v²e²choao⁴³,
 s²e⁴cho⁴ya³-ni³no³, c²oa⁴ nqui²sa⁴ tse³
 s²e⁴-no³ nca³ jon². ²⁵Je² xi³ tjin¹-le⁴,
 c²oai⁴-sa³le⁴, c²oa⁴ je² xi³ li²jme³ xi³
 tjin¹-le⁴, tjo¹xin²-le⁴ sa^{3?}nta³ je² xi³
 tjin¹-le⁴.

Xi³ t²a³ts²e⁴ nca³ ma³jcha¹ ni⁴jin⁴

²⁶Jesús c²oa⁴qui³tso²: C²oa⁴-s²in²
 ma³nco¹son² je² cjoa⁴te¹xo³ma³-le⁴
 Ni³na¹, jo³-ni³ tsa² jnco³ cho⁴ta⁴ xi³
 v²e¹tsao³ na⁴xin⁴-le⁴ tso³jmi²ntje²
 ja⁴jin³ na³nqui³. ²⁷Va³jna³fe² nca³
 ni⁴tjen⁴, vi³sol¹tjen⁴ nca³ ni⁴čhjin³. Je²
 na⁴xin⁴ ma³ntje², ma³jcha¹, to⁴nca³
 li²coi³ ve³ cho⁴ta⁴-ve⁴ jo³-s²in² ma³-
 ni³. ²⁸To⁴ya⁴ ma³ntje² jin³na³nqui³
 nca³ to⁴je². Ti¹tjon² vi³tjo³ je⁴e⁴, c²ia⁴
 ma³ ncho⁴tin⁴, ja⁴scan³ ma³ ni⁴jin⁴.
²⁹C²ia⁴ nca³ je³coan³jcha¹ ni⁴jin⁴,
 nti⁴ton⁴ vi³cha²-ni³ qui⁴cha⁴, nca³
 je³ji³cho² ni⁴čhjin³-le⁴ nca³ s²e⁴xco¹.

Xi³ t²a³ts²e⁴ na⁴xin⁴-le⁴ mostaza

(Mt 13:31-32; Lc 13:18-19)

³⁰Jesús qui³tso²: Jme¹ xi³ nco¹son²
 coan⁴-na¹ je² cjoa⁴te¹xo³ma³-
 le⁴ Ni³na¹, a³xo⁴ jme¹ en¹ xi³
 coi⁴no²cjoa⁴² xi³ ma³nco¹son². ³¹Je²
 ma³nco¹son² jo³-ni³ jnco³ na⁴xin⁴-
 le⁴ mostaza. C²ia⁴ nca³ s²e³ntje²
 jin³na³nqui³, je²-sa³ xi³ nqui²sa⁴ ?nti¹
 cji³ cao⁴-ni³ tsa² nca³yi³je³ na⁴xin⁴-
 xi³ tjin¹ son^{3?}nte³-vi⁴. ³²To⁴nca³ c²ia⁴
 nca³ fe³ s²e³ntje², ma³jcha¹, nqui²sa⁴-

sa³ ma³nc²a³ cao⁴-ni³ tsa² nca³yi³je³
 tso³jmi²ntje². Cjai¹nca³ to⁴te³jnc²
 ma³, sa³nta³ ma³ fa³yo²t²ain²a³
 ni⁴se³ xi³ fi²tjen⁴ jin³sen¹. ³³Cao⁴
 ncjin² en¹ xi³ cjoa⁴xco¹son² xi³
 c²oa⁴ tjin¹, Jesús qui³tso²ya³-le⁴
 en¹nta³, jo³ tjin¹ xi³ ji³cho¹cjoa⁴-le⁴
 nca³ qui³nch²oe¹. ³⁴To⁴cao⁴ en¹ xi³
 cjoa⁴xco¹son² tsa³cja²cao⁴, to⁴nca³
 c²ia⁴ nca³ ti¹jna³cao⁴ t²a³xin² cho⁴ta⁴-
 le⁴, qui³tso²ya³nta³-le⁴ nca³yi³je³.

Jesús tsa³c²e¹chjoa²-le⁴ ntjao⁴

(Mt 8:23-27; Lc 8:22-25)

³⁵Ti⁴coi³-ni³ ni⁴čhjin³-ve⁴ nca³
 coan³xon², c²oa⁴qui³tso²-le⁴:
 Coi⁴tja¹ xi³ncoa³t²a³ nta¹chi³con³.
³⁶Cho⁴ta⁴-le⁴ qui³si³ca³tio¹tjen⁴nqui³
 nca³ts²i³ jo³ tjin¹ ma³-ni³
 cho⁴ta⁴ncjin². Qui³cao⁴ Jesús jo³.
 s²in² nca³ ti¹jna³ya³ ja⁴ya³ chi³tso³.
 C²oa⁴ti⁴ tjin¹-sa³ chi³tso³ ²nti¹ xi³
 qui³tse³ntai³-le⁴. ³⁷A³li² to⁴jo³ xi³
 coan³ ntjao⁴xcon¹. Tsa³qui³ncha¹
 na³nta¹ ja⁴ya³ chi³tso³, jo³
 me³qui³tse³ntjai² na³nta¹ chi³tso³-ve⁴.
³⁸Jesús qui³jna³fe² ya⁴ to²ts²in³-le⁴
 chi³tso³. Qui³jna³fe² tjin¹nqui³jco³
 jnco³ na³jno³fa³nqui³jco³.
 Qui³si³cja³?a¹-le⁴ qui³tso²-le⁴:
 Maestro, a³ ts² jo³ coan⁴-li² tsa²
 ti³ncha³m²ain³-jin⁴. ³⁹Tsa³qui³so¹tjen⁴
 Jesús, tsa³c²e¹chjoa²-le⁴ ntjao⁴-
 ve⁴, qui³tso²-le⁴ nta¹chi³con³: Jyo¹
 ti⁴jnai³. Qui³s²e³yo¹ nti⁴ton⁴ ntjao⁴-
 ve⁴. Coan³nta³chon³-ni³. ⁴⁰Jesús
 qui³tso²-le⁴: A¹-ni³ nca³ c²oa⁴-s²in²
 jcon³-si¹nio³. A¹-ni³ nca³ ts² tsa²
 ma³cjain¹-si¹ni³no³. ⁴¹Cho⁴ta⁴-le⁴
 cja¹nca³ qui³tsa³cjon¹, qui³tso²-
 le⁴ xi¹ncjin¹: ya¹-ni³ve⁴ je²-vi⁴, nca³
 sa³nta³ ntjao⁴-vi⁴ cao⁴ nta¹chi³con³-
 vi⁴ si¹tjo³son²-le⁴.

Coan³nta³ cho⁴ta⁴ xi³ nai⁴² xi³ nta³jin³
 tjin¹-le⁴

(Mt. 8:28-34; Lc. 8:26-39)

5 Jesús cao⁴ cho⁴ta⁴-le⁴ ji³cho²
 xi³ncoa³-ni³le⁴ nta¹chi³con³
 ya⁴ na³nqui³-le⁴ cho⁴ta⁴ gadarenos.
²C²ia⁴ nca³ Jesús ji³tjo³ chi³tso³,
 ji³tjo³con³ nti⁴ton⁴-le⁴ jnco³ cho⁴ta⁴
 xi³ ja⁴jin³ tso¹ ti¹jna³, xi³ cja¹nca³
 tjin¹-le⁴ ntjao⁴ xi³ nta³jin³. ³Jnco³
 c²a² ya⁴ ti¹jna³ntsjai² ja⁴jin³ tso¹-
 ve⁴. Ni⁴²ya³-jin² xi³ coan⁴-le⁴
 c²oe⁴²t²a³n¹ion¹ nca³ je², nta³ tsa² cao⁴
 cadena. ⁴Ncjин² c²a³ tsa³c²e¹n¹ion¹-ni³
 cadena ntso⁴co⁴ cao⁴ ntsjai³, to⁴nca³
 tsa³ca³te³jts² cadena. Ni⁴²ya³-jin²
 xi³ coan³-le⁴ qui³si³nt²e¹. ⁵Nca³ntsjai²
 ni⁴čhjin³, nca³ntsjai² ni⁴tjen⁴, tso²va³
 ti¹cji³ntia¹ nqui³jña¹ cao⁴ ya⁴jin³
 tsjо¹-ve⁴. Si¹qui³²aon³ yao³-le⁴ cao⁴
 la⁴ja⁴. ⁶C²ia⁴ nca³ tsa³ve³ Jesús
 nca³ cjin³, je² cho⁴ta⁴-ve⁴ qui³to²ca³,
 tsa³ca³sen²xco¹nch²in³t²a³-le⁴,
 c²oa⁴ tsa³ve³xcon¹ Jesús. ⁷N²ion¹
 qui³nchja⁴, qui³tso²: Jme¹ xi³ tjin¹-
 na¹ xi³ cao⁴ ji³, ji³ xi³ nti¹-le⁴ Ni³na¹
 xi³ n²ion¹ nc²a³ ti¹jna³. V²e³ts²oa³-
 le²³ nqui³xcon⁴ Ni³na¹ nca³ ts²
 cjoa⁴n²ain³ si⁴cja³a¹-nai¹³. ⁸Nca⁴
 Jesús qui³tso²-le⁴: Ti²tjo⁴jin³-lai⁴
 je² cho⁴ta⁴-vi⁴, ntjao⁴ xi³ nta³jin³.
⁹Jesús qui³sco²na³nqui³-le⁴: Jo¹
 ?mi²-li². Je² qui³tso²: Legión ?mi²-
 na³, coi³ nca³ ncjin² ma³-ni³jin⁴.
¹⁰C²oa⁴ cja¹nca³ tsa³c²e¹ts²oa³-le⁴
 Jesús nca³ ts² t²a³xin² nte³ sca⁴ni².
¹¹Ncjин² chi⁴nca⁴ xi³ tjo¹ma³cjen²
 ya⁴ tjo¹xco¹-le⁴ čhian³-le⁴ ni³nto³-
 ve⁴. ¹²Nca³ts²i³ nai⁴² xi³ nta³jin³
 tsa³c²e¹ts²oa³-le⁴ Jesús, qui³tso²-
 le⁴: Ya⁴ ti¹cja³a³s²en³jin³-na³jin⁴
 chi⁴nca⁴-ve⁴, jme¹-ni³ nca³ ya⁴

co⁴tja¹s²en³jin³-si¹ni³lai⁴jin⁴. ¹³Jesús qui³tsjоа³nte³ nti⁴ton⁴-le⁴. Ji³tjo³ je² nai⁴² xi³ nta³jin³, ya⁴ ja^{3?}a³s²en³-le⁴ chi⁴nca⁴-ve⁴. Ná³jtin¹ chi⁴nca⁴-ve⁴ tsa³nca³jen³nqui³ na⁴xi⁴-ve⁴, qui³tsao³jin³ nta¹chi³con³. Jao² jmi³-la⁴ ma³-ni³ chi⁴nca⁴-ve⁴ xi³ ya⁴ c²en³jin³ nta¹chi³con³. ¹⁴Tsa³nca³ cho⁴ta⁴ xi³ tjo¹ma³ co^{3?}nta³ chi⁴nca⁴-ve⁴. Tsa³c²e¹ na⁴jmi¹ ya⁴ na⁴xi⁴na³nta¹ cao⁴ ya⁴ nqui³chao³. Cho⁴ta⁴ ji³tjo³ co³tsen³-le⁴ cjoa⁴ xi³ coan³. ¹⁵Cho⁴ta⁴ ja^{3?}ai³con³-le⁴ Jesús. Tsa³ve³ je² xi³ qui³s²e³-le⁴ nai⁴² xi³ nta³jin³. To⁴nca³ nt²ai⁴ ti¹jna³, y²a³cja¹ na³jño³-le⁴, nta³ tjin¹con³. Cho⁴ta⁴ qui³tsa³cjon¹. ¹⁶Je² xi³ tsa³ve³ tsa³c²e¹-le⁴ na⁴jmi¹ cho⁴ta⁴ jo³ coan³-le⁴ je² xi³ tjin¹-le⁴ nai⁴² xi³ nta³jin³, c²oa⁴ jo³ coan³-le⁴ chi⁴nca⁴-ve⁴. ¹⁷Cho⁴ta⁴ na³nqui³-ve⁴ tsa³c²e¹ts²oa³-le⁴ Jesús nca³ ca²ta³fi² cjin³-le⁴. ¹⁸Jesús ja^{3?}a³s²en³ ya⁴ chi³tso³. Je² xi³ nai⁴² xi³ nta³jin³ qui³si³ji³-le⁴ tsa³c²e¹ts²oa³-le⁴ Jesús nca³ ca²ta³v²e²jna³t²a³ntsjai²-le⁴. ¹⁹To⁴nca³ Jesús li²coi³ qui³tsjоа³nte²-le⁴, qui³tso²-le⁴: T²in³ ni^{3?}ya³-li⁴, t²in³chon³-lai⁴ xi²nqui⁴, t²e²-lai⁴ na⁴jmi¹ jo³ nca³ tjin¹ cjoa⁴nta³ xi³ ca²s²in¹ xi³ t²a³tsi⁴ je² Nai³-na¹, jo³s²in² nca³ ca²ma³ma⁴que³-li². ²⁰Qui³ cho⁴ta⁴-ve⁴, tsa³c²e¹ts²ia⁴cao⁴ nca³ qui³si³nca³son² en¹ ya⁴-nте³ Decápolis, jo³ nca³ tjin¹ cjoa⁴xcon¹ xi³ qui³s²in³ Jesús xi³ t²a³ts²e⁴. Nca³ts²i³ cho⁴ta⁴ jo³ coan³xcon¹-le⁴.

Jairo tsa³c²e¹ts²oa³ xi³ t²a³ts²e⁴ tso²ti³-le⁴

(Mt.9:18-26; Lc.8:40-56)

²¹Ji³nčhoa³ nqui²jnco³c²a²-ni³ Jesús ya⁴³ chi³tso³ xi³ncoa³-ni³

nta¹chi³con³. A³li² to⁴ncjin² cho⁴ta⁴ xi³ coan³xco¹t²a³-le⁴. Ya⁴ ntai³ nta¹chi³con³ ti¹jna³. ²²Ja^{3?}ai³nčh²oe² Jesús jnco³ cho⁴ta⁴ti¹tjon² xi³ ts²e⁴ nt²ia³ sinagoga. Jairo ?mi². C²ia⁴ nca³ tsa³ve³ Jesús, tsa³ca³sen²xco¹nch²in³t²a³ ntsuo⁴co⁴ Jesús. ²³Cjai¹nca³ tsa³c²e¹ts²oa³-le⁴, qui³tso²-le⁴ Jesús: ?nti¹ tso²ti³-na⁴ je³me³m²en³. Nčhoai¹³ tja³son²-lai⁴ ntsai⁴, jme¹-ni³ nca³ coan⁴nta³-si¹ni³, nca³ c²oe⁴² jna³con³-si¹ni³. ²⁴Jesús qui³cao⁴ nca³je². A³li² to⁴ncjin² cho⁴ta⁴ xi³ qui³tjen⁴nqui³-le⁴, jo³ nca³ tsa³c²e²jna³ncho²n²ion¹-le⁴ Jesús cho⁴ta⁴ncjin². ²⁵Je³coan³ te³jao² no¹ nca³ ti¹vi³tjo³ njin¹-le⁴ jnco³ chjon⁴². ²⁶A³li² to⁴c²oa⁴cji³ cjoa⁴ñain³ xi³ je³tsa³cja³a¹ xi³ t²a³ts²e⁴ ncjin² chji⁴ne⁴xqui³. Je³qui³si³cje³ nca³yi³je³ taon⁴-le⁴. Ni⁴jme³-jin² xi³ tsa³ca³sen²cao⁴, to⁴sa³ nqui²sa⁴ tao¹ coan³. ²⁷C²ia⁴ nca³ qui³nčh²oe¹ xi³ t²a³ts²e⁴ Jesús, qui³jin³-le⁴ nca³ts²i³ cho⁴ta⁴, ja^{3?}ai³ca³sen²čhian³ ja⁴jton⁴ ya¹ts²in⁴ Jesús. Qui³si³cao⁴ na³jño³-le⁴. ²⁸Chjon⁴²-ve⁴ c²oa⁴qui³tso²: Tsa² to⁴je² cjoan² na³jño³-le⁴ si³coa⁴, coan⁴nta³-nia¹³. ²⁹Nti⁴ton⁴ qui³sa³te³chjoa²-le⁴ njin¹-le⁴. Chjon⁴²-ve⁴ ña³qui³tsen³ coan³ le⁴ yao³-le⁴ nca³ coan³nta³-ni³ ch²in³-le⁴. ³⁰Nti⁴ton⁴ Jesús tsa³ve³ yao³-le⁴ nca³ ji³tjo³-le⁴ xi³ nca³n²ion¹-le⁴, qui³si³c²o¹fa³ya³, qui³sco²tsen³-le⁴ cho⁴ta⁴ncjin² xi³ tjen⁴cao⁴, c²oa⁴qui³tso²: ?ya¹-ni³ xi³ ca²sl¹cao⁴ na³jño³-na⁴. ³¹Cho⁴ta⁴-le⁴ c²oa⁴qui³tso²-le⁴: Ji³ ?yai³ nca³ c²oa⁴-s²in² cho⁴ta⁴ncjin² v²e¹jna³ncho²n²ion¹-li². A¹-ni³ c²oa⁴si³-si¹ni³, ?ya¹-ni³ xi³ ca²sl¹cao⁴-na³. ³²Jesús

qui³sco²tsen³ntai³-le⁴ nca³ scoe⁴
 ?ya³-ve⁴ xi³ c⁷oa⁴qui³si³cao⁴.
33C⁷ia⁴ chjon⁴²-ve⁴, qui³tsa³cjon¹,
 jo³ ja³tse³, nca³ ve³ jo³ coan³-
 ni³ ch⁷in³-le⁴. J¹i³nčhoa³nčh⁷oe²,
 tsa³ca³sen²xco¹nch⁷in³t²a³-
 le⁴ Jesús, c⁷oa⁴qui³tso²-le⁴
 nca³yi³je³ xi³ cjoa⁴qui²xi⁴. **34**Jesús
 c⁷oa⁴qui³tso²-le⁴: ?nti¹ na⁴², coi³
 nca³ coan³cjain¹-li², ca²ma³nta³-ni³.
 T⁷in³-la²na¹ ntai³, ca²ta³ma³ntai³
 ch⁷in³-li⁴. **35**To⁴jo³ ti¹nchja⁴-sa³
 Jesús nca³ ja³ai³-ni³ cho⁴ta⁴ xi³
 ts⁷e⁴ ni³?ya³-le⁴ cho⁴ta⁴ti¹tjon²-
 le⁴ nt⁷ia³ sinagoga, c⁷oa⁴qui³tso²:
 Je² tso²ti³-li⁴ je³?en³. A¹-ni³ nca³
 to⁴jo³ ni²si³-si¹ni³lai⁴ Maestro.
36C⁷ia⁴ Jesús, nca³ qui³nčh⁷oe¹ je²
 cjoa⁴qui²xi⁴ xi³ ja³ai³-le⁴, qui³tso²-le⁴
 cho⁴ta⁴ti¹tjon²-ve⁴: A³li² jcon³-jin²³,
 to⁴ca²ta³ma³cjain¹-li². **37**To⁴je² Pedro,
 cao⁴ Jacobo, cao⁴ Juan nts⁷e⁴ Jacobo
 xi³ Jesús qui³tsjоа³ntе²-le⁴ nca³
 ji³nčhoa³tjen⁴nqui³-le⁴, ni⁴²?ya³-jin²sa³
 xi³ cja⁴²ai¹. **38**Ja³ai³ ni³?ya³-le⁴
 cho⁴ta⁴ti¹tjon²-ve⁴, c⁷ia⁴ tsa³ve³
 nca³ li² to⁴jo³ xi³ cji³ma³. Cjai¹nca³
 tjio¹v⁷e¹jta³, tjio¹cji³ntia¹. **39**Jesús
 ja³a³s⁷en³ c⁷oa⁴qui³tso²-le⁴: A¹-ni³
 nca³ c⁷oa⁴-s⁷in² si³ n⁷ian²-si¹nio³,
 c⁷oa⁴ ti³chi³ntao¹³. ?nti¹ tso²ti³-ve⁴
 a³li² ca²m⁷en³-jin², to⁴qui³jna³fe²-
 ni¹. **40**Jo¹ to⁴tsa³qui³jno²que³
 Jesús cho⁴ta⁴. To⁴nca³ c⁷ia⁴ nca³
 je³tsa³c⁷a³sje³ nti³tsian³² nca³ts⁷i³
 cho⁴ta⁴-ve⁴, qui³scoe¹ n⁷ai³-lc⁴ na⁴-le⁴
 ?nti¹ tso²ti³-ve⁴ cao⁴ je² xi³ tjio¹cao⁴
 nca³ je², ja³a³s⁷en³ jňa³ nca³ ti¹jna³
 ?nti¹ tso²ti³-ve⁴. **41**Qui³scoe¹ ntsjоа³
 ?nti¹ tso²ti³-ve⁴, qui³tso²-le⁴: Talita
 cumi xi³ tso²-ni³: Tso²ti³, ji³ xi³ xin³-
 le²³, ti⁴so²tjain⁴-ntai⁴. **42**?nti¹ tso²ti³
 ji³so¹tjen⁴ nti⁴ton⁴. Tsa³c⁷a³mjen³,

nca³ te³jao² no¹ tjin¹-le⁴. Cho⁴ta⁴
 to⁴coan³xcon¹-le⁴. **43**To⁴nca³ Jesús
 cja¹nca³ n⁷ion¹ tsa³c⁷e¹ne²-le⁴
 nca³ ni⁴²?ya³-jin² xi³ scoe⁴ je²-vi⁴.
 Qui³tso²-le⁴ nca³ ca²ta³tsjоа¹-le⁴ xi³
 squi⁴ne⁴ tso²ti³-ve⁴.

Taon³ tsa³ve³ Jesús ya⁴ Nazaret

(Mt. 13:53-58; Lc. 4:16-30)

6 Jesús ji³tjo³-ni³ ya⁴-ve⁴.
 Ja³ai³-ni³ na³nqui³-le⁴.
 Cho⁴ta⁴-le⁴ tjen⁴nqui³tsao³-le⁴.
2Ji³cho²ca³ ni⁴čhjin³ ni²cja¹ya³, Jesús
 tsa³c⁷e¹ts⁷ia⁴cao⁴ nca³ tsa³ca³co¹ya³ ya⁴
 nt⁷ia³ sinagoga. Ncjин² cho⁴ta⁴ nca³
 qui³nčh⁷oe¹-le⁴, jo³ to⁴coan³xcon¹-
 le⁴, qui³tso²: Jňa¹-ni³ nca³ tjin¹-le⁴
 coi³ cjoa⁴-vi⁴. Jme¹ cjoa⁴chji⁴ne⁴ xi³
 tsa³c⁷ai²-le⁴ nca³ to⁴cao⁴ ntsja³ s⁷in¹
 cjoa⁴xcon¹ xi³ c⁷oa⁴chon³. **3**A³tsi²
 tsa²je²-vi⁴ xi³ chji⁴ne⁴ya¹, xi³ ?nti¹-le⁴
 María, xi³ nts⁷e⁴ Jacobo, cao⁴ José,
 cao⁴ Judas, cao⁴ Simón. A³tsi² tsa²
 c⁷oa⁴-ti⁴ i⁴ tgio¹cao⁴-na¹vi⁴ je² nti³chja³.
 To⁴ji³coan³-le⁴ cho⁴ta⁴ xi³ t²a³ts⁷e⁴
 Jesús. **4**To⁴nca³ Jesús c⁷oa⁴qui³tso²-
 le⁴: Nca³ts⁷i³ xi³ nchja⁴ya³ t²a³ts⁷e⁴
 Ni³na¹ tjin¹-le⁴ xi³ ve³xcon¹ nca³je².
 To⁴ya⁴² na³nqui³-le⁴ jňa³ nchja⁴-ni³,
 c⁷oa⁴ ya⁴ jin³-le⁴ xi³ncjin¹, c⁷oa⁴ ya⁴
 ni³?ya³-le⁴ li²coi³ ?ya³xcon¹. **5**Ni⁴jme³-
 jin² cjoa⁴xcon¹ coan³-le⁴ Jesús ya⁴-ve⁴.
 To⁴choa³ cho⁴ta⁴ xi³ tjio¹m⁷en³, xi³
 je² qui³si³nta³ nca³ tsa³ca³yo¹son²-le⁴
 ntsja³. **6**Jo¹ to⁴coan³xcon¹-le⁴ Jesús
 nca³tsi² coan³cjain¹-le⁴ cho⁴ta⁴.
 Tsa³c⁷a³mjen³ ya⁴ nqui³chao³-ve⁴ xi³
 tgio¹nta³-le⁴, tsa³ca³co¹ya³-le⁴.

Je² xa¹-le⁴ cho⁴ta⁴ xi³ te³jao²-ve⁴

(Mt. 10:5-15; Lc. 9:1-6)

7Qui³nchja⁴-le⁴ xi³ te³jao² cho⁴ta⁴-
 le⁴ve⁴. Jao²jao² qui³si³ca³sen¹.

Qui³tsjoa³-le⁴ ?nte³ nca³
 coa⁴te²xo³ma³-le⁴ ntjao⁴ xi³ nta³jin³.
⁸Jesús tsa³ca³te¹xo³ma³-le⁴ nca³
 tsi²jme³ xi³ c²oa⁴ nca³ coai⁴ ya⁴
 ntia⁴², ni⁴na^{4?}ya³-jin², ni⁴nio⁴xti²la⁴-
 jin², to⁴je² ya¹ni³se³-le⁴ xi³ c²oa⁴,
 ni⁴taon⁴-jin² coi⁴ncha³ xi³jtsa³-le⁴.
⁹To⁴nca³ čhjоа⁴te¹ ca²ta³va¹ya³,
 to⁴jnco³ chi⁴nca³ ca²ta³v²a³cja¹,
 a³li² jao²-jin². ¹⁰Jesús c²oa⁴qui³tso²-
 le⁴: To⁴jná³-ni³ nca³ coi⁴tja¹s²aon³
 jnco³ ni^{3?}ya³, to⁴jnco³ c²a² ti⁴yo³ jo³
 sa^{3?}nta³ nca³ coi²tjo⁴nio³ ya⁴ ?nte³-
 ve⁴. ¹¹Je² nca³ts²i³ xi³ tsi² tsjоа¹-no³
 ?nte³, c²oa⁴ xi³ tsi² nčh²oe¹-no³, c²ia⁴
 nca³ coi²tjo⁴-nio³ ya⁴ ?nte³-ve⁴,
 t²e²tsao³jnao³ chao³-le⁴ nts²co³,
 nca³ c²oa⁴-s²in² c²oai⁴-lao⁴³ en¹
 nca³ tsi² nta³ cjoan³ ni⁴ma⁴-le⁴. Xi³
 cjoa⁴qui²xi⁴ xi³ xin³-no³ nca³ c²ia⁴
 ni⁴čhjin³ nca³ tsjоа¹ cjoa⁴n²ain³
 nqui²sa⁴ tse³ cjoa⁴n²ain³ cjoa⁴a³
 coi³ na⁴xi⁴na³nta¹-ve⁴ cao⁴-ni³ ts²
 ts²e⁴ na⁴xi⁴na³nta¹ Sodoma a³xо⁴
 xi³ ts²e⁴ na⁴xi⁴na³nta¹ Gomorra.
¹²Cho⁴ta⁴-le⁴ ji³tjo³, qui³nchja⁴ya³
 nca³ ca²ta³si¹c²a³ntjai²ya³ cho⁴ta⁴
 cjoa⁴fa³ai³tsjen³-le⁴. ¹³Ncjin² nai⁴²
 xi³ nta³jin³ tsa³c²a³sje³xin². Si²ti⁴
 qui³tso²jon³ ncjin² xi³ tjo¹m²en³,
 coan³nta³-ni¹.

Qui³ni²c²en³ Juan Bautista

(Mt. 14:1-12; Lc. 9:7-9)

¹⁴Je² cho⁴ta⁴ti¹tjon² xi³ Herodes
 ?mi² qui³nčh²oe¹ xi³ t²a³ts²e⁴ Jesús,
 nca³ nca³qui³jnta² qui³no^{2?}ya²-le⁴
 jan^{3?}ain¹-le⁴ Jesús. C²oa⁴qui³tso²
 Herodes: Je² Juan xi³ tsa³ca³te¹nta¹,
 ja^{3?}a³ya²jin³-ni³le⁴ c²en³, coi³ nca³
 c²oa⁴-s²in² tjin¹ cjoa⁴xcon¹ xi³ ma³-
 le⁴. ¹⁵C²oa⁴ cho⁴ta⁴ xi³c²a³ qui³tso²:
 Je² Elías. Xi³c²a³-nca¹ni³ qui³tso²:

Jnco³ xi³ nchja⁴ya³ t²a³ts²e⁴ Ni³na¹
 jo³-ni³ tsa² xi³ qui³nchja⁴ya³ nca³s²a⁴.
¹⁶C²ia⁴ nca³ Herodes qui³nčh²oe¹ je²-
 vi⁴, qui³tso²: Je²-vi⁴ je² Juan xi³ an³
 tsa³ca³te³sian³. Ja^{3?}a³ya²jin³-ni³le⁴
 c²en³. ¹⁷Nca⁴ ti⁴je²-ni³ Herodes xi³
 qui³si³ca³sen¹ cho⁴ta⁴ xi³ qui³tso³
 Juan, xi³ qui³sca³ni¹ nto⁴ya¹ Juan
 to⁴t²a³ts²e⁴ Herodías. Je² xi³ chjon⁴²-
 le⁴ nts²e⁴ xi³ Felipe ?mi². Herodes
 chi³xan³cao⁴ je² chjon⁴²-le⁴ nts²e⁴.
¹⁸Juan c²oa⁴qui³tso²-le⁴ Herodes:
 Ni⁴to⁴i²tsе¹-jin² tjo¹?nte³-li² nca³
 ji³ coi⁴jna³coai⁴ chjon⁴²-le⁴ nts²ai³.
¹⁹C²oa⁴ Herodías coan³jti³que³ Juan,
 me³-le⁴ si¹c²en³, to⁴nca³ li²coi³ c²ia⁴²
 coan³-le⁴ qui³si³c²en³. ²⁰Herodes
 qui³tsa³cjon¹-le⁴ Juan, nca³ ve³-
 ni¹ nca³ Juan jnco³ cho⁴ta⁴x²in⁴ xi³
 tjin¹-le⁴ cjoa⁴qui²xi⁴, xi³ tsje³, coi³
 cjoa⁴ nca³ tsa³ve³cho⁴ta⁴ nca³ je².
 C²ia⁴ nca³ qui³nčh²oe¹-le⁴ ncjin²
 cjoa⁴ xi³ qui³s²in³. Cjai¹nca³ to⁴nta³
 qui³nčh²oe¹-le⁴ cao⁴ cjoa⁴tsjоа³.
²¹Ja^{3?}ai³ jnco³ ni⁴čhjin³ xi³ nta³,
 c²ia⁴ nca³ Herodes tsa³c²a³sje³
 s²oi¹-le⁴ ni⁴čhjin³ nca³ qui³tsin³.
 C²ia⁴ nca³ coan³xon² tsa³cjен²cao⁴
 cho⁴ta⁴ti¹tjon²-le⁴, cao⁴ xi³ nca³jco⁴-
 le⁴ so³nta²do⁴, cao⁴ cho⁴ta⁴ti¹tjon²-le⁴
 ya⁴ jná³ nca³ Galilea ?mi².
²²Ji³cho²s²en³ tso²ti³-le⁴ Herodías,
 qui³te², qui³sa³sen³-le⁴ Herodes cao⁴
 je² xi³ tjiо¹t²a³ ya¹mi²xa⁴ cao⁴ nca³
 je². Je² cho⁴ta⁴ti¹tjon² qui³tso²-le⁴
 tso²ti³-ve: Ti⁴je¹-nai¹³ to⁴jme³-ni³
 xi³ me³-li², tsjоа³-le²³. ²³Herodes
 qui³tsjоа³ en¹-le⁴: Nca³yi³je³ xi³
 si⁴je¹-nai¹³ tsjоа³-le²³, sa^{3?}nta³
 va³sen³ xi³ an³ va³te³xо²ma³-le⁴.
²⁴Tso²ti³ ji³tjo³, c²oa⁴qui³tso²-le⁴
 na⁴-le⁴: Jme¹ xi³ si³je¹-le⁴. Na⁴-le⁴
 c²oa⁴qui³tso²: Ti⁴je¹-lai⁴ jco⁴ Juan

Bautista. ²⁵Tso²ti³-ve⁴ ja⁴cjoan²
ja³a³s⁷en³nch⁷oe² Herodes, c²oa⁴-
s⁵in² qui³si³je¹-le⁴: Coi³ xi³ me³-na³
nca³ nt²ai⁴cjoan² c²oai⁴ya³-ni³nai¹³
jnc³ ch⁴ jco⁴ Juan Bautista.
²⁶Cjai¹nca³ coan³fao¹-le⁴ Herodes,
to⁴nca³ to⁴coi³ nca³ je³qui³tsjoa³
en¹-le⁴, c²oa⁴-ti⁴ coi³ nca³ cho⁴ta⁴
tji¹cao⁴ ya⁴t²a³ ya¹mi²xa⁴, a³li²coi³
coan³me³-le⁴ nca³ mai³ qui³tso²-
le⁴. ²⁷Herodes qui³si³ca³sen¹
nti⁴ton⁴ jnc³ so³nta²do⁴-le⁴ nca³
ca²tji³nch³choa³cao⁴ jco⁴ Juan. ²⁸Je²
so³nta²do⁴ qui³ ca³te³sin³ Juan ya⁴
nto⁴ya¹. Ja³ai³cao⁴ jco⁴ ja⁴ya³ jnc³
ch⁴. Qui³tsjoa³-le⁴ tso²ti³-ve⁴. Je²
tso²ti³-ve⁴ qui³tsjoa³ nqui²ntia³-
le⁴ na⁴-le⁴. ²⁹C²ia⁴ nca³ qui³nch⁷oe¹
cho⁴ta⁴-le⁴ Juan nca³ c²oa⁴coan³,
ja³ai³ qui³scoe¹ yao³-le⁴, tsa³ca¹nai³.

Aon² jmi³ ma³-ni³ xi³ Jesús qui³si³cjen².

(Mt. 14:13-21; Lc. 9:10-17; Jn. 6:1-14)

³⁰Pa²stro⁴ coan³xco¹t²a³-le⁴ Jesús,
tsa³c²e¹yi³je³-le⁴ na⁴jmi¹ jña³-le⁴
cjoa⁴ xi³ qui³s²in³, cao⁴ nca³yi³je³ xi³
tsa³ca³co¹ya³. ³¹Jesús c²oa⁴qui³tso²-
le⁴: Nch^{ao}¹³ nca³ jon² jña³
⁷nte³t²a³xin²t²a³. Ya⁴ ti⁴cja¹yao³ jnc³
tjo², nca⁴ ncjin² cho⁴ta⁴ xi³ tji¹fi²,
xi³ tji¹fa³ai³con²-le⁴, sa³nta³ li²coi³
tjo³nt²-le⁴ nca³ cjen². ³²Qui³ ya⁴³
chi³tso³ jin³nta¹chi³con³ sa³nta³
ya⁴ nte³t²a³xin²t²a³. ³³Ncj² xi³
tsa³ve³ nca³ tji¹fi², c²oa⁴ ncjin² xi³
tsa³ve³xcon³ nca³ je². Ya⁴-jan¹ qui³-
ni³ ntso⁴co⁴ ncjin² xi³ ts²e⁴ nca³yi³je³
na⁴xi⁴na³nta¹ xi³ ya⁴chian³. Ji³cho²
ti¹tjon²-le⁴ nca³ je², coan³xco¹t²a³-le⁴
Jesús. ³⁴C²ia⁴ nca³ Jesús ji³tjo³-ni³
chi³tso³-ve⁴, tsa³ve³ cho⁴ta⁴ncjin².
Coan³ma⁴que³ nca³ je², nca⁴ je²

jo³-ni³ tsa² va³rre² xi³ tsin²-
le⁴ xi³ co³nta³. Tsa³c²e¹ts⁷ia⁴cao⁴
nca³ tsa³ca³co¹ya³-le⁴ ncjin²
cjoa⁴. ³⁵C²ia⁴ nca³ je³coan³xon²,
ji³cho²con³-le⁴ cho⁴ta⁴-le⁴, qui³tso²:
Cjai¹to⁴ t²a³xin²t²a³ nte³-vi⁴,
c²oa⁴ je³coan³xon². ³⁶C²oa⁴t²in²-
lai⁴ cho⁴ta⁴-ve⁴ nca³ ca²ta³fi²,
jme¹-ni³ nca³ coai⁴-si¹ni³ jña³-ve⁴
nqui³chao³ jña³-ve⁴ na⁴xi⁴na³nta¹
²nti¹ xi³ chian³, jme¹-ni³ nca³
ya⁴ coa⁴tse³-si¹ni³le⁴ yao³-le⁴ xi³
coa⁴cjen⁴. ³⁷Jesús qui³nch⁴,
qui³tso²-le⁴: T²ai²-la⁴³ nca³ jon²
xi³ coa⁴cjen⁴. Cho⁴ta⁴-le⁴ qui³tso²-
le⁴: A³ coa⁴nquin¹ qui³ntai¹³-jin⁴
jao²ciento vi²xo⁴ nio⁴xti²la⁴ nca³
c²oai⁴-le⁴² xi³ coa⁴cjen⁴. ³⁸Jesús
qui³tso²-le⁴: Jo¹ tjin¹ nio⁴xti²la⁴ tjin¹-
no³. Ta⁴nquin¹ cho⁴tsen³-la⁴³. C²ia⁴
nca³ tsa³ve³, qui³tso²: Aon² ma³-ni³,
c²oa⁴ jao² jti⁴. ³⁹C²ia⁴ tsa³c²e¹xa¹-le⁴
nca³ qui³si³ca³tio² nca³ts²i³ cho⁴ta⁴
ya⁴ jin³ li⁴ji⁴xcoen¹. Tsa³ca³tio²jtin¹
jnc¹jnc¹ nte³. ⁴⁰Jnco¹jnco¹ ciento
tsa³ca³tio²jtin¹, c²oa⁴ ña³chan²te³
ñ³chan²te³ tsa³ca³tio². ⁴¹Jesús
qui³scoe¹ xi³ aon² nio⁴xti²la⁴ cao⁴
xi³ jao² jti⁴-ve⁴, qui³sco²tsen³nc²a²,
qui³si³chi³con³t²ain³, qui³si³xcoa⁴
nio⁴xti²la⁴-ve⁴, qui³tsjoa³-le⁴ cho⁴ta⁴-
le⁴ jme¹-ni³ nca³ si⁴²c²a³vi¹-si¹ni³le⁴.
Ti⁴c²oa⁴-s²in²ni³ qui³si³c²a³vi¹-le⁴
nca³ts²i³ je² jao² jti⁴-ve⁴. ⁴²Tsa³cjen²
nca³ts²i³, coan³squi³. ⁴³Tsa³c²e¹xco¹
nio⁴xti²la⁴ch²oa¹, cao⁴ ch²oa¹-le⁴ jti⁴.
Te³jao² ma³-ni³ ni⁴sin⁴ xi³ qui³tse³.
⁴⁴Aon² jmi³ cho⁴ta⁴x²in⁴ tsa³cjen².

Jesús tso²²va³son² nta¹chi³con³

(Mt. 14:22-27; Jn. 6:15-21)

⁴⁵Jesús tsa³c²e¹ne² nti⁴ton⁴-
le⁴ cho⁴ta⁴-le⁴ nca³ ja³a³s²en³

chi³tso³-ve⁴, nca³ qui³ ti¹tjon²-le⁴
 sa³nta³ na⁴xi⁴na³nta¹ Betsaida ya⁴
 xi³ncoa³-ni³. Tjen⁴ nca³ tgio¹fi² nca³
 je², ti⁴je²-ni³ Jesús tsa³c²e¹ne²-le⁴
 cho⁴ta⁴ncjin² nca³ ca²ta³fi² nca³ts²i³.
46 C²ia⁴ nca³ je³c²oa⁴-s²in² tsa³c²e¹ne²-
 le⁴ nca³ts²i³, qui³ c²e¹ts²oa³ t²a³xin².
47 Xi³ je³coan³xon², je² chi³tso³-
 ve⁴ ti¹jna³ nca³va³sen³-le⁴ jin³
 nta¹chi³con³. Jesús ti¹jna³ nca³
 to⁴je² ya⁴ na³nqui³qui³xi². **48** Jesús
 tsa³ve³ nca³ je³coi³jta² cho⁴ta⁴-le⁴
 nca³ tgio¹cjen³nta¹ chi³tso³-ve⁴, nca⁴
 je² ntjao⁴-ve⁴ cjai¹nca³ cja⁴ai¹-s²in²
 ti¹fa³a³. Jo³-ni³ tsa² las tres nca³
 ta⁴nzion²ya³, Jesús ji³cho²con³-
 le⁴ cho⁴ta⁴-le⁴ nca³ tso²va³son²
 nta¹chi³con³ jo³-ni³ tsa² me³-le⁴
 fi² ti¹tjon². **49** C²ia⁴ nca³ cho⁴ta⁴-
 le⁴ tsa³ve³ nca³ tso²va³son²
 nta¹chi³con³, qui³si³cja³ai³tsjen³
 nca³ tsa³ve³ xi³ c²oa⁴cji³ sen¹-le⁴
 cho⁴ta⁴ cji³. Qui³squi³ntia¹xcon¹
 cho⁴ta⁴-le⁴. **50** Nca³ts²i³ cho⁴ta⁴-
 le⁴ tsa³ve³ nca³ je², to⁴qui³jma²-le⁴
 ch²in³xcon¹. To⁴nca³ Jesús
 tsa³cja¹cao⁴ nti⁴ton⁴ cho⁴ta⁴-le⁴.
 C²oa⁴qui³tso²-le⁴: Ti⁴n²ion¹ta³con²³,
 an³ nia¹³, a³li² jcon³jion²³. **51** Jesús
 ja³a³s²en³con³-le⁴ ya⁴³ chi³tso³-ve⁴,
 qui³s²e³jyo¹ ntjao⁴. Je² cho⁴ta⁴-
 le⁴ jo³ nca³ li²coi³ ti⁴ve³-jin²ni³
 yao³-le⁴, jo³ coan³xcon¹-le⁴, **52** nca⁴
 li²coi³ coan³cho⁴ya³-le⁴ je² cjoa⁴-le⁴
 nio⁴xti²la⁴, to⁴nca³ xi¹jin³ ni⁴ma⁴-le⁴.

Jesús qui³si³nta³ je² xi³ tgio¹m²en³ ya⁴
Genesaret
(Mt. 14:34-36)

53 C²ia⁴ nca³ je³ja³a³to³t²a³
 nta¹chi³con³, ji³cho² ya⁴ na³nqui³
 jña³ Genesaret ?mi². Tsa³qui³ncha¹
 chi³tso³-ve⁴. **54** C²ia⁴ nca³ ji³tjo³-

ni³ chi³tso³-ve⁴, cho⁴ta⁴ xi³ ya⁴ tjin¹
 tsa³ve³ nti⁴ton⁴ Jesús. **55** Si¹ma³
 nca³qui³jnta² ja⁴nte³ xi³ ya⁴
 čhian³-le⁴. Ja³ai³cao⁴ qui³jnta²-ni³
 xi³ tgio¹m²en³, xi³ tgio¹son²-ni³le⁴
 ni³jña³, to⁴jña³-ni³ nca³ nčh²oe¹
 nca³ ti¹jna³ Jesús. **56** To⁴jña³-
 ni³ve⁴ nca³ ja³a³s²en³ nca³ je²,
 nta³ tsa² na⁴xi⁴na³nta¹ ?nti¹, nta³
 tsa² na⁴xi⁴na³nta¹ y²ai³, nta³ tsa²
 nqui³chao³, qui³si³ca³tio¹ jin³sen¹
 ya⁴ nti³tsin³ je² xi³ tgio¹m²en³.
 Tsa³c²e¹ts²oa³-le⁴ nca³ to⁴coi³ cjoan²
 si¹ca⁴ tjon³ je² na³jño³-le⁴. Nca³ts²i³
 xi³ c²oa⁴-s²in² qui³si³ca⁴ coan³nta³-
 ni³.

Xi³ vi³tjo³jin³-ni³ ni⁴ma⁴-le⁴, coi³ xi³
si¹cji³tsn¹ cho⁴ta⁴
(Mt. 15:1-20)

7 Coan³xco¹t²a³-le⁴ Jesús
 cho⁴ta⁴ fariseos, cao⁴ c²a³ xi³
 ts²e⁴ cho⁴ta⁴ scribano xi³ ja³ai³-
 ni³ Jerusalén. **2** Qui³sco²tsen³-le⁴
 c²a³ cho⁴ta⁴-le⁴ Jesús nca³ tgio¹cjen²
 nio⁴xti²la⁴ cao⁴ ntsja³ xi³ li²coi³
 tsje³ nca³ cje³ va³ne¹jon³jin²,
 tsa³cja³a³nqui³jml¹. **3** (Nca⁴ je²
 cho⁴ta⁴ fariseos cao⁴ nca³ts²i³ cho⁴ta⁴-
 judíos c²oa⁴-s²in² qui³si³tjo³son²-
 costumbre-le⁴ n²ai³jcha¹cjin³-le⁴,
 nca³ tsa² tsi² ncjin² c²a³ coa⁴ne²jon³
 ntsja³ li²coi³ cjen². **4** C²ia⁴ nca³
 fe³fa²ai³-ni³ nti⁴tsian², tsa² tsi²
 ti¹tjon² coa⁴nco²ya³, li²coi³ cjen².
 C²oa⁴-ti⁴ ncjin²-sa³ cjoa⁴ xi³ cja⁴ai¹
 xi³ qui³s²e³-le⁴ nca³ va³ne¹ya³-
 cho⁴tsin¹ xi³ vi³ya², cao⁴ xo²lo⁴,
 cao⁴ ti⁴qui⁴cha⁴, cao⁴ ni³jña³-
 le⁴). **5** Cho⁴ta⁴ fariseos cao⁴ cho⁴ta⁴-
 scribano qui³sco²na³nqui³-le⁴ Jesús:
 A¹-ni³ nca³ tsi² si¹cji³tjo³son²-
 si¹ni³ cho⁴ta⁴-li⁴ je² costumbre-le⁴

n³ai³jcha¹cjin³-na¹, to⁴nca³ cjen²
 nio⁴xti²la⁴ cao⁴ ntsja³ xi³ li²coi³
 tsje³. ⁶ Jesú^s c²oa⁴qui³tso²-le⁴: Nta³
 qui³nchja⁴ya³ Isaías xi³ t²a³tsaon⁴³
 xi³ cho⁴ta⁴ jao²ncjain¹ mi²-no³.
 C²oa⁴-s²in² tji¹t²a³: Je² cho⁴ta⁴-vi⁴
 ve³xcon¹-na³ cao⁴ en¹-le⁴, to⁴nca³
 ni⁴ma⁴-le⁴ xin² tjo¹-na³. ⁷Li²jme³
 xi³ chji¹-le⁴ nca³ ve³xcon¹-na³, nca⁴
 va³co¹ya³ jo³-ni³ cjoa⁴fa³ai³tsjen³
 xi³ ts²an⁴, cjoa⁴ xi³ to⁴xquia⁴
 cjoa⁴te¹xo³ma³-le⁴ cho⁴ta⁴.
⁸Qui³njon² cjoa⁴te¹xo³ma³-le⁴
 Ni³na¹, ni²tjo³son²-lao⁴³ costumbre-
 le⁴ cho⁴ta⁴: Nca³ va³ne¹ya³ xo²lo⁴,
 cao⁴ cho⁴tsin¹ xi³ vi³ya². Ncjin²-
 sa³ cjoa⁴ xi³ c²oa⁴-s²in² n²iaon²³.
⁹Jesú^s qui³tso²-sa³le⁴: Ni²cji³tson²³
 cjoa⁴te¹xo³ma³-le⁴ Ni³na¹ jme¹-
 ni³ nca³ ni²tjo³son²-si¹ni³lao⁴³
 costumbre-no³ xi³ tsao⁴³. ¹⁰Moisés
 c²oa⁴qui³tso²: Jcha⁴xcoin¹³ n²ai³-li⁴
 na⁴-li⁴. C²oa⁴ je² xi³ nchja⁴²aon³-le⁴
 n²ai³-le⁴ na⁴-le⁴ ntia³ ca²ta³m²en³.
¹¹To⁴nca³ jon² vi³xon¹³ nca³ nta³-ni¹
 tsa² jnco³ cho⁴ta⁴ c²oa⁴tso²-le⁴ n²ai³-
 le⁴ a³xo⁴ na⁴-le⁴: To⁴jme³-ni³ve⁴ xi³
 coan⁴chjen¹-no³ xi³ ts²an⁴, Corbán
 ni¹, xi³ tso²-ni³: Je³qui³ts²ai²t²a³-le⁴
 Ni³na¹. ¹²Jon² li²coi³ ti⁴v²ai²²nte³-
 ni³lao⁴³ nca³ jme³-sa³ xi³ s²in⁴² xi³
 t²a³ts²e⁴ n²ai³-le⁴ a³xo⁴ xi³ t²a³ts²e⁴
 na⁴-le⁴. ¹³Jon² ni²cji³tson²³ en¹-
 le⁴ Ni³na¹ nca³ li²jme³ chji¹-le⁴
 xi³ to⁴cjoa⁴ t²a³ts²e⁴ costumbre-
 no³. C²oa⁴-ti²s²in² n²iaon²³ ncjin²
 cjoa⁴ jo³-ni³ tsa² je²-vi⁴. ¹⁴Jesú^s
 qui³nchja⁴-le⁴ cho⁴ta⁴ncjin², qui³tso²-
 le⁴: Nta³ ti⁴no¹⁷ya³-nao¹³ nca³ts²io³,
 ca²ta³ma³cho⁴ya³-no³. ¹⁵Li²jme³ xi³
 tjin¹ xi³ fa³2a³s²en³jin³-le⁴ cho⁴ta⁴ xi³
 coan⁴ si⁴²cji³tson¹ nca³ je², to⁴je² xi³
 vi³tjo³jin³-ni³ ni⁴ma⁴-le⁴, to⁴je²-ve⁴

xi³ si¹cji³tson¹ cho⁴ta⁴. ¹⁶Tsa² ?ya³ xi³
 tjin¹-le⁴ xo⁴ñno³ xi³ nch²oe¹-ni³, nta³
 ca²ta³va³sen¹ñno³. ¹⁷Jesú^s ji³tjo³xin²-
 le⁴ cho⁴ta⁴, ja³a³s²en³ jnco³ ni³ya³,
 cho⁴ta⁴-le⁴ qui³sco²na³nqui³-
 le⁴ xi³ t²a³ts²e⁴ je² cjoa⁴xco¹son².
¹⁸Jesú^s qui³tso²-le⁴: C²oa⁴-ti⁴ jon²
 a³tsi² ma³cho⁴ya³-no³. A³tsi²
 ma³cho⁴ya³-no³ nca³ nca³yi³je³ xi³
 fa³a³s²en³jin³-le⁴ cho⁴ta⁴ li²coi³
 coan⁴ si⁴²cji³tson¹ ni⁴ma⁴-le⁴.
¹⁹Li²coi³ fa³a³s²en³jin³ ni⁴ma⁴-le⁴,
 to⁴ya⁴ ts²oa⁴, c²oa⁴ c²ia⁴ vi³tjo³ nca³
 va³ji³. Jesú^s c²oa⁴qui³tso² nca³
 tsi²jme³ tso³jmi² xi³ ma³chi³ne³ xi³
 si¹cji³tson¹ ni⁴ma⁴-na¹. ²⁰To⁴nca³
 qui³tso² nca³ je² cjoa⁴fa³ai³tsjen³
 xi³ vi³tjo³jin³-ni³le⁴ ni⁴ma⁴-le⁴
 cho⁴ta⁴, je² ni¹ xi³ si¹cji³tson¹ cho⁴ta⁴.
²¹Ja⁴jin³ ni⁴ma⁴-le⁴ cho⁴ta⁴ nčhoa¹-
 ni³ cjoa⁴fa³ai³tsjen³ ts²en⁴ xi³ tsi²
 nta³ tjin¹, nca³yi³je³ cjoa⁴cha³jnqui³
 xi³ ts²e⁴ x²in⁴ cao⁴ ya¹nchjin¹ xi³
 je³chi³xan³ cao⁴ xi³ cje³ vi³xan³-jin²,
 cao⁴ xi³ c²en³ si¹c²en³, ²²nca³yi³je³
 cjoa⁴che¹, cjoa⁴xi²ta³con², cjoa⁴ts²en⁴,
 cjoa⁴ch²a¹na⁴cha⁴, cao⁴ xi³ tsin²-
 le⁴ cjoa⁴soa³-jin², cao⁴ xi³ to⁴xcon⁴
 v²i²ma³cao⁴, cjoa⁴aon³ta³con²,
 cjoa⁴chi⁴con¹. ²³Nca³yi³je³ coi³
 cjoa⁴ts²en⁴-vi⁴, ni⁴ma⁴-le⁴ nčhoa¹jin³-
 ni³ cho⁴ta⁴. Je²-vi⁴ xi³ si¹cji³tson¹
 cho⁴ta⁴.

Coan³cjain¹-le⁴ chjon⁴² xi³ Sirofenicia ?mi² na³nqui³-le⁴

(Mt. 15:21-28)

²⁴Jesú^s tsa³qui³so¹tjen⁴. Qui³
 na³nqui³-le⁴ na⁴xi⁴na³nta¹ Tiro, cao⁴
 na⁴xi⁴na³nta¹ Sidón. Ja³a³s²en³ jnco³
 ni³ya³. Cai³-le⁴ nca³ ?ya³ xi³ scoe⁴,
 to⁴nca³ li²coi³ coan³ tsa³c²e²jna³ma³.
²⁵Jnco³ chjon⁴² xi³ tjin¹-le⁴ jnco³

tso²ti³ nti¹ xi³ tjin¹-le⁴ ntjao⁴ xi³
 nta³jin³. Nti⁴ton⁴ nca³ qui³nch²oe¹
 xi³ t'a³ts²e⁴ Jesús, ja³ai³nch²oe²,
 tsa³ca³sen²xco¹nch²in³t'a³-le⁴ ntso⁴co⁴
 Jesús. ²⁶Je² chjon⁴²-ve⁴ ts³e⁴ cho⁴ta⁴
 griega to⁴nca³ Sirofenicia na³nqui³-
 le⁴. Je² chjon⁴²-ve⁴ tsa³c²e¹ts²oa³-le⁴
 Jesús nca³ c²oa⁴sje³xin²-le⁴ tso²ti³-
 le⁴ je² nai⁴² xi³ nta³jin³. ²⁷To⁴nca³
 Jesús c²oa⁴qui³tso²-le⁴. Ti¹tjon²
 ca²ta³cjen² xi³ nti¹xti³, nca³ li²coi³
 nta³ nca³ chjoe¹ nio⁴xti²la⁴-le⁴
 nti¹xti³ nca³ nia¹ nti¹ ni²c²a³tsao³-
 le⁴. ²⁸Chjon⁴²-ve⁴ qui³tso²-le⁴ Jesús:
 Jaon³, Señor, to⁴nca³ nia¹ nti¹
 xi³ va³tio²nqui³ ya¹mi²xa⁴ cji³ne³
 xcoa⁴-le⁴ nio⁴xti²la⁴-le⁴ nti¹xti³.
²⁹C²ia⁴ Jesús qui³tso²-le⁴: Coi³ nca³
 c²oa⁴ca²si³, t²in³-la²na¹ntai³. Je²
 nai⁴² xi³ nta³jin³ ca²vi³tjo³jin³-ni³
 ni⁴ma⁴-le⁴ tso²ti³-li⁴. ³⁰Chjon⁴² qui³
 ni³ya³-le⁴. Tsa³ve³ tso²ti³-le⁴ nca³
 qui³ni²ca³te³son² na⁴chan³, c²oa⁴
 nai⁴²-ve⁴ je³ji³tjo³jin³-ni³ ni⁴ma⁴-le⁴.

Coan³nta³ jnco³ xi³ jta³ya³, xi³ li²coi³ nta³ ma³-le⁴ nchja⁴

³¹Jesús ji³tjo³ nqui²jnco³c²a²-
 ni³na⁴xi⁴na³nta¹ Tiro. Ja³a³to³
 na⁴xi⁴na³nta¹ Sidón. C²oa⁴
 ja³a³to³jin³ jña³ nca³ Decápolis
 mi². Ja³ai³ nta¹chi³con³ Galilea.
³²Cho⁴ta⁴ ja³ai³cao⁴-le⁴ jnco³
 xi³ jta³ya³, xi³ li²coi³ nta³ ma³-
 le⁴ nchja⁴. Tsa³c²e¹ts²oa³-le⁴ Jesús
 nca³ coa⁴²son²-le⁴ ntsja³. ³³Jesús
 qui³sco¹ tsa³cja³a¹xin²jin³-
 le⁴ cho⁴ta⁴ncjin² xi³ tgio¹.
 Qui³sca³ni¹s²en³ na⁴jma¹ntsja³
 ya⁴ xo⁴ño³ nca³ je², tsa³c²e¹cha¹,
 qui³si³cao⁴ ni⁴jen⁴. ³⁴Jesús
 qui³sco²tsen³nc²a², ja³a¹tse³jin³
 ni⁴ma⁴-le⁴, qui³tso²-le⁴: Efata xi³

tso²-ni³ ca²ta³tjo³ai². ³⁵Nti⁴ton⁴
 qui³tjo³ai² xo⁴ño³, coan³jnta¹ya³-
 ni³ ni⁴jen⁴. Nta³ qui³nchja⁴. ³⁶Jesús
 tsa³c²e¹ne²-le⁴ nca³ ni⁴jo³-jin²
 coi⁴tso⁴-le⁴ ni⁴ya³-jin². To⁴nca³
 c²ia⁴ nca³ c²o⁴s²in² tsa³c²e¹ne²-
 le⁴, to⁴nqui²sa⁴ qui³sca³ni¹son² en¹.
³⁷A³li² to⁴c²oa⁴cji³ coan³xcon¹-le⁴
 cho⁴ta⁴, qui³tso²: Nta³ qui³s²in³
 nca³yi³je³. Si¹nta³ya³-ni³ xi³ jta³ya³
 nca³ nch²oe¹, xi³ yo⁴ma⁴ nca³ nchja⁴.

No³ jmi³ ma³-ni³ xi³ Jesús qui³si³cjen²
 (Mt. 5:32-39)

8 Coi³ ni⁴čhjin³-ve⁴, cjai¹
 to⁴ncjin² cho⁴ta⁴ xi³ coan³xco¹.
 Tsi²jme³ xi³ tjin¹-le⁴ xi³ cji³ne³.
 Jesús qui³nchja⁴-le⁴ cho⁴ta⁴-
 le⁴, c²oa⁴qui³tso²-le⁴: ²Cjai¹nca³
 ma³ma⁴que⁴ cho⁴ta⁴ncjin²-vi⁴
 nca³ je³coan³ jan² ni⁴čhjin³ nca³
 tji¹ma³tjen⁴nqui³-na³, c²oa⁴
 tsin²-le⁴ xi³ cji³ne³-jin². ³Tsa²
 to⁴sca³ni³nchjan³-nia¹³ ni³ya³-le⁴,
 to⁴coan⁴²i³nta³-ni¹ ya⁴ya³ ntia⁴²,
 nca⁴ tjin¹ c²a³ xi³ cjin³ fa³ai³-ni³.
⁴Je² cho⁴ta⁴-le⁴ qui³tso²-le⁴: Jo¹-
 ni³ coan⁴squi³-jin²ni³ nio⁴xti²la⁴ je²
 cho⁴ta⁴-vi⁴ i⁴ jña³ nte³t²a³xin²t²a³.
⁵Jesús qui³sco²na³nqui³-le⁴: Jo¹
 tjin¹ nio⁴xti²la⁴ xi³ tjin¹-no³. Ña³to³
 ma³-ni³, qui³tso² cho⁴ta⁴-le⁴. ⁶C²ia⁴
 tsa³c²e¹ne²-le⁴ cho⁴ta⁴ncjin² nca³
 ca²ta³va³tio²ne² na³nqui³. Qui³sco¹
 nio⁴xti²la⁴ xi³ ña³to³-ve⁴, c²oa⁴
 qui³tsjoa³ cjoa⁴nta³, qui³si³xcoa⁴,
 qui³tsjoa³-le⁴ cho⁴ta⁴-le⁴ jme¹-ni³
 nca³ si¹⁴²c²a³vi¹-si¹ni³le⁴ cho⁴ta⁴ xi³
 coan³xco¹. Cho⁴ta⁴-le⁴ qui³si³c²a³vi¹-
 le⁴ cho⁴ta⁴ncjin². ⁷C²oa⁴-ti⁴
 tji¹jnco³jao²-le⁴ jti⁴²nti¹. Jesús
 qui³si³chi³con³t²ain³. Tsa³c²e¹ne² nca³
 c²oa⁴-ti⁴ ca²ta³si¹c²a³vi¹-le⁴ cho⁴ta⁴ xi³

coan³xco¹. ⁸Cho⁴ta⁴ tsa³cjen², ña³qui³ coan³squi³. Tsa³c¹e¹xco¹ ch⁷oa¹-le⁴ xi³ qui³njen²nqui³, ña³to³ ni⁴sin⁴ ma³-ni³. ⁹Nó³-la⁴ jmi³ ma³-ni³ cho⁴ta⁴ xi³ tsa³cjen². Jesús tsa³c¹e¹ne²-le⁴ cho⁴ta⁴ nca³ ca²ta³fi². ¹⁰Ja³a³s¹en³ nti⁴ton⁴ chi³tso³ cao⁴ cho⁴ta⁴-le⁴. Ja³ai³ ya⁴ ?nte³ Dalmanuta.

Cho⁴ta⁴ qui³si³je¹-le⁴ jnco³ choa⁴

(Mt. 16:1-4; Lc. 12:54-56)

¹¹Ja³ai³con³-le⁴ cho⁴ta⁴ fariseos, tsa³c¹e¹ts²ia⁴cao⁴ nca³ qui³scan³cao⁴ Jesús. Qui³sco²t²a³ nca³ je² nca³ qui³si³je¹-le⁴ jnco³ choa⁴ xi³ ts²e⁴ nc²a³jmi³. ¹²Jesús to⁴ja³a¹tse³jin³ ni⁴ma⁴-le⁴, qui³tso²: A¹-ni³ nca³ choa⁴ si¹je¹-si¹ni³ je² na⁴xi⁴na³nta¹-vi⁴. Xi³ cjoa⁴qui²xi⁴ xi³ xin³-no³ nca³ li²coi³ c²oai⁴-le⁴ choa⁴ je² na⁴xi⁴na³nta¹-vi⁴. ¹³Jesús qui³si³ca³tio¹ cho⁴ta⁴-ve⁴, ja³a³s¹en³ nqui²jnco³c²a²-ni³ chi³tso³, qui³ xi³ncoa³t²a³ nta¹chi³con³.

Na⁴yo⁴san³-le⁴ cho⁴ta⁴ fariseos

(Mt. 16:5-12)

¹⁴Cho⁴ta⁴-le⁴ qui³cha³jin³-le⁴ nio⁴xti²la⁴, li²coi³ tsa³c²a³. To⁴jnco³ ma³-ni³ nio⁴xti²la⁴ xi³ y²a³ nca³ qui³ ya⁴ chi³tso³. ¹⁵Jesús tsa³c¹e¹ne²-le⁴ cho⁴ta⁴-le⁴, qui³tso²-le⁴: Cho¹tsen³lao⁴, ti⁴coi²ntao⁴ yao³-no³ xi³ t²a³ts²e⁴ na⁴yo⁴san³-le⁴ cho⁴ta⁴ fariseos, cao⁴ na⁴yo⁴san³-le⁴ Herodes. ¹⁶Cho⁴ta⁴-le⁴ tsa³cjao¹ya³-ni³, c²o⁴qui³tso²-le⁴ xi¹ncjin¹: Coi³ nca³ tsin²-na¹ nio⁴xti²la⁴, coi³ nca³ c²o⁴qui³tso²-na¹. ¹⁷C²ia⁴ nca³ Jesús coan³jin³-le⁴, qui³tso²-le⁴: A¹-ni³ nca³ c²o⁴s²in² ti³cho³va³ya³-si¹nio³ nca³ tsin²-no³ nio⁴xti²la⁴. A³ cje³ ?ya³-jion²³. A³ cje³ ma³cho⁴ya³-jin²no³. A³ to⁴jo³ xi¹jin³ ni⁴ma⁴-no³. ¹⁸Tjin¹

xcon³. A¹-ni³ nca³ tsi² ma³tsen³-si¹ni³no³. Tjin¹ xo⁴ño³. A¹-ni³nca³ tsi² no²²ya²-si¹nio³. A³ tsi² tjin¹jin³-no³. ¹⁹C²ia⁴ nca³ aon² jmi³ ma³-ni³ cho⁴ta⁴ xi³ an³ qui³si³xcoa⁴-le⁴ je² nio⁴xti²la⁴ xi³ aon² ma³-ni³, jo¹ tjin¹ ni⁴sin⁴ ma³-ni³ je² nio⁴xti²la⁴ch⁷oa¹ xi³ tsa³c²e²xco¹³. Cho⁴ta⁴-le⁴ qui³tso²-le⁴: Te³jao² ni⁴sin⁴ coan³. ²⁰C²ia⁴ Jesús qui³tso²: C²ia⁴ nca³ ña³to³ ma³-ni³ nio⁴xti²la⁴, c²o⁴ ño³ jmi³ cho⁴ta⁴, jo¹ tjin¹ ni⁴sin⁴ya¹ ma³-ni³ je² nio⁴xti²la⁴ch⁷oa¹ xi³ tsa³c²e²xco¹³. Cho⁴ta⁴-le⁴ qui³tso²-le⁴: Ña³to³ ni⁴sin⁴ya¹ coan³. ²¹Jesús qui³tso²-le⁴: A³ cje³ma³cho⁴ya³-jin²no³.

Coan³nta³ cho⁴ta⁴ xi³ xca⁴

cji³ ya⁴ Betsaida

²²Jesús ji³cho² na⁴xi⁴na³nta¹ Betsaida. Cho⁴ta⁴ ja³ai³cao⁴-le⁴ jnco³ cho⁴ta⁴ xi³ xca⁴ cji³. Tsa³c¹e¹ts²oa³-le⁴ Jesús nca³ ca²ta³si¹cao⁴ nca³ je² cho⁴ta⁴-ve⁴. ²³C²ia⁴ Jesús qui³sco¹ntsja³ je² cho⁴ta⁴ xi³ xca⁴ cji³-ve⁴. Tsa³c²a³sje³jin³ ja¹jin³ na⁴xi⁴na³nta¹. Tsa³c²e¹ch¹nqui³ xcon⁴, tsa³ca¹son²-le⁴ ntsja³, qui³sco²na³nqui³-le⁴ tsa² tjin¹ xi³ ma³tsen³-le⁴. ²⁴Cho⁴ta⁴-ve⁴ qui³sco²tsen³nc²a², qui³tso²: Je³²ve³ cho⁴ta⁴, to⁴nta³ to⁴c²o⁴cjoan³ya¹ cjoan³ xi³ si¹ma³, ma³-na³. ²⁵Nqui²ntia³ Jesús tsa³ca¹son² ntsja³ xcon⁴, n²ion¹ qui³si³c²a³ xcon⁴. Coan³nta³ cho⁴ta⁴-ve⁴. Nta³ tsa³ve³yi³je³. ²⁶Jesús qui³sca³ni¹ ni³ya³-le⁴ cho⁴ta⁴-ve⁴, qui³tso²-le⁴: A³li² vi³tja³s¹en³jin³-jin² na⁴xi⁴na³nta¹-li⁴. A³li² ?ya³ xi³ jo³ ?mi²-li⁴ na⁴xi⁴na³nta¹-li⁴.

Pedro si¹qui²xi⁴ya³nta³ Jesús

(Mt. 16:13-20; Lc. 9:18-21)

²⁷Ji³tjo³ Jesús cao⁴ cho⁴ta⁴-le⁴, qui³ ya⁴ na⁴xi⁴na³nta¹nti¹ xi³ nchja⁴-

ni³ na⁴xi⁴na³nta¹ Cesarea de Filipo.
Ya⁴ya³ ntia⁴² Jesús qui³sco²na³nqui³-
le⁴ cho⁴ta⁴-le⁴, qui³tso²-le⁴: Jo¹
tso²-na³ cho⁴ta⁴, ⁷ya¹-nia³ an³-vi⁴.

28 Cho⁴ta⁴-le⁴ qui³nchja⁴: Juan
Bautista. Tjin¹ c²a³ xi³ Elías tso²,
c²oa⁴ tjin¹ c²a³ xi³ tso² nca³ jnco³ xi³
nchja⁴ya³ t²a³ts²e⁴ Ni³na¹. **29** C²ia⁴
Jesús qui³tso²-le⁴: C²oa⁴ jon², jo¹
vi³xon¹³, ⁷ya¹nia³ an³-vi⁴. Pedro
qui³nchja⁴ qui³tso²-le⁴: Jl³ ni¹³ xi³
Cristo ⁷mi²-li². **30** Jesús tsa³c²e¹ne²-le⁴
nca³ ni⁴⁷ya³-jin² xi³ jo³ coi⁴tso⁴-le⁴ xi³
t²a³ts²e⁴.

**Jesús tsa³ca³co¹ya³ xi³ t²a³ts²e⁴
cjoa⁴vi³ya³-le⁴**

(Mt. 16:21-28; Lc. 9:22-27)

31 Tsa³c²e¹ts²ia⁴cao⁴ nca³
tsa³ca³co¹ya³-le⁴ nca³ je² ⁷nti¹-le⁴
cho⁴ta⁴-ve⁴ tjin¹ne²-le⁴ nca³ cjoa⁴²a³
cjoa⁴n⁷ain³. Cho⁴ta⁴chji¹nca³ cao⁴
cho⁴ta⁴ti¹tjon²-le⁴ na⁴⁷mi³, cao⁴
cho⁴ta⁴ scribano taon³ scoe⁴ nca³
je², si⁴c²en³-ni³ nca³ je², to⁴nca³ xi³
coan³jan²-ni³ ni⁴čhjin³ cjoa⁴²a¹ya³-
ni³le⁴. **32** Jesús qui³nchja⁴tsen³
je² en¹-vi⁴. C²ia⁴ Pedro qui³cao⁴
t²a³xin² Jesús, tsa³c²e¹ts²ia⁴cao⁴
nca³ qui³nchja⁴ti³cao⁴ nca³ je².
33 To⁴nca³ Jesús qui³si³c²o¹fa³ya³,
qui³sco²tsen³-le⁴ cho⁴ta⁴-le⁴,
qui³nchja⁴ti³cao⁴ Pedro, qui³tso²:
Ti⁴tja¹tjon³-nai¹³ Satanás nca³
tsi² ⁷mi³t²a³-lai⁴ cjoa⁴-le⁴ Ni³na¹,
to⁴nca³ ⁷mi³t²a³-lai⁴ cjoa⁴-le⁴ cho⁴ta⁴.
34 C²oa⁴ qui³nchja⁴-le⁴ cho⁴ta⁴-le⁴
cao⁴ cho⁴ta⁴ncjin², qui³tso²-le⁴.
To⁴ya³-ni³ve⁴ xi³ me³-le⁴ nca³
cho⁴ta⁴-na⁴ coan⁴, ca²ta³tsjion¹con³
yao³-le⁴, ca²ta³v²a³mi³ cro²-le⁴,
nta³ ca²ta³fi²t²a³-na³. **35** To⁴ya³-
ni³ve⁴ xi³ me³-le⁴ c²oa⁴sje³ntjai²

ni⁴ma⁴-le⁴, to⁴si⁴²cha³ ni⁴ma⁴-le⁴.
To⁴ya³-ni³ve⁴ xi³ si⁴²cha³ ni⁴ma⁴-
le⁴ xi³ to⁴ta³ts²an⁴, xi³ to⁴ta³ts²e⁴
je² en¹nta³, c²oa⁴sje³ntjai² ni⁴ma⁴-
le⁴. **36** Jme¹ xi³ coi⁴njen⁴-le⁴
cho⁴ta⁴ tsa² si⁴²cha³ ni⁴ma⁴-le⁴,
nta³ tsa² coi⁴njen⁴-le⁴ nca³y¹je³
son³nte³. **37** A³xo⁴ jme¹ chji¹-
le⁴ xi³ tsjoi¹-nca¹ni³ cho⁴ta⁴ xi³
ti⁴ta³ts²e⁴-ni³ ni⁴ma⁴-le⁴. **38** Je² xi³
ma³soa³con³que³-na³ cao⁴ je² en¹-
na⁴ nqui³xcon⁴ cho⁴ta⁴ xi³ tjin¹
nt²ai¹-vi⁴, xi³ cho⁴ta⁴cha³jnqui³, xi³
cho⁴ta⁴-je¹, je² ⁷nti¹-le⁴ cho⁴ta⁴ c²oa⁴-
ti⁴ coan⁴soa³con³que³ nca³ je² c²ia⁴
nca³ cjoa⁴²ai¹-ni³ cao⁴ cjoa⁴je³ya³-le⁴
n⁷ai³-le⁴ cao⁴ a²ncje⁴ xi³ tsje³.

9 Jesús c²oa⁴-ti⁴ qui³tso²-le⁴:

Xi³ cjoa⁴qui²xi⁴ xi³ xin³-no³
nca³ tjin¹ c²a³ xi³ i⁴ tgio¹-vi⁴ xi³ tsi²
sco¹t²a³ cjoa⁴vi³ya³ sa³nta³ nca³
scoe⁴ cjoa⁴te¹xo³ma³-le⁴ Ni³na¹ xi³
cjoa⁴²ai¹ cao⁴ nca³n⁷ion¹.

Jesús ts²a³ntjai²ya³-le⁴

(Mt. 17:1-13; Lc 9:28-36)

2 Xi³ coan³ jaon³ ni⁴čhjin³ Jesús
qui³cao⁴ Pedro cao⁴ Jacobo cao⁴
Juan. Qui³mi³jon³ t²a³xin² jnco³
ni³nto³ xi³ nc⁷a³. Ya⁴ tgio¹ to⁴je².
Jesús ts²a³ntjai²ya³-le⁴ nqui³xcon⁴
nca³ je². **3** Coan³fa³te³ na³jñō³-
le⁴. Cjai¹nca³ n⁷ion¹ coan³čhoa³.
C²oa⁴²cjoan³ nch⁷an¹ coan³ na³jñō³-
le⁴. Ni⁴jnco³-jin² xi³ c²oa⁴-s²in² va³ne¹
i⁴ son³nte³-vi⁴ nca³ c²oa⁴-s²in² n⁷ion¹
čhoa³ si¹čhoa³ na³jñō³. **4** C²oa⁴-ti⁴
coan³tsen³-le⁴ Elías cao⁴ Moisés
xi³ tjo¹fa¹cao⁴ Jesús. Pedro cao⁴
Jacob cao⁴ Juan tsa³ve³. **5** C²ia⁴
qui³nchja⁴ Pedro, c²oa⁴ qui³tso²-
le⁴ Jesús: Maestro, nta³-ni¹ nca³ i⁴
ti³yo³⁴-jin⁴vi⁴, tsa² jan² xco¹jnta²

si⁴ntai³⁴-jin⁴, jnco³ xi³ t²a³tsi⁴, jnco³ xi³ t²a³ts²e⁴ Moisés, nqui²jnco³ xi³ t²a³ts²e⁴ Elías. ⁶Li²coi³ coan³cho⁴ya³-le⁴ jña³-le⁴ xi³ qui³tso²-le⁴, to⁴qui³tso³cjón¹ nca³ jan². ⁷Ja^{3?}ai³ jnco³ yo³jvi³ xi³ qui³si³nc²ian¹-le⁴. Jnco³ jta⁴ qui³no^{2?}ya²-le⁴ ya⁴ jin³ yo³jvi³ xi³ qui³tso²: Je²-vi⁴?nti¹-na⁴ xi³ tsjоa³que⁴, ti⁴no^{1?}ya³-lao⁴³ nca³ je². ⁸Nti⁴ton⁴ cho⁴ta⁴-le⁴ qui³sco²tsen³ntai³. Ni^{4?}ya³-jin² xi³ ti⁴tsa³ve³-ni³ xi³ ti¹jna³cao⁴ Jesús. To⁴jnco³ je² Jesús xi³ ti¹jna³.

⁹Ti^{4?}a³-ni³ nca³ tjio¹nčhoa¹jen³t²a³ ni³nto³-ve⁴, Jesús tsa³c²e¹ne²-le⁴ nca³ ni^{4?}ya³-jin² xi³ jo³ coi⁴ts²-le⁴ jme³ xi³ tsa³ve³. To⁴c²ia⁴² coan⁴ c²oe⁴² na⁴jmi¹ c²ia⁴ nca³ je²?nti¹-le⁴ cho⁴ta⁴ cjoe⁴ cjoa^{4?}a¹ya³jin³-ni³le⁴ c²en³.

¹⁰Je² cho⁴ta⁴-le⁴ tsa³c²e¹jin³con³ je² en¹-ve⁴, tsa³cjao¹ya³-ni³ jme¹-ni³ xo⁴ tso²-le⁴ve⁴: Cjoa^{4?}a¹ya³jin³-ni³le⁴ c²en³. ¹¹Cho⁴ta⁴-le⁴ qui³sco²na³nqui³-le⁴ Jesús: Jme¹-ni³ xi³ tso² cho⁴ta⁴ scribano, nca³ ma³chjen¹ nca³ Elías ti¹tjon²-cjoa²la² cjoa^{4?}ai¹.

¹²Jesús qui³tso²-le⁴: Cjoa⁴qui²xi⁴ ti¹tjon² cjoa^{4?}ai¹ Elías. C²oe⁴²nta³ nqui²jnco³c²a² nca³yi³je³ cjoa⁴ jo³ cjoan³ nca³s²a⁴. Jo¹-s²in² tji¹t²a³ xi³ t²a³ts²e⁴ je²?nti¹-le⁴ cho⁴ta⁴, nca³ tse³ cjoa^{4?}ain³ cjoa^{4?}a², nca³ cho⁴ta⁴ taon³ scoe⁴ nca³ je². ¹³To⁴nca³ c²oa⁴xin³-no³ nca³ an³ nca³ je³ja^{3?}ai³ Elías, c²oa⁴qui³si³cao⁴ jo³-s²in² coan³me³con³, jo³-s²in² tji¹t²a³ xi³ t²a³ts²e⁴.

Coan³nta³ ti³ xi³ tjin¹-le⁴ ntjao⁴ xi³ nta³jin³

(Mt. 17:14-21; Lc. 8:37-43)

¹⁴C²ia⁴ nca³ Jesús ji³cho²con³-le⁴ cho⁴ta⁴-le⁴, tsa³ve³ nca³ li²

to⁴ncjin² cho⁴ta⁴ xi³ qui³tse³ntai³-le⁴. Cho⁴ta⁴ scribano tgio¹fao¹ya³-ni³ cao⁴ je². ¹⁵To⁴coan³xcon¹ nti⁴ton⁴-le⁴ nca³ts²i³ cho⁴ta⁴, c²ia⁴ nca³ tsa³ve³ Jesús. Qui³to²ca³nčh²oe², qui³si³ti^{2?}nta³. ¹⁶Jesús qui³sco²na³nqui³-le⁴: Jme¹-ni³ xi³ ti³cho⁴va²ya³-nio³. ¹⁷Qui³nchja⁴ jnco³ xi³ ti¹jna³jin³-le⁴, qui³tso²: Maestro, ja^{2?}ai⁴cao⁴-le²³?nti¹-na⁴ xi³ tsi² ma³-le⁴ nchja⁴, xi³ tjin¹-le⁴ ntjao⁴ xi³ nta³jin³. ¹⁸To⁴jña³-ni³ve⁴ nca³ fi²cao⁴ nca³ je², si¹c²a³tjen⁴t²a³ na³nqui³ yao³-le⁴. Nta¹xo¹ vi¹tjо³ ts²oa³, ma³nca³ya³ ni^{4?}ño⁴, ti¹xi²ya³. C²oa⁴ca²xin³-le⁴ cho⁴ta⁴-li⁴ nca³ ca²ta³m²aon³sje³, to⁴nca³ li²coi³ ca²ma³-le⁴. ¹⁹Jesús qui³nchja⁴, qui³tso²-le⁴: Jon² xi³ cho⁴ta⁴ xi³ li²coi³ ma³cjain¹-no³. C²ia¹ sa^{3?}nta³ nca³ coa²te⁴jna³cao⁴-no³. C²ia¹ sa^{3?}nta³ nca³ si³cjain¹-no³. Nčhoa¹cao⁴-nao¹³ ti³ xi³ ti¹m²en³. ²⁰Ji³nčhoa³cao⁴-le⁴. C²ia⁴ nca³ qui³sco²tsen³-le⁴, nti⁴ton⁴ ntjao⁴ xi³ nta³jin³-ve⁴ qui³si³cja³ts² ti³-ve⁴. Qui³si³c²a³tjen⁴t²a³ na³nqui³, tsa³nco¹ya³ ?nte³. Nta¹xo¹ ji³tjо³ ts²oa³. ²¹Jesús qui³sco²na³nqui³-le⁴ n²ai³-le⁴ ti³-ve⁴: Jo¹ coan³ tjin¹ ni⁴čhjin³ nca³ c²oa⁴coan³-le⁴. N²ai³-le⁴ qui³tso²: Sa^{3?}nta³ nca³ ?nti¹ cji³. ²²Ncjин² c²a³ ntjao⁴ xi³ nta³jin³ ca³ni¹ti¹cja¹ ?nti¹-na⁴vi⁴, l²i¹ ca³ni¹jin³, na³nta¹ ca³ni¹jin³, jme¹-ni³ nca³ si⁴2c²en³-si¹ni³ nca³ je². To⁴nca³ tsa² coan⁴-li², jcha⁴ma⁴ta³con²-na³jin⁴, ti⁴sen⁴cao⁴-na³jin⁴. ²³Jesús c²oa⁴qui³tso²-le⁴: Tsa² coan⁴-li² nca³ coan⁴cjain¹-li², nca³yi³je³ cjoa⁴ coan⁴-li²-le⁴ je² xi³ ma³cjain¹-le⁴. ²⁴Nti⁴ton⁴ n¹ion¹ qui³nchja⁴ n²ai³-le⁴ ti³-ve⁴, qui³tso²:

Ma³cjain¹-na³, xi³ tsi² ti⁴ma³cjain¹-ni³na³, ti⁴sen⁴cao⁴-nai¹³. ²⁵C⁷ia⁴
nca³ tsa³ve³ Jesús nca³ coan³ncjin²
cho⁴ta⁴, qui³nchja⁴ti³cao⁴ ntjao⁴
xi³ nta³jin³, qui³tso²-le⁴: Ntjao⁴
xi³ tsi² ma³-li² en¹, xi³ tsi²
no²yai²³, an³ va³te³xo³ma³-
le²³, ti²tjo⁴jin³-lai⁴ nca³ je², a³li²
ti⁴vi³tja³s²en³-jin²ni³lai⁴ ni⁴ma⁴-
le⁴ti³-ve⁴. ²⁶C⁷ia⁴ qui³squi³ntia¹
ntjao⁴-ve⁴. Cjai¹nca³ qui³si³cja³tse¹
ti³-ve⁴. Ntjao⁴-ve⁴ ji³tjo³jin³-le⁴. Ti³-
ve⁴ qui³s²e³jna³ jo³-ni³ tsa² c²en³.
C⁷oa⁴-s²in² nca³ ncjin² cho⁴ta⁴ xi³
c²oa⁴qui³tso²: Je³qui³jna³c²en³.
²⁷To⁴nca³ Jesús qui³scoe¹-ni³
ntsja³ ti³-ve⁴, qui³si³qui³so¹tjen⁴,
c²oa⁴ ji³so¹tjen⁴ ti³-ve⁴. ²⁸C⁷ia⁴
nca³ je³ja³a³s²en³ ni³ya³ Jesús,
je² cho⁴ta⁴-le⁴ qui³sco²na³nqui³
t²a³xin²-le⁴. A¹-ni³ nca³ tsi²
coan³-si¹ni³na³jin⁴ nca³ jin⁴ nca³
qui³ch²a²sje³xin²-lai⁴jin⁴ ntjao⁴-ve⁴.
²⁹Jesús qui³tso²-le⁴: Ni⁴i⁴tse¹-jin²
ma³vi³tjo³ ntjao⁴ xo⁴ cjoan³-
vi⁴, to⁴cao⁴ cjoa⁴v²e²ts²oa³ cao⁴
cjoa⁴vi³jna³nchjan³.

Jesús tsa³ca³co¹ya³-nca¹ni³ xi³ t²a³ts²e⁴
cjoa⁴vi³ya³-le⁴

(Mt. 17:22-23; Lc. 9:43-45)

³⁰C⁷ia⁴ nca³ je³ji³tjo³-ni³ ya⁴-
ve⁴, ja³a³to³jin³ na³nqui³ Galilea.
Li²coi³ coan³me³-le⁴ nca³ scoe⁴
cho⁴ta⁴. ³¹Jesús tsa³ca³co¹ya³-
le⁴ cho⁴ta⁴-le⁴, c²oa⁴qui³tso²-le⁴:
Je² ?nti¹-le⁴ cho⁴ta⁴ c²oai⁴t²a³-le⁴
ntsja³ cho⁴ta⁴. Si⁴c²en³ nca³ je².
C⁷ia⁴ nca³ je³c²en³, cjoa⁴a²ya³-ni³le⁴
nca³ coan⁴ jan² ni⁴chjin³. ³²To⁴nca³
cho⁴ta⁴-le⁴ li²coi³ coan³cho⁴ya³-
le⁴ je² en¹-vi⁴. To⁴qui³tsa³cjon¹ nca³
scoi⁴na³nqui³-le⁴.

?ya¹ xi³ coa⁴sen⁴jna³ ti¹tjon²

(Mt. 18:1-5; Lc. 9:46-48)

³³Ji³cho² ya⁴ na⁴xi⁴na³nta¹
jña³ Capernaum ?mi². C⁷ia⁴ nca³
je³ti¹jna³ ja⁴ya³ ni³ya³, Jesús
qui³sco²na³nqui³-le⁴ cho⁴ta⁴-
le⁴: Jme¹ xi³ ti³cho⁴va²ya³-nio³
ya⁴ya³ ntia⁴². ³⁴To⁴nca³ cho⁴ta⁴-
le⁴ to⁴tsa³ca³tio²jyo¹. C⁷oa⁴-s²in²
tsa³cjao¹ya³-ni³ xi¹ncjin¹ ya⁴ya³
ntia⁴², ?ya¹ xi³ coa⁴sen⁴jna³ ti¹tjon².
³⁵C⁷ia⁴ Jesús tsa³c²e²jna³, qui³nchja⁴-
le⁴ xi³ te³jao²-ve⁴, qui³tso²-le⁴: Tsa²
?ya³ xi³ me³-le⁴ coa⁴sen⁴jna³ ti¹tjon²,
c²oe¹jna³tjen⁴nqui³-le⁴ nca³ts²i³, c²oa⁴
cho⁴nta³-le⁴ nca³ts²i³ coan⁴. ³⁶Jesús
qui³scoe¹ jnco³ ?nti¹, qui³si³ca¹jna³
?ncho²va³sen³-le⁴ nca³ je².
Tsa³c²a³nc²a³. Qui³tso²-le⁴ nca³ts²i³
cho⁴ta⁴. ³⁷Je² xi³ scoe¹tjao² jnco³
?nti¹ xi³ t²a³ts²an⁴, an³ xi³ scoe¹tjao²-
na³, c²oa⁴ je² xi³ scoe¹tjao²-na³ nca³
an³, a³li² an³-jian²³ xi³ scoe¹tjao²-
na³, to⁴nca³ scoe¹tjao² je² xi³
qui³si³ca³sen¹-na³.

Je² xi³ tsi² fi²co²ntran⁴-na¹,
ja⁴t²a³tsan⁴² ti¹jna³

(Lc. 9:49-50)

³⁸Juan qui³nchja⁴, qui³tso²-le⁴:
Maestro, jnco³ cho⁴ta⁴ tsa³yai³⁴.jin⁴
xi³ cao⁴ jan³ain¹-li⁴ v²a³sje³xin²-ni³
nai⁴² xi³ nta³jin³ xi³ tgio¹jin³ ni⁴ma⁴-
le⁴ cho⁴ta⁴, to⁴nca³ li²coi³ fi²t²a³-na¹.
Tsa³ca³te³chjoa²-lai⁴jin⁴, nca³ li²coi³
ña¹ fi²t²a³-na¹. ³⁹Jesús qui³tso²:
A³li² vi³yo³chjoa²-jion²³. Ni⁴ya³-
jin² xi³ tjin¹ xi³ s²in¹ cjoa⁴xcon¹
cao⁴ jan³ain¹-na⁴, xi³ c²ia⁴² nti⁴ton⁴
coan⁴-le⁴ aon³ coi⁴nchja⁴-na³. ⁴⁰Je²
xi³ tsi² fi²co²ntran⁴-na¹, ja⁴t²a³tsan⁴²
ti¹jna³. ⁴¹Xi³ cjoa⁴qui²xi⁴ xi³ xin³-no³

nca³ ni^{4?}tse¹-jin² si⁴²cha³ chji¹-le⁴
 to^{4?}ya³-ni³ve⁴ xi³ tsjоa¹ ?i⁴tse¹-no³
 na³nta¹ xi³ t²a³ts²an⁴, nca³ cho⁴ta⁴-le⁴
 Cristo nio¹³.

Tsa² tjin¹ xi³ si¹cji³tsон¹-li²

(Mt. 18:6-9; Lc. 17:1-2)

42 To^{4?}ya³-ni³ve⁴ xi³ si⁴²ca³jnqui³
 je¹ jnco³ ?nti¹ xi³ ma³cjain¹-le⁴
 t²a³ts²an⁴, cja¹-la² nca³ nta³-le⁴
 tsa² jnco³ la⁴jao⁴ xi³ ts²e⁴ molino
 s²e⁴t²a³n²ion¹nqui³ ya¹sin³, c²oa⁴
 si⁴c²a³tjen¹jin³ nta¹chi³con³ cho⁴ta⁴
 xo⁴ cji³-ve⁴. 43 Tsa² ntsai⁴ si¹cji³tsон¹-
 li², to⁴sa³ ti⁴cha³t²ai³. Nqui²sa⁴
 nta³ tsa² coi⁴jna³choin³ nca³ co³to³
 ntsja³ ti³soi³, cao⁴-ni³ tsa² to⁴jo³ jao²
 ma³ ntsai⁴, c²oa⁴ nca³ cha⁴ni²jin³-
 li² ya⁴ infierno, ya⁴jin³ l²i¹ xi³ tsi²
 coan⁴ coi⁴ts²ao³, 44 jnja³ nca³ ts² coi³
 m²en³ cho⁴nto³-le⁴, c²oa⁴ ni⁴c²ia⁴-
 jin² fi³ts²ao³ l²i¹. 45 Tsa² ntso⁴coi³
 si¹cji³tsон¹-li², to⁴sa³ ti⁴cha³t²ai³.
 Nqui²sa⁴ nta³ tsa² coi⁴jna³choin³
 chi^{4?}nque¹, cao⁴-ni³ tsa² to⁴jo³ jao²
 ma³ ntso⁴coi³, c²oa⁴ nca³ cha⁴ni²jin³-
 li² ya⁴ infierno, jnja³ nca³ tjin¹ l²i¹
 xi³ tsi² coan⁴ coi⁴ts²ao³, 46 jnja³ nca³
 ts² coi³ m²en³ cho⁴nto³-le⁴, c²oa⁴
 ni⁴c²ia⁴-jin² fi³ts²ao³ l²i¹. 47 Tsa²
 xcoin³ si¹cji³tsон¹-li², ch²a⁴sja³.
 Nqui²sa⁴ nta³ tsa² coi⁴tja¹s²ain³jin³
 cjoa⁴te¹xо³ma³-le⁴ Ni³na¹ cao⁴
 to⁴jnco³ xcoin³, cao⁴-ni³ tsa² nca³ jao²
 ma³ xcoin³, c²oa⁴ nca³ cha⁴ni²jin³-
 li² ya⁴ infierno, 48 jnja³ nca³ tsi² coi³
 m²en³ cho⁴nto³-le⁴, c²oa⁴ ni⁴c²ia⁴-jin²
 fi³ts²ao³ l²i¹. 49 Nca³ts²i³ coan⁴tsje³-
 ni³ cao⁴ l²i¹, nca³y¹je³ cjoa⁴tja²
 si⁴²jncha³-ni³ na⁴xa⁴. 50 Nta³-ni¹ je²
 na⁴xa⁴-ve⁴, to⁴nca³ tsa² je² na⁴xa⁴-ve⁴
 cha⁴ta³, jo¹-s²in² coan⁴ nqui²ntia³
 c²oa⁴-le⁴ jta⁴. Ca²ta³s²e³jna³jin³

ni⁴ma⁴-no³ na⁴xa⁴-ve⁴. Nch⁷an¹
 ti⁴yo³cao⁴³ xi²nquio⁴³.

Jesús tsa³ca³co¹ya³ xi³ t²a³ts²e⁴ nca³
 tsjion¹ xi¹ncjin¹ cho⁴ta⁴

(Mt. 19:1-12; Lc. 16:18)

10 Jesú^s ji³tjo³-ni³ ya⁴-ve⁴,
 ja³ai³ ya⁴ jnja³ na³nqui³ xi³
 Judea ⁷mi², c²oa⁴ ja³a³to³t²a³ nta¹je⁴
 Jordán. Coan³xco¹t²a³ nqui²ntia³
 le⁴ cho⁴ta⁴ncjin². Nqui²ntia³ Jesú^s
 tsa³ca³co¹ya³-le⁴ jo³-s²in² nca³
 coan³nca³-le⁴. ²Cho⁴ta⁴ fariseos
 ji³cho²con³-le⁴, qui³sco²na³nqui³-
 le⁴, nca³ ch²ao³-s²in² si⁴²cao⁴ nca³
 je²: A³ tjo³nte³-le⁴ xi³ x²in⁴ nca³
 tsjion¹ chjon⁴²-le⁴. ³To⁴nca³ Jesú^s
 qui³tso²-le⁴: Jo¹-s²in² tsa³c²e¹ne²-
 no³ Moisés. ⁴Cho⁴ta⁴ fariseos
 qui³tso²: Moisés qui³tsjоa³nte²
 nca³ s²e³nta³ xon⁴ nca³ coan⁴ tsjion¹
 xi¹ncjin¹. ⁵Jesú^s qui³tso²-le⁴: Coi³
 nca³ xi¹jin³ ni⁴ma⁴-no³ qui³squi³-
 no³ je² cjoa⁴te¹xо³ma³-vi⁴. ⁶Sa³nta³
 qui³s²e³nta³ son³nte³-vi⁴, Ni³na¹
 tsa³c²e¹nta³ xi³ x²in⁴ cao⁴ xi³ chjon⁴².
⁷Coi³-vi⁴ je² x²in⁴ si⁴²ca³tio¹ n²ai³-le⁴
 na⁴-le⁴, c²oa⁴ chjon⁴²-le⁴ c²oe¹jna³cao⁴.
⁸Je² xi³ jao² coan³-ni³ nca³ chjon⁴²
 nca³ x²in⁴, to⁴ma³jnco³-ni³ yao³-le⁴.
 C²oa⁴-s²in² nca³ li² ti⁴ja² ma³-ni³
 nca³ je², to⁴nca³ to⁴jnco³ yao³ coan³-
 ni³. ⁹Je² xi³ Ni³na¹ tsa³c²e¹cjaо²,
 a³li² v²a³sje³xin²-jin² cho⁴ta⁴. ¹⁰C²ia⁴
 nca³ ji³cho² ni³ya³-le⁴ cho⁴ta⁴-
 le⁴ qui³sco²na³nqui³ nqui²ntia³-le⁴
 Jesú^s xi³ t²a³ts²e⁴ ti⁴coi³-ni³ cjaо².
¹¹Jesú^s tso²-le⁴: To⁴²ya³-ni³ve⁴ xi³
 tsjion¹ chjon⁴²-le⁴, xi³ cja⁴ai¹ chjon⁴²
 vi³xan³cao⁴, si¹cha³jnqui³t²a³-le⁴
 chjon⁴²-le⁴. ¹²Tsa² chjon⁴² xi³ tsjion¹
 x²in⁴-le⁴, xi³ cja⁴ai¹ x²in⁴ vi³xan³cao⁴,
 c²oa⁴-ti⁴ si¹cha³jnqui³t²a³-le⁴ x²in⁴-le⁴.

Jesús qui³si³chi³con³t²ain³ nti¹xti³

(Mt. 19:13-15; Lc. 18:15-17)

13 Cho⁴ta⁴ ja^{3?}ai³ cha³ni²t²a³-le⁴
?nti¹xti³ Jesús, jme¹-ni³ nca³ si⁴²cao⁴
si¹ni³. Cho⁴ta⁴-le⁴ qui³nchja⁴ti³cao⁴
je² xi³ ja^{3?}ai³cao⁴. 14 C⁷ia⁴ nca³ Jesús
tsa³ve³, coan³jti³-le⁴, qui³tso²-le⁴.
T⁷ai²²nte³-lao⁴³ ca²tji³nchoa¹con³-na³
?nti¹xti³-ve⁴, a³li² v²e²chjoa²-
jin²lao⁴³, nca⁴ c⁷oa⁴-s²in² cjoan³
je² xi³ ts²e⁴ cjoa⁴te¹xo³ma³-le⁴
Ni³na¹. 15 Xi³ cjoa⁴qui²xi⁴ xi³ xin³-
no³, to⁴²ya³-ni³ve⁴ xi³ tsi² scoe¹
je² cjoa⁴te¹xo³ma³-le⁴ Ni³na¹
jo³-ni³ tsa² ?nti¹xti³ scoe¹ xi³ v²ai²-
le⁴, li²coi³ coan⁴ cjoa⁴ta³s²en³.
16 Jesús tsa³c⁷a³nc⁷a³ ?nti¹xti³-
ve⁴, tsa³ca¹yo³son²-le⁴ ntsja³,
qui³si³chi³con³t²ain³.

Jnco³ cho⁴ta⁴nchi⁴na¹

(Mt. 19:16-30; Lc 18:18-30)

17 C⁷ia⁴ nca³ Jesús ji³tjo³-
ni³ nca³ coai⁴ ya⁴³ ntia⁴²,
ji³nchoa³ to³ca³nch⁷oe² jnco³ xi³
tsa³ca³sen²xco¹nch⁷in³ nqui³xcon⁴
nca³ je², qui³sco²na³nqui³-le⁴:
Maestro ntai³, jme¹ cjoa⁴nta³ xi³
s²ian³ jme¹-ni³ nca³ s²e⁴-si¹ni³na³
cjoa⁴vi³jna³chon³ nca³ntsja².
18 Jesús qui³tso²-le⁴: A¹-ni³ nca³
cho⁴ta⁴ntai³ mi²-si¹ni³nai¹³, ni⁴²ya³-
jin² xi³ nta³, to⁴jnco³ je² Ni³na¹.
19 Je² cjoa⁴te¹xo³ma³ ji³ yai³: A³li²
ni²c⁷en³-jin²³, a³li² ni²che¹-jin²³, a³li²
va³sen²nti³so³-jin²lai⁴ xi³c⁷a³, a³li²
ch²a²na⁴cha⁴-jin²³, jcha⁴xcoin¹³ n²ai³-
li⁴ na⁴-li⁴. 20 Cho⁴ta⁴-ve⁴ qui³tso²-le⁴:
Maestro, je² nca³yi³je³ xi³ mi²-nai¹³,
ña³qui³ c⁷oa⁴-s²in² qui³si³tjo³soan²³
jo³ sa^{3?}nta³ nca³ xtia³. 21 C⁷ia⁴ Jesús
qui³sco²tsen³-le⁴ coan³tsjоa³que³,

qui³tso²-le⁴: Nqui²jnco³-sa³ cjoa⁴ xi³ cha³-li². T⁷in³, ta⁴te²nai³ nca³yi³je³ xi³ tjin¹-li², t²ai²-lai⁴ je² xi³ yo⁴ma⁴, s²e⁴-li² cjoa⁴nchi⁴na¹ ya⁴ nc²a³jmi³. Nčhoai¹³, nčhoai¹t²a³-nai¹³, ch²a¹mi³ cro²-li⁴. 22 Coan³fao¹-le⁴ cho⁴ta⁴-ve⁴ c⁷ia⁴ nca³ qui³nch⁷oe¹ je² en¹-vi⁴. Cjai¹nca³ fao¹-le⁴ nca³ qui³, nca³ ncjin² tso³jmi² xi³ tjin¹-le⁴. 23 C⁷ia⁴ Jesús qui³sco²tsen³ntai³, qui³tso²-le⁴ cho⁴ta⁴-le⁴: A³li² to⁴c⁷oa⁴²cj³ n⁷ain³ coan⁴-le⁴ cjoa⁴a³s²en³jin³ cjoa⁴te¹xo³ma³-le⁴ Ni³na¹ je² xi³ cjoa⁴nchi⁴na¹ tjin¹-le⁴. 24 Cho⁴ta⁴-le⁴ to⁴coan³xcon¹-le⁴ cao⁴ je² en¹-le⁴. To⁴nca³ Jesús qui³tso² nqui²ntia³-le⁴: Jon² xi³ ?nti¹xtio³, cjai¹nca³ to⁴if²ain³ fa^{3?}a³s²en³ cjoa⁴te¹xo³ma³-le⁴ Ni³na¹ je² xi³ taon⁴-le⁴ n⁷ion¹t²a³con³ yao³-le⁴. 25 Li²coi³ to⁴jo³ n⁷ain³ nca³ cjoa⁴a³s²en³ jnco³ camello jn³ ti⁴x²a⁴ xcon⁴ ni³nto³ cao⁴-ni³ ts² nca³ cjoa⁴a³s²en³jin³ cjoa⁴te¹xo³ma³-le⁴ Ni³na¹ jnco³ cho⁴ta⁴nchi⁴na¹. 26 Cho⁴ta⁴-le⁴ to⁴nqui²sa⁴-sa³ coan³xcon¹-le⁴, qui³tso²-le⁴ xi¹ncjin¹: ?ya¹-ni³ tso²c⁷oa⁴ xi³ coan⁴ coi⁴tjo³ntjai². 27 C⁷ia⁴ Jesús qui³sco²tsen³-le⁴, qui³tso²: Cho⁴ta⁴-le⁴ li²coi³ coan⁴-le⁴, to⁴nca³ Ni³na¹ coan⁴²-le⁴. Nca³yi³je³ cjoa⁴ coan⁴²-le⁴ Ni³na¹. 28 C⁷ia⁴ Pedro ts²c⁷e¹ts²ia⁴cao⁴ nca³ c⁷oa⁴qui³tso²-le⁴: Coe⁴-ni³, jin⁴-jin⁴ je³qui³ni²ca³toi¹⁴-jin⁴ nca³yi³je³, c⁷oa⁴ ji³nchoa³t²a³-lai²⁴jin⁴ nca³ji³. 29 Jesús qui³tso²: Xi³ cjoa⁴qui²xi⁴ xi³ xin³-no³, nca³ ni⁴²ya³-jin² xi³ tjin¹ xi³ qui³si³c⁷e¹jna³ ni^{3?}ya³-le⁴, a³xo⁴nts²e⁴, a³xo⁴ nti³chja³, a³xo⁴ n⁷ai³-le⁴, a³xo⁴ na⁴-le⁴, a³xo⁴ chjon⁴²-le⁴, a³xo⁴ xti³-le⁴, a³xo⁴ na³nqui³-le⁴, xi³ to⁴t²a³ts²an⁴, xi³ to⁴t²a³ts²e⁴ je²

en¹nta³-na⁴, ³⁰xi³ tsi² nt²ai⁴-vi⁴ nca³
je² ni⁴čhjin³-vi⁴ nqui²sa⁴ ncjin² ya³
c²oa⁴tjin¹ c²oai⁴-le⁴ ni³ya³-le⁴, cao⁴
nts²e⁴, cao⁴ nti³chja³, cao⁴ na⁴-le⁴,
cao⁴ xti³-le⁴, cao⁴ na³nqui³-le⁴, c²oa⁴
cao⁴ cjoa⁴ñ²ain³, c²oa⁴ c²ia⁴² ni⁴čhjin³
xi³ cjoa⁴ñ²ai¹ s²e⁴-le⁴ cjoa⁴vi³jna³chon³
nca³ntsjai². ³¹To⁴nca³ ncjin² xi³
ma³ti¹tjon², c²ia⁴ cjoa⁴te²a³-ni³ coan⁴,
c²oa⁴ je² xi³ fe³t²a³-ni³ ti¹tjon³ coan⁴.

Jesús tsa³ca³co¹ya³-nca¹ni³ xi³ t²a³ts²e⁴
cjoa⁴vi³ya³-le⁴

(Mt. 20:17-19; Lc. 18:31-34)

³²Ya⁴ tjio¹ma³ ya⁴³ ntia⁴² nca³
tjio¹fi²mi³ ?nta³ na⁴xi⁴na³nta¹
Jerusalén. Jesús tjen⁴til¹tjon²-
le⁴ cho⁴ta⁴-le⁴. To⁴coan³xcon¹-le⁴
cho⁴ta⁴-le⁴. C²oa⁴ je² cho⁴ta⁴ncjin²
xi³ qui³tjen⁴nqui³-le⁴ qui³tsa³cjon¹.
C²ia⁴ nqui²ntia³ qui³cao⁴
t²a³xin² xi³ te³jao²-ve⁴. C²ia⁴
tsa³c²e¹ts²ia⁴cao⁴ nca³ qui³tso²-le⁴
je² cjoa⁴ xi³ coan⁴ñ²ain³. ³³Coe⁴-ni³,
ma³nquin¹mia³² ya⁴ na⁴xi⁴na³nta¹
Jerusalén. Cho⁴ta⁴ti¹tjon²-le⁴ na⁴?mi³
cao⁴ cho⁴ta⁴ scribano scoe¹ ?nti¹-
le⁴ cho⁴ta⁴, tsjao¹-le⁴ cjoa⁴ñ²ain³ xi³
ts²e⁴ cjoa⁴vi³ya³, c²oa⁴ sca⁴ni²t²a³-le⁴
cho⁴ta⁴ xi³ li² Judío-jin². ³⁴Taon³
scoe⁴ ?nti¹-le⁴ cho⁴ta⁴, coa⁴²-le⁴,
c²oe⁴²čha¹jon³ nca³ je², si⁴²c²en³ nca³
je², to⁴nca³ xi³ coan⁴ jan² ni⁴čhjin³
cjoa⁴a²ya³-ni³le⁴.

Cjoa⁴ xi³ qui³si³je¹ Jacobo cao⁴ Juan

(Mt. 20:20-28)

³⁵C²ia⁴ Jacobo cao⁴ Juan xi³
?nti¹-le⁴ Zebedeo, ji³cho²con³-le⁴,
c²oa⁴qui³tso²-le⁴: Maestro, coi³ xi³
me³-na³jin⁴ nca³ c²oa⁴s²ain⁴ xi³
t²a³tsain⁴-jin⁴ to⁴jme³-ni³ve⁴ xi³
si⁴ja¹⁴-jin⁴. ³⁶Jesús c²oa⁴qui³tso²-

le⁴: Jme¹-ni³ xi³ me³-no³ nca³ s²ian³
xi³ t²a³tsaon⁴³. ³⁷Jacobo cao⁴ Juan
qui³tso²-le⁴: C²ia⁴ nca³ s²e⁴-li²
cjoa⁴te¹xo³ma³ cao⁴ cjoa⁴je³ya³-li⁴,
t²ai²²nte³-na³jin⁴ nca³ coi⁴yo³t²a³-
lai²⁴jin⁴, jnco³ nca³qui²xi⁴-li⁴ xi³jnco³
nca³scon¹-li⁴. ³⁸C²ia⁴ Jesúis qui³tso²-
le⁴: Li²coi³ ?yao³ jme³ xi³ ni²jao¹³.
A³ coan⁴ s²io⁴yao³ cho⁴tsin¹ xi³ an³
ti²²vi⁴ya³, a³xo⁴ coan⁴² sa⁴te¹nta¹-nio³
cao⁴ cjoa⁴ñ²ain³ jo³-s²in² nca³ an³
ti¹sa³te¹nta¹-nia³. ³⁹Je² xi³ jao²-ve⁴
qui³tso²-le⁴: Coan⁴-na³jin⁴. Jesúis
c²oa⁴qui³tso²-le⁴: Xi³ cjoa⁴qui²xi⁴,
je² cho⁴tsin¹cjoa⁴ñ²ain³-na⁴ xi³ an³
ti²²vi⁴ya³, s²io⁴ya³-nio¹³, c²oa⁴ jo³-
s²in² nca³ an³ ti¹sa³te¹nta¹-nia³ cao⁴
cjoa⁴ñ²ain³, c²oa⁴-ti⁴s²in² sa⁴te¹nta¹-
nio³. ⁴⁰To⁴nca³ xi³ coi⁴yo³t²a³-nao¹³
nca³qui²xi⁴-na⁴ cao⁴ nca³scon¹-na⁴,
a³li² an³-jian²³ xi³ tsjoa³-le⁴. To⁴je²
xi³ ti¹jna³nta³ xi³ t²a³ts²e⁴ c²oai⁴-le⁴
?nte³-ve⁴. ⁴¹C²ia⁴ je² xi³ te³-ve⁴ c²ia⁴
nca³ qui³ñčh¹oe¹-le⁴, tsa³c²e¹ts²ia⁴cao⁴
nca³ coan³ji³-le⁴ xi³ t²a³ts²e⁴
Jacobo cao⁴ Juan. ⁴²To⁴nca³ Jesúis
qui³tso²-le⁴: Jon² ?yao³ nca³ je² xi³
cho⁴ta⁴ti¹tjon²-le⁴ cho⁴ta⁴ xi³ li²
judío-jin², si¹c²e¹yo³nqui³ cho⁴ta⁴-le⁴
xi³ t²a³ts²e⁴ cjoa⁴te¹xo³ma³-le⁴, c²oa⁴
je² xi³ nca³co⁴-le⁴ je² xi³ tjin¹-le⁴
?nte³ nca³ va³te¹xo³ma³. ⁴³To⁴nca³
jin³-le⁴ nca³ jon², li²coi³ c²oa⁴coan⁴,
to⁴sa³ to⁴ya³-ni³ve⁴ xi³ me³-le⁴
nca³ je³ya³ c²oe¹yo³jin³-no³ nca³
jon², ca²ta³si¹xa¹-le⁴ xi³c²a³. ⁴⁴C²oa⁴
to⁴ya³-ni³ve⁴ nca³ jon² xi³ me³-no³
nca³ coi⁴ncha³ti¹tjon², cho⁴nta³-
no³ nca³ts²io³ ca²ta³ma³ nca³ je².
⁴⁵Nta³ tsa² je² ?nti¹-le⁴ cho⁴ta⁴, li²coi³
ja³ai³ nca³ si⁴xa¹-le⁴, to⁴nca³ je² xi³
si⁴ja¹⁴-jin⁴. Jesúis c²oa⁴qui³tso²-

Bartimeo coan³tsen³ nqui²ntia³-le⁴

(Mt. 20:29-34; Lc. 18:35-43)

46 C³ia⁴ ja^{3?}ai³ na⁴xi⁴na³nta¹ xi³

Jericó ⁷mi². C³ia⁴ nca³ ji³tjo³-ni³
 ya⁴ Jericó cao⁴ cho⁴ta⁴-le⁴, cao⁴ xi³
 cho⁴ta⁴ncjin², Bartimeo xi³ xca⁴
 cji³, xi³ ⁷nti¹-le⁴ Timeo, ti¹jna³ntai³
 ntia⁴², ti¹si¹je¹ caridad. **47 C³ia⁴ nca³**
qui³nchoe¹ nca³ ti¹jna³ Jesús xi³
 Nazaret ts²e⁴, tsa³c¹e¹ts²ia⁴cao⁴ nca³
 qui³squi^{3?}ntia¹t²a³, qui³tso²: Jesús,
⁷nti¹-le⁴ David, jcha⁴ma⁴ta³con²-nai¹³. **48 Ncjin² ma³-ni³ xi³ qui³nchja⁴ti³cao⁴**
 Bartimeo, jme¹-ni³ nca³ jyo¹
 ca²ta³v²e²jna³-si¹ni³. To⁴nca³ je²
 to⁴nqui²sa⁴ n⁷ion¹ qui³nchja⁴: ⁷nti¹-le⁴
 David, jcha⁴ma⁴ta³con²-nai¹³. **49 C³ia⁴**
 Jesús tsa³ca³sen²jna³, tsa³c¹e¹ne²
 nca³ coi⁴nchja⁴-le⁴. Qui³nchja⁴-
 le⁴ cho⁴ta⁴xca⁴-ve⁴, qui³tso²-le⁴:
 Ca²ta³ma³n⁷ion¹ta³coin²³, ti⁴so¹tjain⁴,
 ti¹nchja⁴-li². **50 C³ia⁴ Bartimeo**
 tsa³cja^{3?}a¹xin² tso⁴nca⁴-le⁴, ji³so²tjen⁴,
 ja^{3?}ai³nčh^{oe}² Jesús. **51 C³ia⁴ Jesús**
 qui³tso²-le⁴: Jme¹-ni³ xi³ me³-li²
 nca³ si³cao⁴-le²³. Cho⁴ta⁴xca⁴-ve⁴
 qui³tso²le⁴: Me³-na³ nca³ coan⁴tsen³
 nqui²ntia³-na³. **52 Jesús qui³tso²-le⁴:**
 T⁷in³-la²ntai³, coi³ nca³ ma³cjain¹-li²
 ca²ma³nta³-ni³. Nti⁴ton⁴ coan³tsen³-
 le⁴, qui³cao⁴ Jesús ya⁴³ ntia⁴² jan¹.

Jesús ja^{3?}a³s²en³ ya⁴ na⁴xi⁴na³nta¹**Jerusalén**

(Mt. 21:1-11; Lc. 19:28-40; Jn. 12:12-19)

11 C³ia⁴ nca³ ji³cho²čhian³-le⁴
na⁴xi⁴na³nta¹ Jerusalén, jña³
 nca³ Betfagé ⁷mi², cao⁴ xi³ Betania
⁷mi², ya⁴ ni³nto³ xi³ Olivos ⁷mi²,
 Jesús qui³si³ca³sen¹ jao² cho⁴ta⁴-
 le⁴, **2 C³oa⁴qui³tso²-le⁴: Ta⁴nquion¹³**
 ya⁴ na⁴xi⁴na³nta¹ xi³ ti¹jna³tsen³-

ve⁴. Nti⁴ton⁴ nca³ coi⁴tja¹s²aon³,
 coan⁴sjai³-no³ jnco³ bo¹rro¹⁷nti¹ xi³
 ya⁴ ti¹jna³t²a³n⁷ion¹, xi³ ni⁴-sa³ ²ya³-
 jin² cho⁴ta⁴ tsa³c¹e²jna³son²-le⁴.
 Chjo¹jnta¹⁷ño¹³, nčhoa¹cao⁴-nao¹³. **3 Ts²**
²ya³-ni³ve⁴ xi³ jo³ coi⁴tso⁴-no³: A¹-ni³
 c²oa⁴n⁷ian²-si¹nio³ coi³-vi⁴. **C²oa⁴t²in²-**
 lao⁴³ nca³ je² Nai³-na¹ ma³chjen¹-le⁴.
C²oa⁴ si⁴²ca³sen¹ nti⁴ton⁴-nca¹ni³ i⁴-vi⁴.
4 Cho⁴ta⁴-le⁴ qui³-?ni³, coan³sjai³-le⁴
 bo¹rro¹⁷nti¹-ve⁴ xi³ ya⁴ ti¹jna³t²a³n⁷ion¹
 nt³tsin³ xo⁴ntjoa⁴, ya⁴ jña³ nca³
 fa^{3?}a³cja¹cro²-le⁴ xi¹ncjin¹ ntia⁴²,
 qui³sco³jnta¹n⁷ion¹. **5 Cho⁴ta⁴ ya⁴ tji¹,**
 jnco³ qui³tso²-le⁴: Jme¹ xi³ s²ian⁴-
 nio³ nca³ ti³chjo³jnta¹⁷ño¹-si¹nio³
 bo¹rro¹⁷nti¹-ve⁴. **6 C³ia⁴ cho⁴ta⁴-le⁴**
 Jesús c²oa⁴qui³tso²-le⁴ jo³ qui³tso²
 Jesús. **C²ia⁴ cho⁴ta⁴** qui³tsjoa^{3?}nte²-
 le⁴ nca³ coal⁴cao⁴. **7 Ja^{3?}ai³cao⁴-le⁴**
 Jesús je² bo¹rro¹⁷nti¹-ve⁴. Cho⁴ta⁴-le⁴
 tsa³ca¹son²-le⁴ tso⁴nca⁴-le⁴. Jesús
 tsa³c²e²jna³son²-le⁴. **8 Ncjin² cho⁴ta⁴ xi³**
 tsa³ca¹nta³-le⁴ na³jño³-le⁴ ya⁴ya³ ntia⁴².
C²oa⁴ xi³c²a³ xca⁴-le⁴ ya¹ tsa³ca³te³.
 Tsa³ca¹nta³-le⁴ ya⁴³ ntia⁴². **9 Je² xi³**
 tjen⁴ti¹tjon², c²oa⁴ je² xi³ tjen⁴nqui³,
 n⁷ion¹ qui³nchja⁴, tjiō¹tso²: Viva. Jo¹
 to⁴nta³-le⁴ je² xi³ nčhoa¹ nca³jao³-
 le⁴ Nai³-na¹. **10 Jo¹ to⁴nta³-le⁴ je²**
 cjoa⁴te¹xo³ma³-le⁴ n⁷ai³-na¹ David
 xi³ nčhoa¹. Viva xi³ nqui²sa⁴ nc²a³.
11 Jesús ja^{3?}a³s²en³ ya⁴ na⁴xi⁴na³nta¹
 Jerusalén, qui³s²en³ ja⁴ya³ yo⁴nco⁴.
 Qui³sco³tsen³ntai³-le⁴ nca³yi³je³
 tso³jmi². Coi³ nca³ je³coan³xon², ji³tjo³
 ?nta³ na⁴xi⁴na³nta¹ Betania cao⁴ xi³
 te³jao²-ve⁴.

Qui³nchja^{4?}aon³ ya¹ higo

(Mt. 21:18-19)

12 Xi³ coan³nchaon³-ni³ c²ia⁴ nca³
 ji³tjo³-ni³ Betania, coan³vao³-le⁴.

13 Cjin³ tsa³ve³-ni¹ jnco³ ya¹ higo xi³ tjin¹-le⁴ xca⁴. Ji³cho²čhian³-le⁴ tsa² jme³ to³-le⁴ xi³ so⁴co²-le⁴. To⁴nca³ c²ia⁴ nca³ ji³cho²nčh²oe², ni⁴jme³-jin² to³ xi³ qui³so³co³-le⁴, to⁴xca⁴ ni¹, nca³ tsi² tsa² c²ia⁴ ni⁴čhjin³-le⁴ higo. **14** C²ia⁴ Jesús qui³tso²-le⁴ je² ya¹ higo: Ni⁴ya³-jin² xi³ ti⁴squi⁴ne⁴-ni³ to³-li⁴ nca³ntsjai² ni⁴čhjin³. Cho⁴ta⁴-le⁴ qui³nčh²oe¹ je²-vi⁴.

Jesús qui³si³tsje³ yo⁴nco⁴

(Mt. 21:12-17; Lc. 19:45-48; Jn. 2:13-22)

15 Ja^{3?}ai³ ya⁴ na⁴xi⁴na³nta¹ Jerusalén, c²oa⁴ Jesús ja^{3?}a³s⁷en³ yo⁴nco⁴. Tsa³c⁷e¹ts²ia⁴cao⁴ nca³ qui³ts²aon³sje³ je² xi³ tgio¹va³te¹na³, xi³ tgio¹va³ts² ya⁴ya³ yo⁴nco⁴. Qui³sca³ni¹ti¹cja¹ ya¹mi²xa⁴-le⁴ je² xi³ tgio¹si¹c²a³ntjai² taon⁴. Qui³sca³ni¹ti¹cja¹ ya¹xi²le⁴-le⁴ je² xi³ tgio¹va³te¹na³ ni⁴se³ paloma. **16** Li²coi³ qui³tsjoa^{3?}nte² nca³ ?ya³ xi³ ch²a¹ fa^{3?}a³to³ya³cao⁴ yo⁴nco⁴. **17** Tsa³ca³co¹ya³-le⁴ qui³tso²: A³ tsi² tji¹t²a³ nca³ je² nt²ia³-na⁴ c²oa⁴c²oin¹-le⁴ nt²ia³ jnā³ v⁷e¹ts²oa³ya³ nca³ts²i³ cho⁴ta⁴, to⁴nca³ jon² nqui³jao³-le⁴ che¹ ti³n⁷iaon²³. **18** Cho⁴ta⁴ scribano cao⁴ cho⁴ta⁴ti¹tjon²-le⁴ na^{4?}mi³ qui³nčh²oe¹-le⁴. Tsa³ca¹sjai³ jo³-s²in² si⁴2c²en³ nca³ je². To⁴nca³ qui³tsa³cjon¹-le⁴ Jesús, nca⁴ nca³ts²i³ cho⁴ta⁴ jo³ to⁴coan³xcon¹-le⁴ cjoa⁴ xi³ t²a³ts²e⁴ cjoa⁴fa^{3?}ai³tsjen³-le⁴. **19** C²ia⁴ nca³ je³coan³xon² Jesús ji³tjo³-ni³ na⁴xi⁴na³nta¹ Jerusalén.

Je³qui³xi² ya¹ higo

(Mt. 21:19-22)

20 C²ia⁴ nca³ ta⁴nzion² ya⁴ ja^{3?}a³to³-nca¹ni³ jnā³ s⁷e³jna³ ya¹ higo. Tsa³ve³ nca³ je³qui³xi² ya¹

higo sa^{3?}nta³ ja⁴ma⁴-le⁴. **21** C²ia⁴ Pedro ja^{3?}ai³tsjen³-le⁴, qui³tso²-le⁴: Maestro, coe⁴-ni³ je² ya¹ higo xi³ qui³no²cjoa⁴aon³-lai⁴. Je³qui³xi². **22** Jesús qui³tso²-le⁴: Ca²ta³ma³cjain¹-no³ t²a³ts²e⁴ Ni³na¹. **23** Xi³ cjoa⁴qui³xi⁴ xi³ xin³-no³, nca³ to⁴ya³-ni³ve⁴ xi³ c²oa⁴coi⁴tso⁴-le⁴ je² ni³nto³-vi⁴: Ti⁴se⁴xin²³, ca²ta³ni²c²a³tjen³-li² nta¹chi³con³, tsa² v⁷e¹jnco³con³ ni⁴ma⁴-le⁴ nca³ ma³cjain¹-le⁴ nca³ c²oa⁴coan⁴ je² xi³ tso², je² xi³ coi⁴tso⁴ c²oa⁴coan⁴-le⁴. **24** Col³ nca³ c²oa⁴xin³-no³, nca³yi³je³ to⁴jme³-ni³ xi³ ni²-jao¹³ nca³ v⁷e²ts²oao³ Ni³na¹, ca²ta³ma³cjain¹-no³ nca³ c²oa⁴2-s²in² s²e⁴-no³, c²oa⁴ c²oa⁴2-s²in² cjoa⁴ai¹-no³. **25** C²ia⁴ nca³ ti³ncha³nto³ nca³ v⁷e²ts²oao³ Ni³na¹, ti⁴cha³t²a³-lao⁴³ tsa² jme³ xi³ tjin¹-no³ t²a³ts²e⁴ co²ntran⁴-no³, jme¹-ni³ nca³ je² N⁷ai³-no³ xi³ ti¹jna³ nc²a³jmi³ c²oa⁴-ti⁴ si⁴2cha³t²a³-si¹ni³no³ nca³ jon² je² cjoa⁴ts²en⁴-no³. **26** To⁴nca³ tsa² tsi² si⁴cha³t²a³-lao⁴³ cho⁴ta⁴, c²oa⁴-li⁴ je² N⁷ai³-no³ xi³ ti¹jna³ nc²a³jmi³ li²coi³ si⁴2cha³t²a³-no³ cjoa⁴ts²en⁴-no³.

Qui³sco²na³nqui³ xi³ t²a³ts²e⁴

cjoa⁴te¹xo³ma³-le⁴ Jesús

(Mt. 21:23-27; Lc. 20:1-8)

27 Qui³-nca¹ni³ ya⁴ Jerusalén. C²ia⁴ nca³ Jesú^s tso²va³ya³ yo⁴nco⁴, cho⁴ta⁴ti¹tjon²-le⁴ na^{4?}mi³ cao⁴ cho⁴ta⁴ scribano cao⁴ cho⁴ta⁴jchi¹nca³ ja^{3?}ai³con²-le⁴ Jesús. **28** Qui³tso²-le⁴: Jme¹ cjoa⁴te¹xo³ma³-ni³ xi³ tsjoa¹-li²?nte³ nca³ c²oa⁴n⁷iain²³ je² cjoa⁴-vi⁴. ?ya¹-ni³ je² xi³ qui³tsjoa³-li² je² cjoa⁴te¹xo³ma³ nca³ c²oa⁴s⁷ian⁴-si¹ni³. **29** C²ia⁴ Jesú^s qui³nchja⁴ qui³tso²-

le⁴: C²oa⁴-ti⁴ an³ sco³na³nqui³-no³ jnco³ cjoa⁴. Ti⁴no²cjoa⁴-nao¹³, c²ia⁴² c²oa⁴xin¹-no³ jña³-le⁴ cjoa⁴te¹xo³ma³ xi³ tsjоa¹⁷nte³-na³ nca³ c²oa⁴-s⁷ian³ je² cjoa⁴-vi⁴. **30** Je² cjoa⁴sa³te¹nta¹ xi³ qui³s⁷in³ Juan, a³ ts⁷e⁴ nc²a³jmi³ ni¹, a³xo⁴ ts⁷e⁴ cho⁴ta⁴ ni¹. Ti⁴no²cjoa⁴-nao¹³. **31** C²ia⁴ na⁴mi³ cao⁴ cho⁴ta⁴ scribano cao⁴ cho⁴ta⁴jchi¹nca³ tsa³cjao¹ya³-ni³, qui³tso²: C²ia⁴ tsa² coi⁴xoan¹ nca³ ts⁷e⁴ nc²a³jmi³ ni¹, c²oa⁴coi⁴tso⁴-jin²ni³: A¹-ni³ nca³ tsi² coan³cjain¹-si¹ni³no³ xi³ t⁷a³ts⁷e⁴. **32** C²ia⁴ tsa² c²oa⁴coi⁴xoan¹ nca³ ts⁷e⁴ cho⁴ta⁴ ni¹, jcon³-le⁴² cho⁴ta⁴na⁴xi⁴na³nta¹ nca⁴ nca³ts⁷i³ c²oa⁴qui³tso² nca³ ña³qui³ cjoa⁴qui²xi⁴ nca³ Juan jnco³ xi³ nchja⁴ya³ t⁷a³ts⁷e⁴ Ni³na¹. **33** C²ia⁴ qui³nchja⁴-nca¹ni³le⁴ Jes³ús: Li²coi³?yai³-jin⁴. C²ia⁴ Jes³ús qui³tso²: Ni⁴an³-jin² c²oa⁴xin¹-no³ jña³-le⁴ cjoa⁴te¹xo³ma³ xi³ tsjоa¹⁷nte³-na³ nca³ c²oa⁴s⁷ian³ je² cjoa⁴-vi⁴.

Cjoa⁴-le⁴ xca⁴-le⁴ to³tse⁴² cao⁴ cho⁴ta⁴

xi³ si¹xa¹son²

(Mt. 21:33-46; Lc. 20:9-19)

12 Jes³ús tsa³c²e¹ts⁷ia⁴cao⁴ nca³ tsa³cja¹cao⁴ cao⁴ cjoa⁴xco¹son²: Jnco³ cho⁴ta⁴x²in⁴ tsa³ca¹ntje² xca⁴-le⁴ to³tse⁴², tsa³c²e¹nch⁷oa¹ntai³-le⁴, tsa³nqui³ya³, tsa³c²e¹jna³nta³ jnco³ m^áquina xi³ si¹ts⁷ion³nqui²-ni³ na³nta¹-le⁴ to³tse⁴². Tsa³c²e¹nta³ jnco³ xjao¹nc²a³, qui³si³quin³ya³son²-le⁴ cho⁴ta⁴ xi³ si¹xa¹son². C²ia⁴ qui³ jña³ nca³ cjin³. **2** C²ia⁴ nca³ ji³cho² ni⁴chjin³-le⁴ nca³ s⁷e³xco¹ to³tse⁴²-ve⁴, qui³si³ca³sen¹con³-le⁴ je² cho⁴ta⁴ xi³ si¹xa¹son²-ve⁴ jnco³ cho⁴nta³, jme¹-ni³ nca³ tsjоa¹-si¹ni³le⁴

tso³jmi²-ve⁴ xi³ je² v⁷a³cao⁴-le⁴. **3** To⁴nca³ je² cho⁴ta⁴ xi³ si¹xa¹son² qui³tsoa³ cho⁴nta³-ve⁴, qui³si³qui²aon³, qui³sca³ni¹cji³ti³. **4** Je² nai³-le⁴ ti⁴qui³si³ca³sen¹ nqui²jnco³-nca¹ni³ cho⁴nta³. To⁴nca³ nqui²ntia³ cho⁴ta⁴-ve⁴ to⁴la⁴jao⁴ tsa³c²e¹-le⁴, qui³si³qui²aon³ jco⁴, qui³ts⁷aon³tjen⁴nqui³ cao⁴ cjoa⁴ts⁷en⁴. **5** Je² nai³-le⁴ ti⁴qui³si³ca³sen¹ nqui²jnco³-nca¹ni³ cho⁴nta³. Cho⁴ta⁴-ve⁴ ña³qui³ qui³si³c²en³-ni¹ nca³ je². Ncjin² xi³ c²oa⁴qui³si³ca⁴, tjin¹ xi³ to⁴qui³si³qui²aon³-ni³, c²oa⁴ tjin¹ xi³ ña³qui³ qui³si³c²en³-ni³. **6** Je² nai³-le⁴ to⁴jo³ tjin¹-sa³le⁴ jnco³ nt¹ xi³ tsjоa³que³, c²oa⁴-ti⁴ qui³si³ca³sen¹ nca³ je². Je² xi³ je³t⁷a³-ni³. Scoe⁴xcon¹ ti³-na⁴, qui³ts⁷o². **7** To⁴nca³ je² cho⁴ta⁴-ve⁴ xi³ si¹xa¹son²-ve⁴, qui³ts⁷o²-le⁴ xi¹-ncjin¹: Je²-vi⁴ xi³ c²oai⁴cjoa⁴tjao²-le⁴ xca⁴-le⁴ to³tse⁴²-vi⁴. Tjian¹ si⁴c²en³-nia¹ jme¹-ni³ nca³ cjoa⁴tjao²-le⁴ tsan⁴² coan⁴-ni³. **8** Qui³tsoa³ ti³-ve⁴, qui³si³c²en³ nca³ je², qui³si³c²a³tjen⁴ t⁷a³xin². **9** Je² nai³-le⁴ xca⁴-le⁴ to³tse⁴²-ve⁴, jme¹ xi³ si⁴ca⁴-?ni³ tso²c²oa⁴ je² cho⁴ta⁴-ve⁴. Cjoi⁴nch³oa³ c²oa⁴ si⁴qui³xi²yo²ya³ je² cho⁴ta⁴ xi³ si¹xa¹son²-ve⁴, c²oa⁴ xca⁴-le⁴ to³tse⁴²-le⁴ tsjоa¹son²-le⁴ xi³ cja⁴ai¹. **10** A³ ts² tsa³c²e¹xquiao⁴³ xon⁴ Escritura: Je² la⁴jao⁴ xi³ qui³si³c²a³tjen⁴ cho⁴ta⁴ xi³ v²e¹nta³ ni³ya³, je²-vi⁴ xi³ coan³ la⁴jao⁴xi⁴nqui⁴. **11** Je² Nai³-na¹ c²oa⁴qui³s⁷in³ je²-vi⁴, ña¹ to⁴ma³xcon¹-na¹ nca³ ?ya³². **12** Cho⁴ta⁴ti¹tjon²-le⁴ na⁴²mi³ cao⁴ cho⁴ta⁴ scribano cao⁴ cho⁴ta⁴jchi¹nca³ tsa³ca¹sjai³ jo³-s⁷in² tsoa⁴ Jes³ús, nca⁴ coan³cho⁴ya³-le⁴ nca³ c²oa⁴qui³tso²

je² cjoa⁴xco¹son²-ve⁴ xi³ t²a³ts²e⁴
 nca³ je², to⁴nca³ qui³tsa³cjon¹-
 le⁴ cho⁴ta⁴na⁴xi⁴na³nta¹. Coi³ nca³
 qui³si³c²e¹jna³ Jesús, c²oa⁴ qui³-ni³.

Ca²ta³v²e¹chji¹-le⁴ taon⁴sa¹ César
 (Mt. 22:15-22; Lc. 20:20-26)

13 Qui³sca³ni¹nčh²oe² Jesús c²a³
 cho⁴ta⁴ xi³ ts²e⁴ cho⁴ta⁴ fariseos cao⁴
 xi³ ts²e⁴ cho⁴ta⁴ herodianos, jme¹-ni³
 nca³ si⁴qui³njen³-si¹ni³ cao⁴ en¹-le⁴.
14 C²ia⁴ nca³ ji³cho²con³-le⁴ Jesús,
 qui³tso²-le⁴: Maestro, ²ya³-ni¹jin⁴
 nca³ ji³ xi³ tjin¹-li² cjoa⁴qui²xi⁴.
 Ni⁴ya³-jin² xi³ jcon³-lai⁴, nca³ tsi²
 tsa² cho²tsen³-lai⁴ jo³ cj³ cho⁴ta⁴,
 to⁴nca³ cjai¹nca³ nta³ va³co²ya³
 ntia⁴le⁴ Ni³na¹ cao⁴ xi³ cjoa⁴qui²xi⁴.
 A³ nta³ tjin¹ nca³ c²oe¹chji¹-le⁴
 taon⁴sa¹ César, a³xo⁴ mai³. A³
 c²oai⁴-le⁴ a³xo⁴ tsi² tsa² c²oai⁴-
 le⁴. **15** C²ia⁴ Jesús nca³ tsa³ve³ nca³
 cho⁴ta⁴jao²ncjain¹, c²oa⁴qui³tso²-
 le⁴: A¹-ni³ nca³ cho¹a³-si¹ni³nao¹³.
 Nčhoa¹cao⁴-nao¹³ taon⁴-ve⁴,
 jme¹-ni³ nca³ sco³tsen³-si¹ni³le⁴.
16 Ja³ai³cao⁴-le⁴ taon⁴-ve⁴. Jesús
 qui³tso²-le⁴: ²ya¹ ts²e⁴ je² xco¹son²-
 vi⁴, c²oa⁴ je² en¹ xi³ tjio¹t²a³. C²oa⁴
 cho⁴ta⁴-ve⁴ qui³tso²-le⁴: Ts²e⁴ César.
17 Jesús qui³tso²-le⁴: T²ai²-lao⁴ César
 je² xi³ ts²e⁴ César, c²oa⁴ t²ai²-lao⁴
 Ni³na¹ je² xi³ ts²e⁴ Ni³na¹. Cho⁴ta⁴-ve⁴
 to⁴coan³xcon¹-le⁴ je²-vi⁴.

Xi³ t²a³ts²e⁴ cjoa⁴fa³a²ya³-le⁴ xi³ c²en³
 (Mt. 22:23-33; Lc. 20:27-40)

18 C²ia⁴ ja³ai³con³-le⁴ cho⁴ta⁴
 saduceos, je² xi³ tso² nca³ tsin²
 cjoa⁴fa³a²ya³-jin². Qui³sco²na³nqui³-
 le⁴, c²oa⁴qui³tso²-le⁴: **19** Maestro,
 Moisés qui³squi³-na¹, tsa² jnco³
 nts²e⁴ coi⁴ya¹, xi³ si⁴ c²e¹jna³

chjon⁴le⁴, c²oa⁴ tsa² tsin²-le⁴ xti³-
 jin² xi³ si⁴ca³tio¹, c²ia⁴ je² nts²e⁴
 ca²ta³cjoe¹tjao² chjon⁴le⁴, c²oa⁴
 ca²ta³s²e³-le⁴ xti³ nca³jao³-le⁴ nts²e⁴.
20 Ña³to³ coan³ xi³ ti⁴nts²e⁴-ni³. Je²
 xi³ nti¹tjon² qui³s²e³-le⁴ chjon⁴le⁴,
 c²en³ x²in⁴-ve⁴, c²oa⁴ ni⁴jnco³-jin²
 xti³ qui³s²e³-le⁴. **21** Je² nts²e⁴ xi³
 ma³jao²-ni³ qui³sco¹tjao² chjon⁴le⁴,
 c²oa⁴-ti⁴ c²en³ nca³ je², c²oa⁴-ti⁴
 ni⁴jnco³-jin² nti¹ qui³s²e³-le⁴. C²oa⁴
 je² xi³ ma³jan²-ni³ tsa³c²e²jna³cao⁴-
 nca¹ni³ chjon⁴le⁴, c²oa⁴-ti⁴s²in²
 coan³t²ain³. **22** Xi³ ña³to³ nts²e⁴
 tsa³ca³tio²cao⁴ chjon⁴le⁴. C²oa⁴
 ni⁴jnco³-jin² xti³ qui³s²e³-le⁴ nca³ts²i³.
 Xi³ je³t²a³-ni³ c²oa⁴-ti⁴ c²en³ chjon⁴le⁴-
 ve⁴. **23** C²ia⁴ nca³ cjoa⁴a²ya³-na¹
 tso²c²oa⁴, ²ya¹ ts²e⁴ coan⁴ chjon⁴le⁴,
 nca⁴ je² xi³ ña³to³-ve⁴ tsa³ca³tio²cao⁴
 chjon⁴le⁴. **24** C²ia⁴ Jesús qui³tso²-
 le⁴: A³ tsi² ma³sca¹ya³-no³ nca³ tsi²
²yao³ xon⁴ Escrituras, c²oa⁴-ti⁴ li²coi³
²yao³ nca³n²ion¹-le⁴ Ni³na¹. **25** C²ia⁴
 nca³ cjoa⁴a²ya³-le⁴ xi³ c²en³, li²coi³
 coi⁴xan³, c²oa⁴ li²ya³ xi³ si⁴qui³xan³,
 to⁴nca³ c²oa⁴ cjoan³ jo³-ni³ a²ncje⁴
 xi³ tjio¹ nc²a³jmi³. **26** Je² cjoa⁴ je²-vi⁴
 nca³ cjoa⁴a²ya³-le⁴ xi³ c²en³, a³ tsi²
 tsa³c²e²xquiao⁴ libro-le⁴ Moisés, jo³-
 s²in² nca³ Ni³na¹ tsa³cja¹cao⁴ ya⁴jin³
 ya¹na³ya¹, nca³ qui³tso²: An³ nia¹³
 Ni³na¹-le⁴ Abraham, Ni³na¹-le⁴ Isaac,
 c²oa⁴ Ni³na¹-le⁴ Jacob. **27** Ni³na¹
 a³li² Ni³na¹-le⁴ c²en³-jin², to⁴nca³
 ts²e⁴ xi³ tjio¹con³. Jon² cjai¹nca³
 ma³sca¹ya³-no³.

Je² cjoa⁴te¹xo³ma³ xi³ ti¹tjon²
 (Mt. 22:34-40)

28 Jnco³ cho⁴ta⁴ scribano ja³ai³con³-
 le⁴ Jesús, qui³nčh²oe¹-le⁴ nca³
 tji¹fao¹ya³-ni³, tsa³ve³ nca³ nta³

qui³nchja⁴ Jesús, qui³sco²na³nqui³-le⁴: Jñia¹-le⁴ cjoa⁴te¹xo³ma³ xi³ ti¹tjon² cao⁴-ni³ nca³y¹je³. ²⁹ Jesús qui³nchja⁴: Je² cjoa⁴te¹xo³ma³ xi³ ti¹tjon² cao⁴-ni³ nca³y¹je³: Ti⁴no¹⁷yao³ cho⁴ta⁴ Israel, je² Nai³-na¹ Ni³na¹-na¹ to⁴jnco³ ma³-ni³. ³⁰ Ca²ta³ma³tsjoa³chai³ tso²c'oa⁴je² Nai³-na¹ Ni³na¹-li⁴. Ca²ta³ma³tsjoa³cha³-ni³ nca³y¹je³ ni⁴ma⁴-li⁴, cao⁴ nca³y¹je³ cjoa⁴tsjoa³-li⁴, cao⁴ nca³y¹je³ cjoa⁴fa³ai³tsjen³-li⁴, cao⁴ nca³y¹je³ nca³n'ion¹-li⁴. Je²-vi⁴ je² ni¹ cjoa⁴te¹xo³ma³ xi³ ti¹tjon². ³¹C'oa⁴je² xi³ ma³jao²-ni³ c'oa⁴-ti⁴s²in²ni³ je²-vi⁴. Ca²ta³ma³tsjoa³chai³ xi³c²a³ jo³-ni³ nca³ ti⁴ji³-ni³. Tsin² cjoa⁴te¹xo³ma³ xi³ cja⁴ai¹, xi³ nqui²sa⁴ ti¹tjon² cao⁴-ni³ je²-vi⁴. ³²C'ia⁴je² cho⁴ta⁴ scribano qui³tso²-le⁴: Nta³ tjin¹, Maestro, cjoa⁴qui²xi⁴ xi³ ca²si³-ve⁴ nca³ to⁴jnco³ Ni³na¹, tsin² xi³ cja⁴ai¹. ³³C'oa⁴ nca³ tsjoa³cha³² nca³ je² cao⁴ nca³y¹je³ ni⁴ma⁴-na¹, cao⁴ nca³y¹je³ cjoa⁴fa³ai³tsjen³-na¹, cao⁴ nca³y¹je³ cjoa⁴tsjoa³-na¹, cao⁴ nca³y¹je³ nca³n'ion¹-na¹, nca³ tsjoa³cha³² xi³c²a³ jo³-s²in² nca³ tsjoa³cha³² yao³-na¹, je²-vi⁴ xi³ to⁴nqui²sa⁴-sa³ chji¹-le⁴ cao⁴-ni³ ts² nca³y¹je³ cjoa⁴tjao² xi³ ña³qui³ ti² nca³y¹je³, cao⁴ cho⁴ xi³ ni²c²en³ nca³ c²oai⁴t²a³-le⁴² Ni³na¹. ³⁴C'ia⁴ Jesús nca³ ts²ve³ nca³ je² cho⁴ta⁴ qui³nchja⁴ cao⁴ cjoa⁴chji¹ne⁴, qui³tso²-le⁴: A³li² cjin³-jin² ti³jnai³ cjoa⁴te¹xo³ma³-le⁴ Ni³na¹. Ni⁴y³-jin² xi³ ti⁴ma³n'ion¹ni³con³ nca³ sco⁴na³nqui³-sa³le⁴.

Xi³ t²a³ts²e⁴ ?nti¹-le⁴ David

(Mt. 22:41-46; Lc. 20:41-44)

³⁵ Jesús ts²ca³c²o¹ya³ ya⁴³ yo⁴nco⁴, c'oa⁴qui³tso²: Jo¹-s²in²ni³ nca³

c'oa⁴tso²-ni³ cho⁴ta⁴ scribano nca³ Cristo ?nti¹-le⁴ David. ³⁶Ti⁴je²-ni³ David c'oa⁴qui³tso² cao⁴ Espíritu Santo: Je² Nai³-na¹ qui³tso²-le⁴ Nai³-na⁴. Ti⁴jna³t²a³-nai¹³ nca³qui²xi⁴-na⁴ sa³nta³ nca³ si³c²e¹yoa³ co²ntran⁴-li⁴ ya⁴nqui³ ntso⁴coi³. ³⁷Ti⁴je²-ni³ David Nai³-na⁴ tso²-le⁴. Jo¹-s²in²ni³ nca³ ?nti¹-le⁴ ma³-le⁴. Nca³ts²i³ cho⁴ta⁴na⁴xi⁴na³nta¹ qui³nch⁷oe¹ cao⁴ cjoa⁴tsjoa³ jo³ qui³tso² Jesús.

Jesús ts²ca³c²o¹ya³ xi³ t²a³ts²e⁴ cho⁴ta⁴ scribano

(Mt. 23:1-36; Lc. 11:37-54; 20:45-47)

³⁸C'oa⁴-s²in² ts²ca³c²o¹ya³-le⁴: Ti⁴coi²nta⁴-lao⁴³ yao³-no³ cho⁴ta⁴ scribano xi³ tsjoa³-le⁴ v²a³mjen³ cao⁴ na³jño³jncho³, c'oa⁴ tsjoa³-le⁴ nca³ cho⁴ta⁴ si⁴²ti²²nta³-le⁴ ya⁴ nti⁴tsin⁴-ve⁴. ³⁹C'oa⁴ tsjoa³que³ je² ya¹xi²le⁴ xi³ ti¹tjon² ya⁴ nt⁷ia³ sinagoga, c'oa⁴ je² ?nte³ xi³ ti¹tjon² ya⁴ jña³ cjen² s²oi¹. ⁴⁰Je² fa³yo³ntjai² nt⁷ia³-le⁴ ya¹nchjin¹c²an³ xi³ c²en³ x²in⁴-le⁴. To⁴chji³ne³-ni³ tse³² v²e¹ts²oa³. Je² xi³ c'oa⁴cjoan³ nqui²sa⁴ tse³ cjoa⁴ñain³ s²e⁴-le⁴.

Xi³ t²a³ts²e⁴ taon⁴ xi³ ts²ca³qui³nchja¹ jnco³ chjon⁴² xi³ c²en³ x²in⁴-le⁴

(Lc. 21:1-4)

⁴¹ Jesús ts²ca³c²e²jna³ jña³ nca³ qui³jna³ ca²xa⁴ xi³ si³nchja¹ taon⁴ limosna. Qui³sco²tsen³ jo³-s²in² nca³ cho⁴ta⁴na⁴xi⁴na³nta¹ ts²ca³qui³nchja¹ taon⁴ ca²xa⁴-ve⁴. Ncjn² ma³-ni³ cho⁴ta⁴nchja¹na¹ xi³ tse³ taon⁴ ts²ca³qui³nchja¹. ⁴²C'ia⁴ ji³cho² jnco³ chjon⁴²c²an³ xi³ je³c²en³ x²in⁴-le⁴, c'oa⁴ xi³ yo⁴ma⁴. ?nti¹ qui⁴cha⁴si³ne² ts²ca³qui³nchja¹ xi³ to⁴choa³ chji¹-le⁴. ⁴³C'ia⁴ Jesús qui³nchja⁴-le⁴ cho⁴ta⁴-

le⁴, c²oa⁴qui³tso²-le⁴: Xi³ cjoa⁴qui²xi⁴
 xi³ xin³-no³ nca³ je² chjon⁴²c²an³ xi³
 je³c²en³ x²in⁴-le⁴, c²oa⁴ xi³ yo⁴ma⁴,
 nqui²sa⁴ tse³ tsa³qui³ncha¹ cao⁴.
 ni³ tsa² nca³ts²i³ xi³ tsa³qui³ncha¹
 ca²xa⁴. ⁴⁴Nca⁴ nca³ts²i³ tsa³qui³ncha¹
 je² xi³ v²a³nqui³-le⁴, to⁴nca³ nta³ tsa²
 yo⁴ma⁴ je² chjon⁴²-vi⁴ tsa³qui³ncha¹
 nca³yi³je³ xi³ tjin¹-le⁴ xi³ t²a³ts²e⁴ xi³
 cjen².

Jtsao⁴nqui³ yo⁴nco⁴

(Mt. 24:1-28; Lc. 21:5-24)

13 C²ia⁴ nca³ ji³tjo³-ni³ yo⁴nco⁴,
 jnco³ cho⁴ta⁴-le⁴ Jesús
 qui³tso²-le⁴: Maestro, coe⁴-ni³,
 jme¹-si³ cjoan³-ni³ la⁴jao⁴, jme¹-si³
 cjoan³-ni³ nt²ia³-vi⁴. ²Jesús qui³tso²-
 le⁴: A³ ti³ya³-nio¹³ je² nt²ia³y²ai³-vi⁴.
 Jtsao⁴nqui³ nca³yi³je³, li²coi³
 ti⁴sa⁴tio²son²-ni³le⁴ xi¹ncjin¹ la⁴jao⁴.

Choa⁴ xi³ s²e⁴ c²ia⁴ nca³ me³coan⁴jnco³
³Jesús ya⁴ tsa³c²e²jna³ ni³nto³
 xi³ Olivos ²mi². Qui³sco²tsen³t²a³
 yo⁴nco⁴. Pedro, Jacobo, Juan, cao⁴
 Andrés qui³sco²na³nqui³ t²a³xin²-le⁴
 Jesús. ⁴C²oa⁴t²in²-na³jin⁴: C²ia¹-ni³ve⁴
 nca³ c²oa⁴coan⁴. Jme¹ choa⁴ xi³ s²e⁴
 c²ia⁴ nca³ me³coan⁴jnco³ nca³yi³je³
 je² cjoa⁴-vi⁴. ⁵Jesús qui³nchja⁴,
 tsa³c²e¹ts²ia⁴ nca³ c²oa⁴qui³tso²-
 le⁴: Ti⁴coi²ntao⁴³ yao³-no³ jme¹-ni³
 nca³ ni⁴²ya³-jin² xi³ c²oa⁴na⁴cha⁴-
 si¹ni³no³. ⁶Nca⁴ ncjin² xi³ cjoa⁴ai¹ xi³
 jan³ain¹-na⁴ y²a³, xi³ c²oa⁴coi⁴tso⁴:
 An³ nia¹³ Cristo. C²oa⁴na⁴cha⁴-
 le⁴ ncjin² cho⁴ta⁴. ⁷To⁴c²ia³-ni³ve⁴
 nca³ coi⁴no¹yao³ nca³ tjin¹
 cjoa⁴jchan¹, c²oa⁴-ti⁴ c²oa¹mjen³ en¹
 nca³ tjin¹ cjoa⁴jchan¹, a³li² c²oa⁴-
 jin² ma³-no³, nca⁴ ma³chjen¹ nca³
 c²oa⁴coan⁴, to⁴nca³ cje³fe³t²a³-jin².

8Coi⁴so¹tjen⁴ne² na⁴xi⁴na³nta¹
 co²ntran⁴-le⁴ xi³ cja⁴ai¹
 na⁴xi⁴na³nta¹, c²oa⁴ cjoa⁴te¹xo³ma³
 coi⁴so¹tjen⁴ne² co²ntran⁴-le⁴ xi³
 cja⁴ai¹ cjoa⁴te¹xo³ma³. C²oa⁴ chaon¹
 cjoa⁴a² ncjin² nte³. Cji³ncha¹
 coan⁴ cao⁴ cjoa⁴-si³. Je² cjoa⁴-
 vi⁴ to⁴c²oe⁴ts²ia⁴ cjoa⁴ñ²ain³.
⁹Jon² ti⁴coi²ntao⁴³ yao³-no³ nca³
 sca⁴ni²t²a³-no³ cho⁴ta⁴xa¹, ya⁴
 nt²ia³ sinagoga coa⁴²-no³ ya¹jt³.
 Ja⁴nqui³xcon⁴ gobernador cao⁴
 cho⁴ta⁴ti¹tjon² coi⁴no²cjoa⁴-no³ xi³
 to⁴t²a³ts²an⁴ nca³ c²oai⁴-lao⁴³ nca³
 je² je² en¹-no³. ¹⁰Ti¹tjon² ma³chjen¹
 nca³ je² en¹nta³ xi³ t²a³ts²e⁴ Cristo
 ca²ta³fi²son²-le⁴ nca³ts²i³ cho⁴ta⁴.
¹¹C²ia⁴ nca³ cjoa⁴ai¹cao⁴-no³ nca³
 sca⁴ni²t²a³-no³ cjoa⁴te¹xo³ma³, a³li²
 c²oa⁴-jin² ma³-no³ to⁴nqui³-ni³ jme³
 xi³ coi⁴xon¹³, ni⁴ni²cja³ai³tsjen³-
 jion²³. S⁷e⁴-no³ cjoa⁴fa³ai³tsjen³
 c²ia⁴ hora-ve⁴, coi³ xi³ ti⁴no²cjao⁴³.
 A³li² jon²-jion²³ xi³ coi⁴no²cjao⁴³,
 to⁴je² Espíritu Santo xi³ coi⁴nchja⁴.
¹²Ti⁴je²-ni³ nts²e⁴ sca⁴ni²t²a³ nts²e⁴
 nca³ si⁴²c²en³, c²oa⁴ je² xi³ n²ai³
 sca⁴ni²t²a³ nts²e⁴ nca³ si⁴²c²en³.
 Xi³ xti³-le⁴ coi⁴so¹tjen⁴ne²-le⁴
 xi³chja¹-le⁴, sca⁴ni²t²a³ nca³ si⁴²c²en³.
¹³Nca³ts²i³ cho⁴ta⁴ coan⁴jt³que³-
 no³ xi³ to⁴t²a³ts²an⁴, to⁴nca³ je² xi³
 jcho¹cjoa⁴-le⁴ sa³nta³ xi³ cjoet²a³-
 ni³, je²-vi⁴ coi⁴tjo³ntjai²-ni¹. ¹⁴To⁴nca³
 c²ia⁴ nca³ jchao⁴³ je² xi³ ch²ao³
 cjoan³, xi³ si¹qui³xo²ya³, xi³ s²e⁴jna³
 nte³ jña³ ts² va³quin²-le⁴, c²ia⁴ je²
 xi³ tjo¹ ya⁴ Judea, ca²ta³ma³nca³
 jin³jña¹. (Je² xi³ v²e¹xquia⁴ jo³
 qui³tso² Daniel xi³ qui³nchja⁴ya³
 t²a³ts²e⁴ Ni³na¹ca²ta³ma³cho⁴ya³-
 le⁴). ¹⁵Je² xi³ ya⁴ ti¹jna³son²nc²a³
 nt²ia³-le⁴, a³li² vi³tjo³jen³-jin²

ni⁴fa^{3?}a³s²en³-jin², nta³ tsa² tjin¹ xi³
 me³-le⁴ scoe¹ ja⁴ya³ nt²ia³-le⁴. **16** Je²
 xi³ ti¹jna³ jin³jna¹ jan¹, a³li² ya¹ts²in⁴
 si⁴²c²o¹fa³ya³-ni³ nca³ scoe¹ tso⁴nca⁴-
 le⁴. **17** Ma⁴-xo¹ni³ je² ya¹nchjin¹ xi³
 ?nti¹ y⁷a³, c²oa⁴ je² xi³ ?nti¹ si¹ca³qui³
 coi³ ni⁴chjin³-ve⁴. **18** T⁷e²ts²oao³
 tso²c²oa⁴ nca³ ts²i² coi⁴yo¹³ c²ia⁴ nca³
 chan⁴nch²an¹. **19** C²ia⁴ ni⁴chjin³-
 ve⁴ cja¹nca³ to⁴s²e⁴ cjoa⁴ñ²ain³.
 Ni⁴-sa³ jnco³ c²a³-jin² c²oa⁴ma³ jo³
 sa^{3?}nta³ nca³ Ni³na¹ tsa³ca¹nta³
 son^{3?}nte³, ni⁴to⁴c²ia⁴-jin² c²oa⁴coan⁴-
 nca¹ni³. **20** Tsa² je² Nai³-na¹ li²coi³
 qui³si^{3?}nti¹ya³ coi³ ni⁴chjin³-ve⁴,
 ni⁴jnco³-jin² cho⁴ta⁴ xi³ coi⁴tjo³ntjai²,
 to⁴nca³ xi³ t²a³ts²e⁴ je² cho⁴ta⁴ xi³
 Ni³na¹ tsa³cja^{3?}a¹jin³, qui³si^{3?}nti¹ya³
 coi³ ni⁴chjin³-ve⁴. **21** C²ia⁴ tsa² jnco³
 cho⁴ta⁴ c²oa⁴coi⁴tso⁴-no³: Coe⁴-
 ni³, i⁴ ti¹jna³-vi⁴ Cristo, a³xo⁴ tsa²
 coi⁴tso⁴, coe⁴-ni³, ya⁴ ti¹jna³-ve⁴, a³li²
 ma³cja¹-jin²no³. **22** Cja¹nca³to⁴
 coi⁴so¹tjen⁴ cho⁴ta⁴nti³so³ xi³
 Cristo coi⁴tso⁴-le⁴ yao³-le⁴, c²oa⁴
 xi³ je² xi³ nchja⁴ya³ t²a³ts²e⁴ Ni³na¹
 coi⁴tso⁴-le⁴ yao³-le⁴. Tse³ choa⁴ cao⁴
 cjoa⁴xcon¹ xi³ tsjоa¹. C²oa⁴-s²in²
 xin² ntia⁴² fi²cao⁴, nta³ tsa² je² xi³
 Ni³na¹ tsa³cja^{3?}a¹jin³, tsa² coan⁴-le⁴.
23 Ti⁴coi²ntao⁴³ nca³ jon², to⁴nqui³-ni³
 c²oa⁴xin³-no³ nca³yi³je³.

?nti¹-le⁴ cho⁴ta⁴ cjoa⁴²ai¹

(Mt. 24:29-35, 42-44; Lc. 21:25-36)

24 To⁴nca³ c²ia⁴ ni⁴chjin³-ve⁴
 nca³ cjoе⁴t²a³ je² cjoa⁴ñ²ain³-ve⁴,
 ts²oi¹ s²e⁴nzion²-ni¹, c²oa⁴ sa¹ li²coi³
 ti⁴si^{42?}i¹sen³-ni³. **25** C²oa⁴ ni³ño³
 jtsao⁴-ni³ nc²a³jmi³, c²oa⁴ je² l¹i¹
 xi³ tjin¹-le⁴ nc²a³jmi³ jtin¹ya³-ni¹.
26 C²ia⁴ scoe⁴ je² ?nti¹-le⁴ cho⁴ta⁴ xi³
 cjoa⁴²ai¹jin³-ni³ yo³jvi³, cao⁴ tse³

nca³n²ion¹ cao⁴ cjoa⁴je³ya³. **27** C²ia⁴
 je² ?nti¹-le⁴ cho⁴ta⁴ si⁴²ca³sen¹
 a²ncje⁴-le⁴, c²oa⁴ c²oe⁴²xco¹
 cho⁴ta⁴-le⁴ xi³ tsa³cja^{3?}a¹jin³,
 c²oe⁴²xco¹-ni³ nca³ ño³ xi⁴nqui⁴-
 le⁴ son^{3?}nte³, c²oa⁴ nca³qui³jnta²
 son^{3?}nte³, c²oa⁴ nca³qui³jnta²
 nc²a³jmi³. **28** Cho¹t²a³yao³ je² xi³
 va³co¹ ya¹ higo-ve⁴. C²ia⁴ nca³
 ya¹ntsja³ c²oe⁴²jts²en¹, c²ia⁴ nca³
 xca⁴ nchoa¹-le⁴, ?ya³-nio¹³ nca³
 je³ti¹jna³chan³ chan⁴jtsi¹. **29** C²oa⁴-
 ti⁴s²in² nca³ jon² c²ia⁴ nca³ jchao⁴³
 nca³ c²oa⁴cji³ma³ je² cjoa⁴-vi⁴.
 Ca²ta^{3?}yao³ nca³ je² ?nti¹-le⁴ cho⁴ta⁴
 je³ti¹jna³chan³, ja⁴jcho³ xo⁴ntjoa⁴.
30 X¹i³ cjoa⁴qui²xi⁴ xi³ xin³-no³, nca³
 tsi² tsa² coi⁴ya² cho⁴ta⁴ xi³ tgio¹
 nt²ai¹-vi⁴ sa^{3?}nta³ nca³yi³je³ je²
 cjoa⁴-vi⁴ cjoе⁴c²oa⁴coan⁴. **31** Nc²a³jmi³
 cao⁴ son^{3?}nte³ cjoе⁴t²a³-ni¹, to⁴nca³
 je² en¹-na⁴ li²coi³ cjoе⁴t²a³. **32** To⁴nca³
 xi³ cjo¹cho²ca³ je² ni⁴chjin³-ve⁴,
 c²oa⁴ je² hora-ve⁴ nca³ c²oa⁴coan⁴,
 li²ya³ xi³ ve³, ni⁴je²-jin² a²ncje⁴ xi³
 ts²e⁴ nc²a³jmi³, ni⁴je²-jin² ?nti¹-le⁴
 Ni³na¹, to⁴jnco³ je² N²ai³-na¹ xi³ ve³.
33 Ti⁴coi²ntao⁴³, ti⁴yo³chon^{3?}ntao³,
 t²e²ts²oao³, nca⁴ li²coi³ ?yao³ c²ia⁴²-
 ni³ve⁴ nca³ c²oa⁴coan⁴. **34** Jo³-ni³ jnco³
 cho⁴ta⁴ xi³ cjin³ qui³. Tsa³c²e¹jna³
 ni^{3?}ya³-le⁴, tsa³c²e¹ne²-le⁴ cho^{4?}nta³-
 le⁴ nca³ jnco¹ qui³tsjоa³-le⁴.
 Tsa³ca³te¹xo³ma³-le⁴
 je² xi³ si¹coi²nta⁴ xo⁴ntjoa⁴.
 Ti⁴jna³chon^{3?}ntai³, qui³ts²-le⁴.
35 Tjen⁴ya³to³con² ti⁴yo³, nca⁴
 tsi² ?yao³ c²ia⁴ cjoa⁴²ai¹ je² nai³-
 le⁴ nt²ia³, tsa² s²ai⁴nqui³xon²,
 a³xo⁴ va³sen³ni⁴tjen⁴, c²ia⁴ nca³
 squi¹ntia¹ cha¹xi³cha¹, a³xo⁴ nca³
 ta⁴nzion²ya³, **36**jme¹-ni³ nca³ tsi²
 sa³yo³fe²-si¹nio³ c²ia⁴ nca³ cjoa⁴²ai¹

nti⁴ton⁴. ³⁷Je² cjoa⁴ xi³ xin³-no³
nca³ jon², c²oa⁴xin¹-le⁴ nca³ts²i³:
Tjen⁴ya³to³con² ti⁴yo³.

Cho⁴ta⁴ tsa³ca¹sjai³ jo³-s²in² nca³
si⁴²c²en³ Jesús

(Mt. 26:1-5; Lc. 22:1-2; Jn. 11:45-53)

14 Jao² ni⁴čhjin³ to⁴nqui³-ni³
nca³ qui³ts²ia⁴ s²oi¹pa²xco⁴,
c²oa⁴ ni²čhjin³ nca³ tsa³cjen²
nio⁴xti²la⁴ xi³ tsin²-le⁴ na⁴?yo⁴san³-
jin², je² cho⁴ta⁴ti¹tjon²-le⁴ na⁴?mi³
cao⁴ cho⁴ta⁴ scribano tsa³ca¹sjai³
jo³-s²in² nca³ tsoa⁴che¹ nca³ si⁴²c²en³
Jesús. ²C²oa⁴qui³tso²: A³li² c²ia⁴²
ni⁴čhjin³-le⁴ s²oi¹, jme¹-ni³ tsi²
cjoa⁴si³ s²e⁴-si¹ni³ i⁴ na⁴xi¹na³nta¹.

Chjon⁴² qui³tsjo²jon³ yao³-le⁴ Jesús

(Mt. 26:6-13; Jn. 12:1-8)

³Jesús ti¹jna^{3?}ya³ ni^{3?}ya³-le⁴ Simón
ya⁴ na⁴xi⁴na³nta¹ Betania. Simón
tjin¹-le⁴ ch²in³ nca³ ti¹fi²nto³jon³
yao³-le⁴. C²ia⁴ nca³ ti¹jna^{3?}ta³
ya¹mi²xa⁴, ja^{3?}ai³nčh²oe² jnco³
chjon⁴² xi³ y²a³ jnco³ ti⁴²xo²lo⁴ xi³
tjia¹-le⁴ si²ti⁴ nardo xi³ ūa³qui³ coi³,
xi³ cjai¹nca³ chji¹-le⁴. Tsa³ca³cjan¹
ti⁴²xo²lo⁴-ve⁴, tsa³c²e¹jen⁴son² jco⁴.
⁴Tjin¹ c²a³ xi³ coan³jt¹-le⁴, qui³tso²:
A¹-ni³ nca³ qui³si³qui³tson¹-si¹ni³
si²ti⁴-ve⁴. ⁵Coan⁴² nca³ sa³te¹na³
tsa²ca³-ni³. Sa^{3?}nta³ ts²a³to³ jan²
ciento vi²xo⁴ coi⁴tjo³ chji¹-le⁴. Coan⁴²
c²oai⁴-le⁴ cho⁴ta⁴yo⁴ma⁴ taon⁴-
ve⁴ tsa²ca³-ni³. Qui³nchja⁴ti³cao⁴
chjon⁴²-ve⁴ xi³ c²oa⁴qui³s²in³.
⁶To⁴nca³ Jesús qui³tso²: Ca²ta³v²e²-
no³. A¹-ni³ nca³ ni²jt¹-si¹ni³lao⁴³.
Cjai¹nca³ to⁴nta³-ni¹ nca³ c²oa⁴-s²in²
ca²si¹cao⁴-na³. ⁷Je² cho⁴ta⁴yo⁴ma⁴
coa⁴ti⁴cao⁴nts²jai²-no³. To⁴c²ia⁴²-ni³
me³-no³ coan⁴-no³ nta³ si⁴cao⁴ nca³

je². To⁴nca³ an³ li²coi³ nca³nts²jai²
coa²te⁴jna³cao⁴-no³. ⁸Je² chjon⁴²-
ve⁴ c²oa⁴ca²s²in¹ jna³ sa³nta³
tjen⁴ ca²ma³-le⁴, nca³ to⁴nqui³-ni³
qui³tsjo²jon³ yao³-na⁴ xi³ t²a³ts²e⁴
nca³ coa²jna⁴ñe³. ⁹Xi³ cjoa⁴qui²xi⁴
xi³ xin³-no³, to⁴jna³-ni³ nca³qui³jnta²
son³nte³ nca³ coi⁴no²cjoa⁴ya³-ni³
en¹nta³-vi⁴, c²oa⁴ti⁴-s²in² s²e⁴ en¹ nca³
c²oa⁴-s²in² ca²si¹cao⁴-na³, jme¹-ni³
nca³ c²oa⁴-s²in² cjoa⁴ai¹tsjen³-ni³le⁴
cho⁴ta⁴ xi³ t²a³ts²e⁴.

Judas tjin¹jnco³con³ nca³ sca⁴ni²t²a³

Jesús

(Mt. 26:14-16; Lc. 22:3-6)

¹⁰C²ia⁴ Judas Iscariote, jnco³
xi³ te³jao²-ve⁴, ja^{3?}ai³con³-le⁴
cho⁴ta⁴ti¹tjon²-le⁴ na⁴?mi³, jme¹-ni³
nca³ c²oe⁴²t²a³-si¹ni³le⁴ na⁴jmi¹ xi³
t²a³ts²e⁴ Jesús. ¹¹Cho⁴ta⁴ti¹tjon²-
le⁴ na⁴?mi³ nca³ qui³nčh²oe¹-le⁴,
coan³tsjoa³-le⁴. Qui³tsjoa³ ts²oa³ nca³
tsjoa¹-le⁴ taon⁴. Judas tsa³ca¹sjai³
jo³-s²in² nca³ sca⁴ni²t²a³ Jesús.

**Jesús tsa³cjen² cao⁴ cho⁴ta⁴-
le⁴ je² pa²xco⁴**

¹²Xi³ ti¹tjon² ni⁴čhjin³-le⁴ s²oi¹
nio⁴xti²la⁴ xi³ tsin²-le⁴ na⁴?yo⁴san³-
jin², c²ia⁴ nca³ xl¹jen⁴ njin¹-le⁴
va³rre² xi³ t²a³ts²e⁴ s²oi¹pa²xco⁴,
cho⁴ta⁴-le⁴ Jesús qui³tso²-le⁴: Jna¹-
ni³ nca³ me³-li² nca³ coa⁴nquin¹
c²e²ntai³⁴-jin⁴ jme¹-ni³ nca³ chi⁴ne⁴-
si¹ni³ je² va³rre² xi³ ts²e⁴ pa²xco⁴.
¹³Jesús qui³si³ca³sen¹ jao² cho⁴ta⁴-
le⁴, c²oa⁴qui³tso²-le⁴: Ta⁴nquion¹³
ya⁴ na⁴xi⁴na³nta¹, ya⁴ sa⁴te¹jion³
jnco³cho⁴ta⁴x²in⁴ xi³ y²a³ jnco³
ni³sa³na³nta¹. Tain¹tjen⁴nqui³-lao⁴³.
¹⁴Ya⁴ jna³ cjoa⁴ai¹tsjen³-ni³le⁴,
c²oa⁴ti²in²-lao⁴³ je² xi³ ts²e⁴ nt²ia³:

Maestro xo⁴ tso²: Jñā¹ ti¹jna³ je²
 cuarto jñā³ nca³ coa²cjen⁴ cao⁴
 cho⁴ta⁴-na⁴ je² pa²xco⁴. ¹⁵ Je²
 xi³ ts⁷e⁴ nt⁷ia³ coa⁴co²-no³ jnco³
 cuarto xi³ je³, xi³ ti¹jna³ son²nc²a³,
 xi³ je³chon³nta³. Ya⁴ t⁷e²ntao³
 xi³ t⁷a³tsan⁴². ¹⁶ Qui³ cho⁴ta⁴-le⁴,
 ji³cho² ya⁴ na⁴xi³na³nta¹, c²oa⁴-
 s⁷in² coan³sjai³-le⁴ jo³ qui³tso²-le⁴
 Jesús. Tsa³c⁷e¹nta³ je² pa²xco⁴-ve⁴.
¹⁷C²ia⁴ nca³ je³coan³xon², Jesús
 qui³cao⁴ xi³ te³jao²-ve⁴. ¹⁸C²ia⁴
 nca³ tsa³ca³tio²t⁷a³ ya¹mi²xa⁴, tjen⁴
 nca³ tjo¹cjen², Jesús c²oa⁴qui³tso²:
 Xi³ cjoa⁴qui²xi⁴ xi³ xin³-no³, jnco³
 xi³ jon² xi³ coi⁴chi³cao⁴-nao¹³
 xi³ sca⁴hi²t⁷a³-na³. ¹⁹Cho⁴ta⁴-
 le⁴ coan³fao¹-le⁴. Qui³tso²-le⁴
 jnco¹jnco¹: A³ an³ nia¹³. Xi³c²a³, a³
 an³ nia¹³, c²oa⁴-ti⁴ qui³tso². ²⁰Jesús
 qui³tso²-le⁴: Je² jnco³ xi³ te³jao²-
 ve⁴ xi³ ti¹si¹ca³⁷nchi⁴cao⁴-na³ ja⁴ya³
 čhoa⁴. ²¹Xi³ cjoa⁴qui²xi⁴ je² nti¹-le⁴
 cho⁴ta⁴ coai⁴ jo³-s⁷in² nca³ tji¹t⁷a³
 xi³ t⁷a³ts⁷e⁴. To⁴nca³ ma⁴-xo¹ni³ je²
 cho⁴ta⁴-ve⁴ xi³ sca⁴ni²t⁷a³ je² nti¹-
 le⁴ cho⁴ta⁴. Nqui²sa⁴ nta³-ni¹ tsa²
 tsi² qui³tsin³ cho⁴ta⁴-ve⁴. ²²C²ia⁴
 nca³ tjo¹cjen², Jesús qui³scoe¹
 nio⁴xti²la⁴, qui³si³chi³con³t⁷ain³,
 qui³si³xcoa⁴, qui³tsjоa³-le⁴, qui³tso²:
 Chjoao¹³, je²-vi⁴ yao³-na⁴ ni¹.
²³Qui³scoe¹ cho⁴tsin¹, qui³tsjоa³
 cjoa⁴nta³, qui³tsjоa³-le⁴. Nca³ts⁷i³
 qui³ts⁷i³ya². ²⁴Jesús qui³tso²-
 le⁴: Je²-vi⁴ njin¹-na⁴ ni¹ xi³ ts⁷e⁴
 cjoa⁴cho⁴tse⁴ xi³ qui³s⁷e³n⁷ion¹, xi³
 xi¹jten⁴ xi³ t⁷a³ts⁷e⁴ ncjin² cho⁴ta⁴.
²⁵Xi³ cjoa⁴qui²xi⁴ xi³ xin³-no³ nca³
 tsi² ti⁴sc⁷oi⁴-nia³ na³nta¹to³tse⁴²
 sa³⁷nta³ c²ia⁴ ni⁴čhjin³-ve⁴ c²ia⁴
 nca³ sc⁷oi⁴ nqui²jnco³c²a²-nia³ ya⁴
 cjoa⁴te¹xo³ma³-le⁴ Ni³na¹.

Pedro c²oe¹jna³²ma³cao⁴ Jesús
 (Mt. 26:30-35; Lc. 22:31-34; Jn. 13:36-38)
²⁶C²ia⁴ nca³ je³qui³se³ t⁷a³ts⁷e⁴
 Ni³na¹, ji³tjo³ nta³ ni³nto³ Olivos.
²⁷C²ia⁴ Jesús qui³tso²-le⁴: Nca³ts⁷io³
 jtsao⁴t⁷a³xion²³ xi³ t⁷a³ts⁷an⁴ coi³
 ni⁴tjen⁴-vi⁴, nca³ tji¹t⁷a³: Si³qui²²oan³
 je² xi³ co³nta³ cho⁴, c²oa⁴ va³rre²
 nca³ i⁴ nca³ jan¹ coai⁴. ²⁸To⁴nca³
 coan⁴scan³-ni³ nca³ cjoa⁴a²ya³-
 na³, cjoi¹ ti¹tjon²-no³ ya⁴ nta³
 na³nqui³ Galilea. ²⁹C²ia⁴ Pedro
 qui³tso²-le⁴: Nta³ tsa² nca³ts⁷i³
 jtsao⁴t⁷a³xin², an³ ma³jain². ³⁰Jesús
 qui³tso²-le⁴: Xi³ cjoa⁴qui²xi⁴ xi³
 xin³-le²³ nca³ je² ni⁴tjen⁴-vi⁴ nt⁷ai⁴,
 jan² c²a³ coi⁴jna³⁷ma³cao⁴-nai¹³
 to⁴nqui³-ni³ nca³ squi¹²ntia¹ jao²
 c²a³ cha¹xi³cha¹. ³¹To⁴nca³ Pedro
 nqui²sa⁴ n⁷ion¹ qui³tso²: Nta³ tsa²
 ma³chjen¹ nca³ coi³ya²cao⁴-le²³,
 li²coi³ coa²te⁴jna³⁷ma³cao⁴-le²³.
 Ti⁴c²oa⁴qui³tso²-ni³ nca³ts⁷i³.

Jesús v²e¹ts²oa³ ya⁴ Getsemaní

(Mt. 26:36-46; Lc. 22:39-46)

³²Ji³cho² ja⁴nte³ xi³ Getsemaní
 ?mi², Jesús qui³tso²-le⁴ cho⁴ta⁴-le⁴:
 Ti⁴yo³ i⁴-vi⁴, tjen⁴ an³ c²oe³ts⁷oa²³.
³³Qui³cao⁴ Pedro, Jacobo, cao⁴ Juan.
 Jesús tsa³c²e¹ts⁷ia⁴ nca³ ja³tse³xcon¹,
 c²oa⁴ n⁷ion¹ qui³si³cjao¹jin³.
³⁴C²oa⁴qui³tso²-le⁴: N⁷ion¹ fao¹-
 le⁴ ni⁴ma⁴-na⁴, sa³⁷nta³ cjoa⁴vi³ya³.
 Cho¹yao³ i⁴-vi⁴, ti⁴yo³chon³⁷ntao³.
³⁵Qui³ ti¹tjon² i⁴tse¹-sa³, tsa³ca²jna³
 tsa³cjan² t⁷a³na³nqui³, tsa³c²e¹ts⁷oa³
 tsa² coan⁴ ca²ta³fa³a³to³-le⁴
 hora-ve⁴. ³⁶C²oa⁴qui³tso²: Abba
 N⁷ai³-na⁴, ji³ ma³-li² nca³yi³je³ cjoa⁴.
 Chja⁴a²xin²-nai¹³ je² cjoa⁴ñ⁷ain³,
 to⁴nca³ li² je²-jin² xi³ an³ me³-na³,

to⁴je² xi³ ji³ me³-li². **37** Ja³?ai³-nca¹ni³ coan³sjai³-le⁴ Pedro, Jacobo, cao⁴ Juan nca³ cgio³fe². Jesús qui³tso²-le⁴ Pedro: Simón, a³ so³jna³fe²-ni¹³. A³ tsi² tsa² ma³ nca³ ca²vi³jna³chon³ntai³ jnco³ hora. **38** Ti⁴yo³chon³ntao³, t⁷e²ts⁷oao³, jme¹-ni³ nca³ tsi² jtsao⁴jin³-si¹ni³no³ je¹, c⁷ia⁴ nca³ ch²ao³ si⁴cao⁴-no³. Je² espírituna¹ ti¹jna³nta³, to⁴nca³ je² yao³-na¹ tsin²-le⁴ nca³n¹ion¹-jin². **39** Nqui²jnco³c⁷a² qui³-nca¹ni³, tsa³c⁷e¹ts⁷oao³, qui³tso²-nca¹ni³ xi³ ti⁴coi³-ni³ en¹. **40** Ti⁴ja³?ai³-nca¹ni³, nqui²jnco³c⁷a² coan³sjai³-le⁴ nca³ cgio³fe², nca⁴ xcon⁴ qui³s⁷e³chjoa²ntso¹, c⁷oa⁴ li²coi³ ve³ jo³ coi⁴tso⁴-le⁴ Jesús. **41** Jesús ja³?ai³ xi³ coan³jan²-ni³ c⁷a³, qui³tso²-le⁴: Sa¹yo³fao²³ nt⁷ai⁴, ti⁴cja¹yao³. Je³ji³cho² hora. Coe⁴-ni³ je² ?nti¹-le⁴ cho⁴ta⁴ cha³ni²t⁷a³-le⁴ ntsja³ cho⁴ta⁴ts⁷en⁴. **42** Ti⁴so¹tjaon⁴³, tjian¹. Coe⁴-ni³ je² xi³ tsa³c⁷e¹t⁷ain³ na⁴jmi¹ xi³ t⁷a³ts⁷an⁴ je³ti¹jna³čhian³.

Qui³tsoa³ Jesús

(Mt. 26:47-56; Lc. 22:47-53; Jn. 18:2-11)

43 To⁴jo³ ti¹nchja⁴-sa³ Jesús c⁷ia⁴ nca³ ja³?ai³ nti⁴ton⁴ Judas, jnco³ xi³ te³jao²-ve⁴. Ja³?ai³cao⁴ cho⁴ta⁴ncjin² xi³ y⁷a³ qui⁴cha⁴ y⁷a³ ya¹, ja³?ai³-ni³ t⁷a³ts⁷e⁴ cho⁴ta⁴ti¹tjon²-le⁴ na⁴mi³, cho⁴ta⁴ scribano, cao⁴ cho⁴ta⁴jchi¹nca³. **44** Judas xi³ tsa³c⁷e¹t⁷ain³ na⁴jmi¹ xi³ t⁷a³ts⁷e⁴ Cristo, je³qui³tsjoi³-le⁴ cho⁴ta⁴ jnco³ choa⁴, qui³tso²: Je² xi³ an³ c⁷oe³ntso³a²³, je² ni¹-ve⁴. Ti⁴ntao⁴³ nca³ je², nta³ ta⁴nquin¹cao⁴³. **45** C⁷ia⁴ Judas ja³?ai³, nti⁴ton⁴ ji³nčhoa³t⁷a³čhian³-le⁴ Jesús, qui³tso²-le⁴: Maestro,

Maestro. Tsa³c⁷e¹ntso³a³. **46** C⁷ia⁴ cho⁴ta⁴ qui³tsoa³n¹ion¹-ni³ ntsja³. **47** Jnco³ xi³ ti¹jna³ ya⁴-ve⁴, tsa³c⁷a³sje³ qui⁴cha⁴. Tsa³ca¹-le⁴ cho⁴nta³-le⁴ na⁴mi³ti¹tjon². Tsa³ca³te³t⁷a³ xo⁴ño³. **48** Jesús qui³nchja⁴, qui³tso²-le⁴: A³ ca²vi²tjo⁴-nio³ cao⁴ qui⁴cha⁴, cao⁴ ya¹ nca³ coi⁴ntoa⁴-nao¹³. **49** Nchaon³nchaon³ tsa³ca²te⁴jna³cao⁴-no³ nca³ tsa³ca³co³ya²³-no³ ya⁴yo⁴nco⁴. C⁷oa⁴ li²coi³ qui³ntoa³-nao¹³, to⁴nca³ ca²ta³ma³jnco³ jo³ tso² xon⁴ Escrituras. **50** C⁷ia⁴ nca³ts⁷i³ cho⁴ta⁴-le⁴ qui³tsjion²con³, tsa³nca³. **51** To⁴nca³ jnco³ cho⁴ta⁴xti³ qui³tjen⁴nqui³-le⁴, ti¹jna³ite¹ jnco³ sábana nca³ qui³jna³jt². Cho⁴ta⁴ qui³tsoa³ nca³ je². **52** To⁴nca³ cho⁴ta⁴xti³-ve⁴ tsa³c⁷e¹jna³ sábana, qui³jt² nca³ tsa³nca³-le⁴ cho⁴ta⁴-ve⁴.

Qui³cao⁴-le⁴ cho⁴ta⁴ti¹tjon²-le⁴ na⁴mi³

Jesús

(Mt. 26:57-68; Lc. 22:54, 67-

71; Jn. 18:12-14, 19-24)

53 Cho⁴ta⁴ncjin²-ve⁴ qui³cao⁴ Jesús. Qui³con³-le⁴ je² xi³ na⁴mi³ti¹tjon². Coan³ña³ nca³ts⁷i³ cho⁴ta⁴ti¹tjon²-le⁴ na⁴mi³, cho⁴ta⁴jchi¹nca³, cao⁴ cho⁴ta⁴ scribano. **54** To⁴nca³ Pedro qui³ co³tsen³tjen⁴nqui³-le⁴ sa³nta³ nca³ ji³cho² ja⁴ya³ nti³tsin³-le⁴ je² xi³ na⁴mi³ti¹tjon². Ya⁴ tsa³c⁷e¹jna³cao⁴ cho⁴nta³. Ti¹si¹so³-ni³le⁴ l¹l¹ yao³-le⁴. **55** Je² cho⁴ta⁴ti¹tjon²-le⁴ na⁴mi³ cao⁴ nca³ts⁷i³ cho⁴ta⁴xa¹ tsa³ca¹sjai³ en¹ xi³ coa¹ne²-ni³le⁴ Jesús, jme¹-ni³ nca³ si⁴c⁷en³, to⁴nca³ li²coi³ qui³sa³co³-le⁴. **56** Ncjin² xi³ en¹nti³so³ tsa³c⁷e¹nta³ne² Jesús, to⁴nca³ cja⁴-ai¹ cja⁴ai¹ qui³tso² nca³ jnco¹jnco¹. **57** C⁷ia⁴

tsa³qui³ncha³nto³ c²a³, qui³tsjoa³
 en¹nti³so³ xi³ t²a³ts²e⁴ Jesús,
 qui³tso²: **58** Jin⁴jin⁴ qui³no^{2?}ya²-
 lai⁴jin⁴ nca³ c²oa⁴qui³tso²: An³
 si³qui³xo²ya³ je² yo⁴nco⁴-vi⁴
 xi³ ntsja³ qui³si³nta³-ni³, c²oa⁴
 to⁴jan² ni⁴čhjin³ c²oe³nta³-nia³ xi³
 nqui²jnco³ xi³ tsj² ntsja³ s²e⁴nta³-ni³.
59 Ni⁴c²oa⁴²-jin²s²in² coan³nco¹son²
 en¹-le⁴. **60** C⁷ia⁴ je² xi³ na^{4?}mi³ti¹tjon²
 tsa³qui³ncha³nto³ jin³va³sen³,
 qui³sco²na³nqui³-le⁴ Jesús, qui³tso²:
 A³ tsi²jme³ en¹ xi³ no²cjoai⁴. Jo¹
 tso²-ni³ je² en¹ xi³ tsjoa¹ je² cho⁴ta⁴-
 vi⁴ co²ntran⁴ tsi⁴. **61** To⁴nca³ Jesús
 jyo¹ tsa³c²e²jna³, ni⁴jme³-jin² en¹
 xi³ qui³nchja⁴. Je² na^{4?}mi³ti¹tjon²
 nqui²ntia³ qui³sco²na³nqui³-le⁴,
 qui³tso²-le⁴: A³ tsi² tsa² ji³ xi³ Cristo
 xi³ ?nti¹-le⁴ je² xi³ to⁴nta³. **62** Jesús
 qui³tso²-le⁴: An³ nia¹³. Jcha⁴-
 nio¹³ ?nti¹-le⁴ cho⁴ta⁴ nca³ ti¹jna³
 nca³qui²xi⁴-le⁴ nca³n²ion¹-le⁴ Ni³na¹,
 nca³ cjoa⁴²ailjin³-ni³ yo³jvi³-le⁴
 nc²a³jmi³. **63** C⁷ia⁴ je² na^{4?}mi³ti¹tjon²
 tsa³ca³sen¹jnta³ na³jño³-le⁴,
 c²oa⁴qui³tso²: Jme¹-sa³ testigo xi³
 ma³chjen¹-na¹. **64** Je³ca²no²yao²³
 nca³ ca²nchja⁴²ao³-le⁴ Ni³na¹: Jo¹
 vi³xon¹³. C⁷ia⁴ nca³ts²i³ qui³tsjoa³-
 le⁴ Jesús cjoa⁴ñ²ain³, c²oa⁴qui³tso²
 nca³ va³quin²-le⁴ cjoa⁴vi³ya³. **65** Tjin¹
 c²a³ xi³ tsa³c²e¹ts²ia⁴cao⁴ nca³
 tsa³c²e¹čha¹jon³ Jesús. Tsa³ca¹tsa³
 ncjain¹, tsa³c²e¹-le⁴, c²oa⁴qui³tso²-
 le⁴: Ti⁴no²cjoa⁴ya³. Je² xi³ cho⁴nta³
 qui³si³jtsin³?a³ ncjain¹.

Pedro tsa³c²e²jna³ma³

(Mt. 26:69-75; Lc. 22:55-
 62; Jn. 18:15-18, 25-27)

66 Pedro ya⁴ ti¹jna³nqui³ nti³tsin³
 jan¹. Ja³ai³ jnco³ tso²ti³ xi³ si¹xa¹-

le⁴ na^{4?}mi³ti¹tjon². **67** Je² tso²ti³-ve⁴
 c²ia⁴ nca³ tsa³ve³ Pedro nca³
 ti¹si¹so³ yao³-le⁴, qui³sco²tsen³a³,
 qui³tso²-le⁴: C²oa⁴-ti⁴ ji³ to⁴jnco³
 tsa³qui³jna³coai⁴ Jesús je² cho⁴ta⁴
 nazareno. **68** To⁴nca³ Pedro
 tsa³c²e²jna³ma³, qui³tso²: Li²coi³
 ve³xcoan³, li²coi³ ma³cho⁴ya³-
 na³ jo³ si³. Ji³tjo³ sa³nta³
 ja⁴čho³ xo⁴ntjoa⁴. Qui³squi³ntia¹
 cha¹xi³cha¹. **69** Je² tso²ti³ xi³ si¹xa¹-
 le⁴ na^{4?}mi³ti¹tjon² ti⁴tsa³ve³-nca¹ni³
 Pedro, tsa³c²e¹ts²ia⁴cao⁴ nca³
 c²oa⁴qui³tso²-le⁴ cho⁴ta⁴ xi³ ya⁴
 tjo¹: Je² cho⁴ta⁴-vi⁴ ts²e⁴ Jesús.
70 To⁴nca³ Pedro mai³ ti⁴qui³tso²-
 nca¹ni³. Xi³ coan³jnco³ti²-ni³
 je² cho⁴ta⁴ xi³ ya⁴ tjo¹ qui³tso²
 nqui²jnco³c²a²-le⁴ Pedro: Xi³
 cjoa⁴qui²xi⁴ ji³ ni¹³ cho⁴ta⁴-le⁴ Jesús,
 nca⁴ji³ ni¹³ cho⁴ta⁴ galileo. Je² en¹-
 li⁴ c²oa⁴tso². **71** Pedro tsa³c²e¹ts²ia⁴
 nca³ qui³tso²: Ni³na¹ ca²ta³tsjoa¹-
 na³ cjoa⁴ñ²ain³ tsa² tsi² c²oa⁴ti¹
 en¹-na⁴. Nā³qui³ qui³tsjoa³ en¹-le⁴.
 Li²coi³ ve³xcoan³ cho⁴ta⁴ xo⁴cji³-vi⁴
 xi³ vi³xon¹³ nca³ jon². **72** Cha¹xi³cha¹
 qui³squi³ntia¹ xi³ coan³jao² c²a²-
 ni³. Pedro ja³ai³tsjen³-le⁴ je² en¹-le⁴
 Jesús jo³ qui³tso²-le⁴: Jan² c²a³
 coi⁴jna³ma³cao⁴-nai¹³ to⁴nqui³-ni³
 nca³ squi¹²ntia¹ jao² c²a³ cha¹xi³cha¹.
 C²ia⁴ nca³ qui³si³cja³ai³tsjen³ je²-vi⁴,
 qui³squi³nta¹.

Qui³cao⁴-le⁴ Pilato Jesús

(Mt. 27:1-2, 11-14; Lc. 23:1-5; Jn. 18:28-38)

15 Nca³ ta⁴nzion² c²ia⁴
 nca³ je³coan³ junta,
 cho⁴ta⁴ti¹tjon²-le⁴ na³mi³,
 cho⁴ta⁴čhi¹nca³, cho⁴ta⁴ scribano,
 cao⁴ nca³ts²i³ cho⁴ta⁴xa¹. Qui³cao⁴
 Jesús xi³ tji¹t'a³n²ion¹, qui³

ca³ni¹t²a³-le⁴ Pilato. ²Pilato qui³sco²na³nqui³-le⁴: A³ ji³ ni¹³ cho⁴ta⁴ti¹tjon²-le⁴ cho⁴ta⁴ judíos. Jesús qui³tso²-le⁴: C²oa⁴tjin¹ xi³ si³-ve⁴. ³Cjai¹nca³ ncjin² je¹ tsa³ca¹nqui³ Jesús cho⁴ta⁴ti¹tjon²-le⁴ na⁴mi². ⁴Pilato nqui²jnco³c²a² ti⁴qui³sco²na³nqui³-nca¹ni³le⁴: A³ ts² jme³ en¹ xi³ no²cjoai⁴. Coe⁴-ni³ jo³ nca³ ncjin² cjoa⁴ xi³ va¹nqui³-li². ⁵To⁴nca³ Jesús li²coi³ qui³nchja⁴ nta³ tsa² c²oa⁴ti¹mi²-le⁴. Jo¹ to⁴coan³xcon¹-le⁴ Pilato. ⁶C²ia⁴ nca³ s²oi¹je³ Pilato si¹c²e¹jna³ntai¹ntsjai² jnco³ preso nca³ xqui⁴no¹, to⁴ya³-ni³ve⁴ xi³ cho⁴ta⁴na⁴xi⁴na³nta¹ qui³si³je¹. ⁷Ti¹jna³ cjoa⁴ñ¹ain³ jnco³ cho⁴ta⁴ xi³ Barrabás ²mi², cao⁴ mi²yo⁴-le⁴ xi³ tsa³qui³so¹tjen⁴ cao⁴ cjoa⁴si³. Qui³si³c²en³ c²en³ ja⁴jin³ cjoa⁴si³-ve⁴. ⁸Cho⁴ta⁴ncjin² ja³ai³con³-le⁴ Pilato. Tsa³c²e¹ts²ia⁴ nca³ qui³si³je¹-le⁴ nca³ c²oa⁴-s²in² si⁴ti³son²-nca¹ni³le⁴ jo³-s²in² nca³ntsjai² xi³ t²ts²e⁴. ⁹Pilato qui³tso²-le⁴: A³ me³-no³ nca³ si⁴2c²e¹jna³ntai¹-no³ je² cho⁴ta⁴ti¹tjon²-le⁴ cho⁴ta⁴ judíos. ¹⁰Pilato tjin¹jin³-le⁴ nca³ to⁴cjoa⁴xin²ta³con²³-le⁴ nca³ cho⁴ta⁴ti¹tjon²-le⁴ na⁴mi³ ji³cho² ca³ni¹t²ta³-le⁴ Jesús. ¹¹To⁴nca³ cho⁴ta⁴ti¹tjon²-le⁴ na⁴mi³ tsa³qui³ncha¹a³ nca³ts²i³ cho⁴ta⁴ nca³ to⁴sa³ ca²ta³si¹c²e¹jna³ntai¹-le⁴ Barrabás. ¹²Pilato nqui²jnco³c²a² qui³tso²-nca¹ni³le⁴: Jme¹ xi³ me³-no³ tso²o⁴ nca³ s²ian³ xi³ t²a³ts²e⁴ je² cho⁴ta⁴-vi⁴ xi³ mi²-lao⁴³ cho⁴ta⁴ti¹tjon²-le⁴ cho⁴ta⁴ judíos. ¹³Cho⁴ta⁴ nqui²ntia³ tsa³c²e¹jta³: Cro² tja³t²ai³. ¹⁴To⁴nca³ Pilato qui³tso²-le⁴: Jme¹ cjoa⁴ts²en⁴ xi³ qui³s²in³-ni³.

Cho⁴ta⁴ nqui²sa⁴ tsa³c²e¹jta³: Cro² tja³t²ai³. ¹⁵Pilato me³-le⁴ si¹ñña³con³ cho⁴ta⁴na⁴xi⁴na³nta¹, coi³ cjoa⁴-vi⁴ qui³si³c²e¹jna³ntai¹-le⁴ Barrabás. C²oa⁴ c²ia⁴ nca³ je³tsa³ca¹-le⁴ Jesús, qui³sca³ni¹t²a³ jme¹-ni³ nca³ s²e⁴t²a³ si¹ni³ cro².

So³nta²do⁴ qui³si³tsjоa³t²ain³ Jesús
¹⁶C²ia⁴ so³nta²do⁴ qui³cao⁴ Jesús ya⁴ ?nte³-le⁴ cho⁴ta⁴xa¹ti¹tjon² xi³ ?mi² Pretorio. Qui³nchja⁴ma³ñña³-le⁴ nca³ts²i³ so³nta²do⁴.
¹⁷Qui³si³c²a³cja¹ Jesús na³jño³jco³. Tsa³c²e¹jna³son² jco⁴ jnco³ corona na³ya¹. ¹⁸Tsa³c²e¹ts²ia⁴cao⁴ nti⁴ton⁴ nca³ qui³si³ti²nta³: Ti²nta³-li², cho⁴ta⁴ti¹tjon²-le⁴ cho⁴ta⁴ judíos. ¹⁹Tsa³ca¹ntjai² ya¹ jco⁴. Tsa³c²e¹čha¹jon³ nca³ je², jo³ tsa³qui³ncha³xco¹nch²in³t²a³-le⁴ jo³-ni³ xi³ tsa³ve³xcon¹. ²⁰C²ia⁴ nca³ je³qui³si³tsjоa³t²ain³, tsa³c²a³sje³xin²-le⁴ na³jño³jco³-le⁴. Qui³si³c²a³cja¹-ni³ na³jño³xi³ ts²e⁴, c²ia⁴ ji³tjo³cao⁴ nca³ coa³t²a³ cro².

Tsa³ca¹t²a³ cro² Jesús

(Mt. 27:57-61; Lc. 23:50-56; Jn. 19:38-42)

²¹Qui³si³c²a³nc²a³ cjoa⁴n²ion¹ xi³ ya⁴ ja³a³, xi³ ja³ai³-ni³ nqui³chao³-le⁴, (je² Simón xi³ cho⁴ta⁴ cireneo, n²ai³-le⁴ Alejandro cao⁴ Rufo) jme¹-ni³ nca³ c²oa⁴-si¹ni³ cro²-le⁴ Jesús.
²²Qui³cao⁴ Jesús ja⁴nte³ Gólgota, xi³ tso²-ni³ je² ?nte³jco⁴c²en³.
²³Qui³tsjоa³-le⁴ vino xi³ ti¹ts²o¹jin³-le⁴ mirra, to⁴nca³ Jesús li²coi³ qui³ts²i³. ²⁴C²ia⁴ nca³ je³tsa³ca¹t²a³ cro², qui³si³c²a³vl¹ na³jño³-le⁴, qui³si³sca¹cao⁴ ya³-ni³ xi³ c²oa⁴ nca³ jnco¹jnco¹. ²⁵Las nueve nca³ ta⁴nzion² c²ia⁴ nca³ tsa³ca¹t²a³ cro².

26 C^oa⁴ son²jco⁴ tsa³c^e1^ta³ xi³
 tsa³ca¹nqui³ Jesús: Cho⁴ta⁴ti¹tjon²-le⁴
 cho⁴ta⁴ judíos. **27** C^oa⁴-ti⁴ tsa³ca¹t²a³
 cro² Jesús jao² cho⁴ta⁴che¹ xi³
 tsa³qui³ncha¹ jnco³ nca³qui²xi⁴-le⁴,
 c^ooa⁴ xi³jnco³ nca³scon¹-le⁴. **28** C^oa⁴-
 s⁷in² coan³jnco³ je² en¹ Escritura
 xi³ tso²: Cao⁴ cho⁴ta⁴ts²a³ntjai²cjoa⁴
 coan³xqui⁴cao⁴ nca³je². **29** Je² xi³ ya⁴
 ja³a³to³ qui³nchja⁴aon³-le⁴, jo³ nca³
 tsa³c^e1jco⁴ qui³s⁷in³, qui³tso²: Jan⁴.
 Ji³ xi³ qui³si³ nca³ si⁴qui³xo²jain³
 yo⁴nco⁴ xi³ ts²e⁴ Ni³na¹, c^ooa⁴
 nca³ jan² ni⁴čhjin³ c^ooe¹nta³-ni³,
30 ch²a⁴sje³ntjai² yao³-li⁴, ti²tjo⁴jen⁴-
 lai⁴ cro²-ve⁴. **31** Ti⁴c^oa⁴qui³s⁷in³-ni³
 cho⁴ta⁴ti¹tjon²-le⁴ na⁴mi³, cao⁴
 cho⁴ta⁴ scribano qui³si³tsjоa³t²ain³
 nca³ i⁴ nca³ jan¹ qui³tso²-le⁴
 xi¹ncjin¹: Tsa³c²a³sje³ntjai² xi³
 cja⁴ai¹, to⁴nca³ li²coi³ ma³-le⁴
 v⁷a³sje³ntjai²-ni³ yao³-le⁴. **32** Je²
 Cristo, cho⁴ta⁴ti¹tjon²-le⁴ cho⁴ta⁴
 Israel, ca²ta³vi³tjo³jen³t²a³ cro²
 nt²ai⁴-vi⁴, jme¹-ni³ nca³ jcha⁴-si¹nia³²,
 c^ooa⁴ coan⁴cjain¹-si¹ni³na¹. C^oa⁴-ti⁴
 je² xi³ ya⁴ to⁴jnco³ tjen⁴v²a³t²a³ cro²
 qui³nchja⁴ti³cao⁴ Jesús. **33** C^oi⁴ nca³
 ji³cho²ca³ nchi³sen³, coan³nzion²
 nca³qui³jnta² son³nte³, sa³nta³
 las tres nca³ ma³xon². **34** C^oi⁴
 nca³ las tres nca³ ma³xon² Jesús
 n⁷ion¹ qui³nchja⁴, qui³tso²: Eloi,
 Eloi, lama sabactani, xi³ tso²-
 ni³. Ni³na¹-na⁴, Ni³na¹-na⁴, a¹-ni³
 nca³ ca²nzion³ta³con²-si¹ni³nai¹³.
35 Xi³ je³qui³nchja⁴-le⁴ c²a³ xi³ ya⁴
 tjo¹, qui³tso²: Coe⁴-ni³ nchja⁴-le⁴
 Elías. **36** Jnco³ cho⁴ta⁴ qui³to²ca³,
 qui³si³ca³nchja⁴-ni³ tsa⁴nca⁴,
 qui³si³c^e1jna³jco³ ya¹na⁴xo⁴,
 qui³si³c²i³, qui³tso²: Ca²ta³v²e²,
 cho¹tsen³-le⁴² tsa² cjoa⁴ai¹ Elías

nca³ cjoa⁴ a²xin² Jesús. **37** To⁴nca³
 Jesús n⁷ion¹ qui³squi³ntia¹,
 qui³cha³jta³. **38** C^oi⁴ je² na³ñjo³
 xi³ qui³tjen⁴chjoa² ya⁴ya³ yo⁴nco⁴
 coan³va³sen³ya³. Ji³nčhoa³-ni³ jco⁴
 sa³nta³ t²a³na³nqui³ qui³xi³jnta¹jen³.
39 Je² xi³ nca³jco⁴-le⁴ so³nta²do⁴ xi³
 ya⁴ tsa³ca³sen²jna³t²a³-le⁴ Jesús, c²ia⁴
 nca³ tsa³ve³ nca³ ntia³ qui³cha³jta³
 Jesús, qui³tso²: Xi³ cjoa⁴qui²xi⁴
 je² cho⁴ta⁴-vi⁴ ?nti¹-le⁴ Ni³na¹ ni¹.
40 C^oa⁴-ti⁴ tjo¹ c²a³ ya¹ncjin¹ xi³
 cjin³ tjo¹co³tsen³-ni³le⁴. María
 Magdalena, c^ooa⁴ María xi³ na⁴-le⁴
 Jacobo xi³ ma³nti¹ cao⁴ José, c^ooa⁴
 Salomé tjo¹ jin³-le⁴ nca³je². **41** Je²
 ya¹ncjin¹ qui³ta³-le⁴, qui³si³sin³-le⁴
 Jesús c²ia⁴ nca³ to⁴jo³ tsa³c^e2jna³
 ya⁴ na³nqui³ Galilea. C^oa⁴ ncjin²-sa³
 ya¹ncjin¹ xi³ ña³tjen⁴ ji³nčhoa³mi³
 cao⁴ Jesús ya⁴ na⁴xi⁴na³nta¹
 Jerusalén.

Qui³sca³ni¹s²e³nqui³ tsjo¹

(Mt. 27:57-61; Lc. 23:50-56; Jn. 19:38-42)

42 C^oi⁴ nca³ je³coan³xon², coi³
 nca³ je² víspера-le⁴ c²ia⁴ nca³
 tsa³c^e1nta³ xi³ t²a³ts²e⁴ ni⁴čhjin³
 ni²cja¹ya³, **43** José xi³ Arimatea
 ts²e⁴, jnco³ cho⁴ta⁴xa¹ xi³ cja¹nca³
 tjin¹-le⁴ cjoa⁴qui²xi⁴, xi³ c²oa⁴-ti⁴
 qui³sco²ya³-le⁴ cjoa⁴te¹xo³ma³-
 le⁴ Ni³na¹, coan³n⁷ion¹con³ nca³
 ja³a³s⁷en³nčhja⁴oe² Pilato, qui³si³je¹-
 le⁴ yao³-le⁴ Jesús. **44** Pilato
 to⁴coan³xcon¹-le⁴ nca³ je³c²en³.
 Qui³nchja⁴-le⁴ je² xi³ nca³jco⁴-le⁴
 so³nta²do⁴-ve⁴, qui³sco²na³nqui³-le⁴
 tsa² je³c²en³. **45** Je² xi³ nca³jco⁴-
 le⁴ so³nta²do⁴ qui³tsjоa³-le⁴
 cjoa⁴qui²xi⁴. C^oi⁴ nca³ Pilato tsa³ve³,
 qui³tsjоa³-le⁴ José yao³-le⁴ Jesús.
46 José tsa³ca³tse³ jnco³ sábana,

tsa³cja³a¹xin² Jesúś, tsa³ca¹jte¹
 sábana, qui³sca³ni¹s²en³nqui³ tsjo¹
 jña³ qui³tjo³-ai²cja¹ jnco³ na⁴xi⁴.
 Jnco³ la⁴jao⁴ qui³sca³ni¹ti¹cja¹
 jcho³xo⁴ntjoa⁴-le⁴ tsjo¹.
⁴⁷María Magdalena, cao⁴ María
 xi³ na⁴-le⁴ José, tsa³ve³ jña³-ni³ nca³
 ti¹qui³jna³ñai³.

Jesús ja³a²ya³-ni³le⁴

(Mt. 28:1-10; Lc. 24:1-12; Jn. 20:1-10)

16 C²ia⁴ nca³ je³ja³a³to³
 ni⁴chjin³ ni²cja¹ya³, María
 Magdalena, María na⁴-le⁴ Jacobo,
 cao⁴ Salomé, tsa³ca³tse³ xqui³ xi³
 nta³ njen³, jme¹-ni³ nca³ cjoa⁴ai¹
 si¹ca³jon³-si¹ni³le⁴ yao³-le⁴ Jesúś.
 2C²ia⁴ nca³ ni⁴chjin³ tai²nco⁴
 nca³ cja¹nca³ ta⁴nzion²ya³, xi³
 qui³s²e³sen¹, ji³nchoa³ jña³ qui³jna³
 tsjo¹-ve⁴. 3Qui³tso²-le⁴ xi¹ncjin¹:
⁷ya¹-ni³ve⁴ xi³ cjoa⁴a²xin²-na¹ je²
 la⁴jao⁴ xi³ qui³jna³jcho³ xo⁴ntjoa⁴-
 le⁴ tsjo¹. 4C²ia⁴ nca³ qui³sco²tse³,
 tsa³ve³ la⁴jao⁴-ve⁴ xi³ je³qui³tji³
 t²a³xin²-le⁴ tsjo¹-ve⁴. Cjai¹nca³ to⁴je³
 cji³ la⁴jao⁴-ve⁴. 5Qui³s²en³ tsjo¹-
 ve⁴. Tsa³ve³ jnco³ cho⁴ta⁴xti³ xi³
 ti¹jna³ nca³qui²xi⁴-le⁴. Ti¹jna³jte¹
 jnco³ na³jño³jncho³ xi³ choa³ cji³.
 Ya¹nchjin¹ qui³tsa³cjon¹. 6To⁴nca³
 je² c²oa⁴qui³tso²-le⁴: A³li² vi³jcon³-
 jion²³, ti³ma³fa³sja³-nio¹³ Jesúś
 xi³ ts²e⁴ Nazaret, xi³ qui³s²e³jna³t²a³
 cro². Ca²fa³a¹ya³-ni³le⁴, li²coi³ i⁴
 ti¹jna³-vi⁴. Cho¹tsen³-lao⁴³ i⁴-nte³-vi⁴
 jña³ nca³ tsa³ca³jna³. 7Ta⁴nquion¹³
 tso²c²oa⁴, c²oa⁴t²in²-lao⁴³ cho⁴ta⁴-le⁴
 cao⁴ Pedro nca³ je² ti¹fi² ti¹tjon²-no³
 ya⁴ Galilea. Ya⁴ jchao⁴³ nca³ je², jo³-
 s²in² nca³ qui³tso²-no³. 8Ya¹nchjin¹
 ji³tjo³ nti⁴ton⁴-ni³ tsjo¹-ve⁴. Jo³
 qui³to²ca³, jo³ ja³tse³ yao³-le⁴, jo³

coan³xcon¹-le⁴. Ni⁴⁷ya³-jin² xi³ jo³
 qui³tso²-le⁴, nca⁴ n⁷ion¹ tjo¹tsa³cjon¹.

María Magdalena tsa³ve³ Jesúś

(Jn. 20:11-18)

⁹Jesúś ja³a²ya³-ni³le⁴ nca³ tai²nco⁴
 ni⁴tjen⁴ya³. Ts²a³tsen³ ti¹tjon²-le⁴
 María Magdalena xi³ tsa³c²a³sje³xin²-
 le⁴ ña³to³ nai⁴² xi³ nta³jin³. ¹⁰Qui³
 María Magdalena, tsa³c²e¹-le⁴ na⁴jmi¹
 je² xi³ tsa³ca³tio²cao⁴ Jesúś. Fao¹-le⁴
 cho⁴ta⁴-ve⁴, tjo¹qui³nta¹. ¹¹C²ia⁴ nca³
 qui³nch²oe¹ nca³ ti¹jna³con³ Jesúś,
 c²oa⁴ nca³ María tsa³ve³ nca³ je²,
 cho⁴ta⁴-le⁴ li²coi³ coan³cjain¹-le⁴.

Jao² cho⁴ta⁴-le⁴ tsa³ve³ Jesúś

(Lc. 24:13-35)

¹²To⁴nca³ coan³scan³-ni³ cja⁴ai¹
 cji³ yao³-le⁴ nca³ qui³si³c²a³tsen³-
 le⁴ jao² cho⁴ta⁴ xi³ tjo¹fi² ntia⁴²
 nqui³chao³. ¹³Qui³si³c²o¹fa³-ni³ nca³
 jao². Qui³ c²e¹-le⁴ na⁴jmi¹ xi³c²a³.
 C²oa⁴-ti⁴ li²coi³ coan³cjain¹-le⁴.

Jesús tsa³c²e¹ne²-le⁴ cho⁴ta⁴-le⁴

(Mt. 28:16-20; Lc. 24:36-49; Jn. 20:19-23)

¹⁴Xi³je³t²a³-ni³ Jesúś qui³si³c²a³tsen³-
 le⁴ yao³-le⁴ je² xi³ ti⁴je²-ni³ te³jnco³
 cho⁴ta⁴-le⁴ c²ia⁴ nca³ tjo¹t²a³ ya¹mi²xa⁴.
 Qui³nchja⁴ti³cao⁴ nca³ c²oa⁴-s²in² xi¹jin³
 ni⁴ma⁴-le⁴, nca³ tsi² coan³cjain¹-le⁴ jo³
 qui³tso² je² xi³ tsa³ve³ Jesúś c²ia⁴ nca³
 ja³a²ya³-ni³le⁴. ¹⁵C²oa⁴qui³tso²-le⁴:
 Ta⁴nquion¹³ nca³qui³jnta² son³nte³.
 Ti⁴no²cjoa⁴ya³jin³-lao⁴³ nca³ts²i³ cho⁴ta⁴
 je² en¹nta³ xi³ t²a³ts²an⁴. ¹⁶Je² xi³
 coan⁴cjain¹-le⁴, c²oa⁴ xi³ sa⁴te¹nta¹-ni¹,
 coi⁴tjo³ntjai²-ni¹. To⁴nca³je² xi³tsi²
 coan⁴cjain¹-le⁴, s²e⁴-le⁴ cjoa⁴ñ²ain³. ¹⁷Je²
 xi³ coan⁴cjain¹-le⁴, c²oa⁴s²in⁴² je² choa⁴
 je²-vi⁴: Cao⁴ jan³ain¹-na⁴ c²oa⁴sje³xin²
 nai⁴² xi³ nta³jin³, c²oa⁴ coi⁴nchja⁴ en¹

xi³ cja⁴ai¹. **18** Sco¹mi³tjen⁴ ye⁴, c⁷oa⁴ tsa²
 sc⁷oi¹ tso³jmi² xi³ si¹c⁷en³, li²jo³ si⁴cao⁴.
 Coa⁴yo³son²-le⁴ ntsja³ je² xi³ tjiol¹m²en³,
 coan⁴nta³-ni¹.

Jesús qui³tjoe¹mi³ nc⁷a³jmi³
(Lc. 24:50-53)

19 Je² Nai³-na¹, c⁷ia⁴ nca³
 je³tsa³cja¹cao⁴ cho⁴ta⁴-

le⁴ qui³tjoe¹mi³ nc⁷a³jmi³.
 Tsa³c⁷e²jna³ nca³qui²xi⁴-
 le⁴ Ni³na¹. **20** Ji³tjo³ je²
 cho⁴ta⁴-le⁴ve⁴, qui³nchja⁴ya³
 nca³qui³jnta² ?nte³. Je² Nai³-na¹
 qui³si³xa¹cao⁴ nca³ je², ña³qui³
 qui³si³qui²xi⁴ya³nta³ en¹-le⁴
 cao⁴ choa⁴ xi³ qui³s⁷in³. C⁷oa⁴
 ca²ta³ma³.